

中

中國新

天命



附

告

本局素以闡揚文化。普及教育爲職志。所編新舊文學書籍。與學生作文用書。以及字典辭典等。內容充實。印刷鮮明。無不力求適時。確合現代青年參考之用。卽古本小說。亦繪圖精美。編幅完整。其他醫卜星相。經史子集。專門各書。尤校刊周到。板本精良。與衆不同。早爲士林所贊許。茲更貶值售賣。藉輕讀者負擔。僅出低廉之代價。可獲優美之圖書。此敝局提倡文化。輔導社會之微忱也。凡我 各界人士。幸垂察焉。

本局謹識

中國文學名著

中國
新
偵
探



中國文學名著

古戍寒茄記……實售二角五分 著作者 葉楚傖	冷紅日記……實售一角五分 著作者 吳綺緣 評閱者 徐枕亞
蘭闌恨……實售一角八分 著作者 陳紹澍	門鑿記……實售國幣二角 著作者 劉鉄冷 評閱者 夢陽軒主
斷腸花……實售國幣二角 著作者 吳雙熱	雙釧記……實售二角五分 著作者 蘇雙樸 評閱者 戴志超
風颭芙蓉記……實售一角八分 著作者 姚鶴雄 評閱者 葉楚傖	繡囊記……實售一角八分 著作者 俞天憤 評閱者 吳雙熱
快活夫妻……實售一角五分 著作者 吳雙熱 評閱者 徐枕亞	飛英劫……實售一角六分 著作者 白蝶魂
燕蹴爭絃錄……實售國幣二角 著作者 姚鶴雄	求婚小史……實售一角六分 著作者 劉鉄冷
姊妹花影……實售一角八分 著作者 張海瀛	武林秋……實售國幣二角 著作者 許一厂 評閱者 劉鉄冷
中國新偵探……實售二角四分 著作者 俞天憤 評閱者 徐枕亞	換巢鸞鳳……實售一角六分 著作者 于星海
孽海雙鸛記……實售一角五分 著作者 楊南邨 評閱者 沈東誥	孽冤鏡別錄……實售一角八分 著作者 吳雙熱
春奩鑿影……實售一角五分 著作者 姚鶴雄 評閱者 沈東誥	梯園談薈……實售一角八分 著作者 梯園遺著 評閱者 沈章編

第一集二十種

共二十厚冊

分購價洋三元七角

郵費四角

合購特價祇收國幣二元六角

中原書局出版

錦章書局經售

上海河南路交通路七至九號

上海棋盤街一八九號

中國偵探案目次

海虞
俞天憤
徐枕亞
評著

啄木鳥

枕中秘

一分鐘

井底遊魂

筆尖

儉香妙手

生髮油

燥島

文明結婚

火柴



中國新偵探案

目錄

中國新偵探案 目錄

白齒茗香初過雨

开

雙十節

箱中履印

鬼影

爆竹一聲

塢中石

三萬元

貓香

金玉錯



中國新偵探案

海虞 徐枕亞評
俞天憤著

啄木鳥

金閭之南。有所謂新羅鎮者。巨鎮也。鎮中不下五百家。家俱富有。而尤以陸姓爲最。陸翁正芬。年事五十許。資產充足。號陸百萬。實則陸之資產。是否適合此數。或突過而少遜。無論外人不能悉其內容。卽陸亦模糊不克詳。彼第知每歲收入若干。至歷年所積。又不知若干矣。

陸既膺巨富之名。平居關於公益之事。慈善之業。莫不首先發起。而其自奉則甚儉樸。然有特嗜之品。若山雞。若野鷺。若飛雀。其鄰獵者。方小村。射擊好身手也。一年所得。半輸於陸。陸則每得奇異之品。必徧邀相知會而食之。人言陸食事精美。不知陸實抱普及主義也。

某年春。陸又得奇品於方。其品惟何。則啄木鳥也。陸於此鳥之希望。蓋已久矣。而鳥不常見。且不易擊。方雖膺特命。索巨賞。而硝烟彈雨中。曾未獲覩。今茲無意中射得一翼。

毛血未乾。卽持付陸翁家。陸見之大快。重賞方小村。抽紙作柬。徧延其所知得十一人。將於下午七時。大嚼此啄木鳥也。

明燈璀璨。酒芬揚溢。陸氏開筵矣。其最先至者。爲其表弟趙心卿。偕其子嘯軒。次則其東鄰周益夫。西鄰王同山。其後陸續來者。爲陳秋士。殷振英。歸鶴揚。錢苓芷。姚桂亭。顏金香。最後爲新自日本歸國者。蔣乙子。主賓相接。歡慰無已。須臾就坐。而談判開已。

陸翁本健談。而蔣乙子則青年博學。於陸翁之言論。無不加以證語。更益以所見。其餘諸客。雖有所發言。要不及二人之多也。陸翁今日固以啄木鳥爲主品。然具體而微。不足供衆人之大嚼。則先佐以他品。酒旣數巡。陸翁則詳述啄木鳥之大略。先之以覓得之困難。繼之以鳥肉能治肝疾。鳥骨能愈齒痛。終則云鳥首能治頭眩。今者一堂相聚。凡吾之親。吾之友。可共享此美物。自登無疾無痛之域矣。衆客噉然應。舉觥相賀。無算。無何此可貴可珍之啄木鳥。置諸案上矣。衆競視之。不過一鳩一鵠之具體耳。辛香四溢。貪口腹者。吐涎噴噴。嚙陸翁牙箸。方舉。請字乍出口。而此衆客之二十二箸。已如弩箭離弦。爭集盆中之鳥。不轉瞬而肉盡。見骨。不轉瞬而骨盡。見汁。又不轉瞬而汁盡。見

盆肉之青花矣。迨視陸翁則方嚙一骨細細咀嚼之。蓋陸翁固有齒疾。彼方極力治療之也。

食鳥既盡而酒意正濃。忽蔣乙子於懷中探出明信片十餘頁。云自東京携歸者。片製極佳。其紙質係壓機所製。見水則紙即上凸。故所繪之飛鳥均如另敷紙上者。蔣復云。此片爲東京動物院飛禽類之一部分。余因翁有珍異之品餉客。故以此快主客之目耳。衆遂傳觀。陸亦狂笑不已。

客中有殷振英者。滑稽家也。陸翁量度寬厚。雅不願以其不理於人而遠之。故今日大宴亦與其列以全交誼。是時殷謂主人曰。僕聞啄木鳥能食木中之蟲。蟲匿不出。鳥則據地以翼拂沙。成符篆則蟲自出而食之。人有識其符篆。即以其血書於鎖上。則鎖能自開。僕不知主人曾貯此鳥血否。陸笑曰。焉有此理。此直世人之迷信語耳。即使真有此術。吾恐其祇能施之於尋常之鎖耳。

是時陸已酒酣面熱。則復言曰。近世之外國鎖。恐不克奏效也。言已探囊出其銅製之鎖匙一。示衆客曰。此余保險箱之匙也。試問如此巧妙。彼鳥血足濟事哉。蔣之左

爲王同山。右爲陳秋士。陳視匙。未竟。王急欲觀。隔座伸手取之。袖大適觸蔣之酒杯。杯右側盡翻。桌上陳起立避之。匙適墜酒中。急拈出。乃又墜於蔣之明信片。迨王取匙而明信片已被污矣。僕人三四輩以布抹之。蔣則大悲。然無可如何也。

須臾客返。匙於主人。壺酒既罄。一飯隨之。而衆客散。主人倦而眠。僕人收拾酒具。幾及夜半矣。

右所述者。乃於陸翁宴客後十日。殷振英款吾書室。而告吾者也。余方謂吾友殷君以此有興會之事。不憚煩而告我。孰知吾友乃有不得意事也。殷言陸翁宴客後之第七日。陸之保險箱。忽被竊。所失約六千元。并失去一最寶貴之烟壺。賊之來蹤去跡。彼亦未知。第於門限旁。拾得一時計。玻璃碎而走針停矣。最奇者箱上暗鎖絲毫未損。箱門中部乃有一血書之符篆。事既發現。陸陰憶余席上之言。遂逮方小村。送之警局。而余亦略受嫌疑矣。尤可怪者。方借余之房屋而居。是夜陸氏失竊。余於夜半啓後樓窗。確見方疾步於深林。呼之不應。移時不見其人。此余之疑團。所以無從推測也。

余曰。此事頗離奇。然有一事可研究。第不足爲證耳。余且問君夜間見方時。約在幾句

鐘殷曰。此可告君。蓋在一時也。余曰。今若以陸翁所損之時計。察其針停何處。在一時前。則方有幸。在一時後。則方頗足研究也。殷曰。誠然。方假吾屋以居。而余又適發開鎖之論。此事乞君助我一行。偵查陸之臥室。與保險箱。若方而果爲竊賊。則余之嫌疑。亦當仗君之力。以洗滌之也。余曰。此不足論。烏有將竊物之術。當衆宣佈者乎。余第與君同行可也。

余時僦居金閨門外。距鎮不下十里。殷以舟來。余遂與之同渡。舟中復詢以與宴之客。一一載之手冊。移時。舟停。余得殷之介紹。與陸相晤。陸雖巨富。然人極撝謙。眉宇間。不露金錢氣息。既就坐。笑而言曰。殷君與余相識久矣。余何疑哉。余所慮者。殷君或以開鎖秘法。無心中與方相語耳。余攬言曰。此不足慮。余更謂方亦被誣也。陸曰。余所失雖微。然有寶貴之烟壺。乃可惜耳。余曰。六千元。猶爲微細。君誠不愧巨富矣。余則謂眞犯逍遙法律。乃不足以拯人斯可恨耳。陸曰。君眞以方爲冤耶。余曰。然。遂告以殷君夜半一時見方之事。并乞陸以時計見示。陸允之。向抽屜中。取以付余。余啓視。則表面已碎。短針停於十二時。長針停於三十七分。乃問曰。此長短針。君曾移動否。陸曰。未也。余曰。

然則方之冤可白矣。陸曰：何也？余曰：殷君於一時見方，由屋內出行，步入林中，而君家之竊賊，臨行墜時計時，乃在十二時三十七分。君之宅去殷君家疾步而行，當費一旬鐘，而十二時三十七分去一時，僅相距二十三分時耳。使方而果爲竊也，則必不能一身行竊，又一身步於殷君屋後之林中。卽此理由，亦甚顯著。陸領首曰：誠然。然余固有所失也。奈何？殷曰：余故延余友詢君，將爲方辨，實則爲君偵所失耳。陸曰：甚善。余卽以此事託君。余曰：今請以保險箱地位導余一觀。

陸允之。卽偕余二人入其臥室。室中位置整飭，然極樸素。旣又入其臥室之內一室，卽保險箱位置之處也。箱置於北壁門之面，有一血書符篆，色已赭黃。殷曰：此符篆須研究，是否啄木鳥血。余曰：此正不必徒費腦力也。若案出於東西各國，則不得不刮取此血入大偵探試驗室中而剖析之。今居中國竊賊，乃無此程度。余意此符篆不過徒眩人耳目，無論爲動物血爲一種顏色，均不必深論。最要者且問陸君鎖匙曾離身否？陸曰：未也。此匙余實未離身。日昨以匙啓箱，匙固在吾身也。余曰：君啓箱時鎖有他異否？陸曰：未有異。一如余以匙鎖上也。余曰：今乞君開箱一觀。陸卽以匙付余。余笑曰：今鎖

匙乃離君身矣。陸笑而不言。殷曰：嚙昔之夜，君固以匙徧示諸客也。陸曰：余豈不憶及第座客均一無可疑耳。

時余已啓箱檢視，內外完好，固一無損害，乃還匙於陸，閉箱返身就坐。陸曰：余夜間乃一無所聞，寧非奇事？余曰：時計遺於何處？陸曰：在余臥室門限內。余曰：時計本置何處？陸曰：在余榻前桌上。余曰：是必既取六千元及烟壺，臨行乃取時計，匆促遺棄者也。今且別君，越日當有所見告。陸稱謝，送余等出。余曰：賊出外之路，乃無所發現耶？陸曰：庭中有假山石，上屋固易。余領之，遂與殷相將而出。

途中遇蔣乙子，蔣固余素識也。蔣曰：君殆又肩任偵此事耶？余曰：然。蔣曰：陸翁得君，可爲有幸。若余則物去不可復返矣。殷曰：奇矣。君亦有所失耶？蔣曰：畫片耳。他人視之不足惜，余則甚珍貴也。余曰：君於何時失之？蔣曰：余携動物園飛禽部明信片兩組，赴宴以示陸翁，乃爲同座之客潑酒，損污歸而檢之，祇二十二頁而已。豈不恨哉？余曰：然則此二頁乃失之何處耶？蔣曰：余烏知之？酒潑於桌，僕人二三競趨抹桌。此二頁乃隨之以去。臨行薄醉，乃未之檢也。余曰：此明信片，殆皆機壓之紙，見水卽凸者也。蔣曰：然。尤

可恨者。余座左之王同山。奪陳秋士手中之匙。而陳又順手浸匙酒中。忽又置余片上。余悔携此片赴宴也。今陸翁失竊矣。彼王同山之奪匙。余以爲深可疑耳。余曰。君毋存偏見。以誣人。余第問君。此明信片。旣爲匙所污。其紙面必完全呈一匙印矣。蔣曰。是烏待言。余遂與蔣別。勿勿歸舟。更別殷而返。

越三日。警廳開庭。判決陸翁失竊案。是日旁聽者不下三百人。而當日赴宴諸客。亦參與其列。原告陸翁。被告方小村。旣先後蒞至。警長逡巡就坐。余遂述殷之所見。及其時間。警長曰。方小村冤情。今已披露。然深夜入林。究爲何事。方曰。無他。余得一啄木鳥。蒙陸翁重賞。此鳥出。必以夜半。余故於是時出獵。冀再得一頭。以博酒資耳。殷君呼余。余實聞之。第鳥在樹杪。聞人聲。將飛去。余故不之應。然殷君之呼聲。已達林際矣。鳥驚飛去。余故無所得也。警長曰。理由頗足。須俟得獲真犯。汝乃可自由。

是時余步立中庭。揚言曰。警長試聽余之陳述。余自受陸君之託。出遇蔣君乙子。蔣述當日赴宴時。曾失去明信片二頁。此明信片。爲機壓紙見水。卽凸當時酒潑桌上。陸君以匙示座客。匙浸酒中。復汚紙上。此紙遂棄而未之見。余遂由此着手。徧訪鎮中諸銅

鋪曾有人囑造洋鎖匙者。否。果於鎮西得一家。今其店主余已偕來。請警長令彼述之可耳。

須臾店主上前。自言曰。余名汪正修。來此開設銅鋪已十餘年矣。五日前有一少年來鋪囑造一洋鎖匙。謂匙已失去。僅留一印於紙上。囑余依印造之。雖費不吝也。余索值一元。彼即付之。余遂爲之造成。言已。探懷出紙。余覩之。果明信片也。余曰。是爲蔣乙子物。可請蔣君一證。蔣起立就觀。果爲己物。警長曰。汝識是人否。汪曰。姓名余不知。再見當能識之。警長命暫退。

余曰。余今請續言。余既偵得汪曾造匙付人。而陸翁保險箱之位置。乃在臥室之內。是人敢於闖入。必爲熟識者無疑。且中門未啓。牆壁未壞。屋瓦未損。是人必仍在屋內。無疑。陸翁家中所用僕人。不下七八人。然俱宿於中門以外。余徧詢諸僕。並無一人請假出外者。有之。惟一女僕耳。余因思女僕無此膽量。若男女串合。男僕預匿於內竊物。而使女僕藏之而行。則於事亦便果也。余探得女僕乃宿於閭門外某棧中。余僞販古董者。往與之言。此女僕乃以煙壺示余。余略與數銖。出而鳴警捕之。今請警長一訊。

警長方欲發言。一警趨入。報告陸翁之僕人薛銀已拘之至。警長命男女兩僕同上。前警長謂之曰。汝識汪正修否。薛嚙嚙曰。似不相識也。警長曰。不識則不識。烏有所謂似也。命汪正修認之。果屬造鎖匙者也。薛乃無言。而彼女僕則垂淚曰。薛於前夜實預匿於房中。十一時乃肆其術。囑余先行。彼當再來。不圖乃至是也。薛至此乃直認曰。吾因見明信片上匙印。乃思得造匙竊銀之法。至箱上之符篆。乃聆座客之言而效之。且啄木鳥爲方送來。方與吾有小隙。因彼不肯與吾。山雞吾思作此血書。則方必受嫌疑。今已矣。警長乃治之如法。而余與陸方諸人魚貫而出庭矣。

評曰。易有言曰。飲食必有訟。觀此篇。余益信之。幸而大偵探心思別具。不爲俗尙所蒙。否則方之沉寃。莫可拯救已。

枕中秘

大凡發行日報。其資本皆出於廣告。一般商業之告白。無論已最妙。若口舌之辯。意見之爭。詞訟之牽涉。田產之交割。甲登乙辨。此佈告彼聲明。以他人之金錢作辦報之輸入。雖一鄉一邑之間。一紙之風行。莫不如是。吾邑自共和建設以來。若星期報。本鐸報。

民心報。代言報。明醒報。或以句計。或以星計。或以五十計。要皆旋作旋覆。不三年而消滅殆盡。按之社會之輿論。對於此種報紙。皆特立一名詞。而統呼之。其名維何。卽小報也。今年春。有人揣摩風氣。合資辦一日刊。標名曰小報。

四月五日。余晨起。循例早餐。摺取報紙。納諸衣囊中。忽忽入警署。而步入警長之室。是時警長爲洪瑞昌。鐘鳴九下。彼猶未至。余乃出報觀之。若者爲短評。若者爲新聞。若者爲社論。若者爲縣署之批。若者爲文人之詩詞。雖四五號鉛字。敷滿一紙。而一種枯窘情形。閱之不堪一笑。

余忽於後幅。見一新登之告白云。

購產者注意 北門內清風街轉角。自一百六十三號至一百六十七號之房屋。係鄙人一人之產。鄙人現任職燕京。所入足以餬口。該處房屋。並未招租召典。近有謠傳租典鄙人之房屋。全屬子虛。特登報聲明。購產者幸勿受愚。屋主啓

余雖不知此屋主爲何人。第清風街。則爲余日日經行之路。鄰近實未聞有人談此典租之事。此告白誠不可思議矣。余正冥想不已。警長洪瑞昌忽入。謂余曰。君何閒暇耶。

竊案又出矣。言已。卽以稟告之紙授余。余誦之曰。

公民孫誠白。爲世寶失竊。懇求迅緝事。竊公民世居台治地安寺巷三十六號門牌。平日安靜無事。緣公民有歷代相傳之布枕兩枚。此枕係高高祖百縵公所流傳。世世相承。珍藏妥儲。每年三四月間。取出攤晒一次。本月四日。公民照例攤晒。夜間暫置公民臥榻後。孰意今晨早起。忽見兩枕僅存其一。當卽徧覓各處。徧詢家人。訖無朕兆。尤奇者。內外門窗一無所損。而該枕容積約八寸見方。長二尺有奇。物非細微。藏匿亦不易。風聞有人在昨夜一時。於公民屋後。見有一人。手挾一長包。向清風街一帶走去。未識是否卽爲該賊。伏念城市之間。繁盛之地。該賊竟敢目無法紀。輕易嘗試。竟將公民世寶竊去。似此奸宄橫行。後患伊於胡底。（下略）

洪曰。一布枕耳。乃以世寶目之。余誠不知有名富戶之孫氏。其家產之珍貴。乃如是耶。余曰。富貴之家。亦必有一種習慣。彼以爲寶。斯寶之矣。是姑不置論。惟據報告所言。竊賊乃向清風街而去。見者何人。報告中惜未言明。然清風街三字。則頗有研究。余遂以報紙上廣告示之。洪笑曰。君真別有見地矣。此事烏可相提並論哉。余曰。君不注意。余

亦聽之。然余則以爲着手之方針。勘驗而外。當注意此房屋。洪曰。君今且偕余往驗之。余遂偕之行。

既至孫宅。誠白招待甚慤。并以宅中所用之男女僕人。開一詳細名單。單上注明姓名住址。時日年歲。余授而藏之夾袋。乃入其臥室。室內佈置極精。一切衣廚箱篋。狼藉萬分。蓋其搜索已不遺餘力矣。繼乃出布枕示洪。余趨觀之。色已黝黑。兩端綉紅梅數枝。擊之。蘇蘇有聲。諺所謂錦繡其外。絮草其中者。殆此枕之謂也。

孫指榻後一几曰。此卽置枕之几也。夜來未聞有特殊之聲。晨起而已失其一。不亦奇哉。余曰。此枕自余視之。固不值一睨。而自君視之。固以爲世寶也。君旣以爲世寶。君亦曾向人言之否。孫曰。枕雖世寶。然余第以爲祖宗手澤之一耳。未嘗以爲寶也。向人言之與否。余亦不憶之矣。

余曰。平時儲於何處。孫曰。卽此臥室之樓上。梯係可移去。平時固無人登樓也。是時余瞥見北窗之鈕。闔而未扣。余指之曰。君憶此窗曾扣否。孫曰。余亦不能憶及矣。余遂啓窗視之。則別有一院落。高樓一楹。窗門緊閉。闔無一人。余曰。彼樓何人所住耶。孫曰。此

余庶母所住也。庶母卜居海上。此樓遂扁之。旁屋中則庶母之僕婦寄住也。余曰。此婦何姓。孫曰。溫姓。係泰盛鄉葉村人。余曰。單中何未列入耶。孫曰。今晨已行。故未列入。余曰。彼何往乎。孫曰。君見疑耶。是無須。彼本庶母之婢。彼年已五十矣。今日固往海上也。余曰。請導觀其室。孫允之。余入旁室。亦了無所觸眼。遂問之曰。君有後戶耶。孫曰。無之。余曰。此樓有後窗否。孫曰。有之。余曰。請登樓觀之。孫曰。鎖匙爲庶母所攜去。恕不遵命。余乃觀其鎖。且謂之曰。此門扁已幾月乎。孫曰。三月矣。未嘗啓也。余此時頗懷疑。蓋鎖上固光澤無纖塵也。

是時。彼官樣文章之警長。已敦促余行。余不得已。隨之出。并謂孫曰。君知溫媼有家屬否。孫曰。彼僅一姪。名昭環。余第知其在葉村耳。余等別孫。偕洪入署。洪曰。君有所見否。余曰。余雖有所見及。第此時尙不能告君。今且請一日之假。君許之乎。洪曰。君何往乎。余曰。將往葉村也。洪曰。苟與此案有關。余固許君也。

閱者諸君。亦知近日社會所崇拜之偵探案。不外福爾摩斯。聶克卡脫。兩種而已。而其書中所敘之事。最令人驚心動魄者。化裝之奇幻耳。不知此化裝之奇幻。可行之於西

方而不可行之於中土。何也。蓋西方諸國。士人有士人之服。商人有商人之服。工人有工人之服。以至國種不同。服裝亦異。是故一人而備數種之服。略一變更。人卽歧視。若我中國。卽以馬褂長衫論之。上而紳宦富貴。下而販夫走卒。莫不同此衣。同此服。夫既同是衣服。同是人也。則化裝將何以致其術歟。余故曰化裝之術。可行之西方。而不能行之中土。

若夫增肥減瘦。幻老易少。此特眩技於舞臺之上。電光之下。瞬息之間。乃可一變其容貌。若於居常久處之地。朝夕相見之人。而欲運用化裝之術。則必敗無疑。此固中國偵探之缺。然抑亦中國偵探之憾事也。

葉村離城約三十里。余素未經其地。村中亦無人識余者。余因思孫之臥室後。乃有其庶母之樓。樓窗臨街。樓鎖又光澤。臥室之北窗。又未加鈕。而溫媼又不先。不後於今日。方行。此事大可致疑。余旣請得洪之特許。思欲一運化裝之術。冒險一行。於是余遂化裝而行矣。

是日下午四時。葉村東口。泊一小舟。舟中祇一人。自言爲收雞子者。一時村夫牧豎。以

雞子求售。不乏其人。客付值極豐。娓娓與村人語。口音似無錫蕩口者。夕陽攔山。客乃停收。躑躅街頭。乃徙倚於茶肆中。村人固不知客爲誰。何而閱者。諸君固具慧眼於字裏行間而識爲余矣。

余之冒爲收雞子客者。亦有故。蓋村人淺見。苟有特異之人。一旦發現。村中轉多注意。惟此收雞子者。乃村人所習見。故不以爲異。余旣訪聞溫昭環之家。略覓濁茗。竟往訪之。小屋數楹。犬聲大縱。須臾應門而出。一人面目黧黑。身體魁偉。問余何事。其音調似淮徐一帶者。余以收雞子對。并告以訪昭環。是人怒目曰。昭環出門三年矣。此間祇有其妻。余乃彼之戚也。

余至是。已決其人之非善類。其面目之呈象。固無論矣。若昭環。乃本村人也。安得有此淮徐口音之戚。余詭言曰。昭環出門。余亦知之。余今春在海上。曾遇昭環。彼近爲某店之夥。出息頗好。寄余洋四元。囑余便道付其妻。余今來此。乃持洋來也。其人曰。昭環今亦歸正耶。凡請入內。

余隨之入室。昭環之妻出而見余。兩目流利。時時囑其人。且曰。此余表兄劉金標也。家

內乏人得彼支持耳。余隨以洋四元付之。并告以所遇。彼受。洋無一語。詢昭環。余亦了然。其內情矣。是時金標乃以杯茗授余。余瞥見其右手背之上。部有兩枚青色之小圈。余心怦然。其人蓋雙圈黨也。余接杯僞飲之。置諸案。將起立。門大啓。躍入四五人大呼曰。金標。是人爲偵探。勿縱其行。余身固備有槍。此着亦已預備。若輩徒手而來。余拒之。固易。易繼思此屋。或爲若輩之巢穴。則余不妨忍受而一覘之。

果也。若輩圍余成環。問余曰。汝何人。余曰。收雞子人也。中有一人曰。是何須問。囚之可耳。卽爲收雞子人。諒必有油水（猶言有錢）也。金標唯唯。挾余行。余任之。彼乃挾余上樓。促余入左室。孰意足方跨入。樓乃無板。余急翻身。仰上。兩手緊抱兩膝。以背就地。背着地而余身挺立矣。

余懷中固有電筒也。然不知此爲何地。不敢啓視。先以兩手探索。乃知四圍皆牆。縱橫各一丈許。入門時。固見此樓在東首。而樓下之室。南檐無窗。入室亦未見其門。彼蓋預造有牆。無窗。無門之屋。以錮人也。余遂啓電筒燭之。地上無磚。塵厚數寸。其北壁有木材斷爛之物。約堆尺許高。旁有敗紙數張。余取而視之。則陳舊不堪之帳冊也。忽見一

碎裂之信封僅有五字可辨其文曰風街一百六余恍然此卽報上廣告之清風街一百六十幾號之地址也。快哉。余雖遇險。余得孫案之線索矣。

余旣入此黑獄。四圍探索。除得此碎紙之五字外。一無所獲。探囊出錶視之。已六下矣。余計此種糞土之牆。不難破壁而出。然牆以外爲何地。有人乎。無人乎。余不得而知也。余不得而知。則此種冒險之事。余不願爲。余乃貼耳於西壁靜聽之。第聞呼六喝五之聲。蓋彼輩正在酗酒也。

余乃以電筒仰首燭之。乃知此室南半部鋪有樓板。北半部祇有橫木耳。余遂解足上行。膝一端繫小木塊。仰拋之。穿橫木而過。解去木塊。兩手懸之。雙足上縮。換手握橫木翻身而達上層。北壁有一圓洞。所以通光線者。余扶壁探首外窺。第見樓後柴廩高聳。地上則敗草深積。余乃毀壞此圓洞。使可容身。拋磚屑土塊於草中。下墜無聲。余遂由此竄湧身下。躍。余此時已脫險矣。余又躡足向中堂窺之。第見七八人圍坐一桌。酒肴紛列。歡飲無已。中有一人曰。明晨余必先往清風。東坐者曰。此豕如何。向內者曰。周瑜足矣。周瑜者。猶言縱火也。余心頗喜。幸已出險。否則余將葬身火窟矣。余乃返身向北。

行。越短籬。忽聞水際有一人低呼曰。在此。余知余之助手徐順中矣。彼爲余操櫂。乃已移舟於此矣。遂趨入舟。放棹行。

須臾。舟已達大塘。忽有申來之輪。從後而至。余立船頭呼之。略停。一躍而上。回顧順中。囑於南塘待余。不半時抵南塘市。輪固有埠。故略停。此間離葉村已十三里矣。

余登岸入分警署。示以證。促其長警。率吏十五人。偕余步行至葉村。去村約一里。陡見烈焰冲天。余曰。遲矣。至則昭環之屋。已付一炬。村人方走相灌救。問之。僉曰。溫昭環妻殆被焚矣。余乃招警返南塘。比至。鐘已十下。余覓得小舟。順中問曰。如何。余告之。順中曰。君且眠。余當飛棹行。余醒。天方明。舟已入城泊。余急入署。謁洪。告以大略。洪曰。君太冒險矣。余曰。余意彼黨。今夕當大會於清風街。洪曰。然。余當備之。

言未已。孫誠白率兩僕舁箱入。卽令其僕歸去。孫曰。昨夜余由郵局得一函曰。前承假遊仙寶枕。試之。不驗。後三日。當以未取者。并借一試。君乞勿吝云云。警長足下。余今將此枕置之署中。乞君實力保護之。洪曰。箱中卽寶枕耶。孫曰。然。余曰。函中所云遊仙寶枕。君識其意否。孫曰。此枕歷代相傳。子孫世寶之耳。至枕有何用。余實不知。遊仙二字。

殆淺識者誤會耳。

余曰。君家寶枕。余前已見之。今既取來。余意拆去枕套。一視其內容。如何。孫曰。甚善。今且告君。余已通函余之庶母。問其溫媼曾否抵申。并乞其以電覆我。余曰。佳甚。但君雖以枕入署。彼欲得者。未之知也。彼既通函。三日後將如何。余爲君作一廣告。登報如何。孫曰。此廣告如何。余曰。余試爲之。草就孫誦之曰。寶枕又得。謹謝。洪曰。君殆佈疑陣耳。余曰。然如是。必生內訌。孫曰。君言吾不解。余曰。余飭僕速登之。君且勿問內容。是時孫已將布枕取出。余持剪裂其縫。枕中初無所有。不過敗絮亂草耳。余震蕩其枕。使其內承之物。盡瀉箱中。忽焉。獨箱有聲。以手撫之。乃得一匣。匣爲圓形。小僅寸許。以銀爲之。孫訝曰。此何物乎。余啟其蓋。得一紙。展而讀之。其文曰。

台且參必者佳累司官齋良欠久巨久里

孫曰。此何意歟。洪曰。參字。讀何音。作何解。余曰。此卽鬢字。然此必非原義焉。且問孫曰。當承領此枕時。曾聞先輩言及枕中之秘密否。孫曰。使余知之。亦不至今日矣。洪曰。此必居家先世之秘密。不便告之子孫。又不能匿而不告。故作隱語以待後人耳。余曰。所惜。

一枕已失。余意彼枕中亦必有秘密也。孫曰：枕且留此。余行矣。

洪曰：茲當處置清風街事矣。昨夜余憶君語頗有意。余乃自往偵之時。已夜半。此一百六十五號內。果有影約之燈光。而察其門限。則灰塵厚積。似久無人行者。余意彼輩必另有秘密門出入。余忽憶清風街有一荒場。場有瓦礫堆。堆高及屋。此間設有人隱伏。亦易事耳。果也。余繞至荒場。瞥見瓦礫堆後。蓋一草棚。棚中坐有老丐。兩足癱瘓。倚一大缸。見余至。彼乃曰：汝欲得油水否。今日晚矣。余轉目視其缸。乃空無所有。遂舍之而去。余曰：君誤矣。此卽彼輩巢穴之門。丐其偵耳。洪曰：否。此丐余日常見之。余曰：君不知耳。幸此丐尙未識君。事猶可爲焉。余今歸休。君速戒備。夜九時。余當再至。余今返家矣。扁余書室。以枕中之紙展而細譯之。了不可解。余計此或其家先輩之秘密遺囑。所惜一枕已失。不可得而搜求也。繼念昭環家中所聞。余必先往清風一語。則今夜葉村之惡黨。室旣焚去。必來清風無疑。而按之警長之語。昨夜清風街空屋。固有燈光。是兩地皆有人。合計其數必不少。此輩於淮徐等處遺害社會。不可勝數。若吾邑則尙未發現。今幸偵得。則不難撲滅矣。

鐘鳴八下。余準備晚餐。既畢。則挾兩槍實彈。徑行入署。署中人曰。警長以七時出署。君姑待之。余唯唯。入室閒坐。無何鐘鳴十下矣。十一下矣。而洪仍不歸。余至此不可耐。徧詢其書記長警。均云不知洪之行踪。余乃守至十二時。洪猶不歸。余曰。今已夜半矣。警長何往耶。余卽傳命警士二十人。持槍隨往清風街。以十人守其一百六十三四五六七號。以十人直入草棚。先捕其老丐。丐抗拒甚力。癱瘓。固僞也。縛其手足置於壁陬。余卽移去其缸。得一圓洞。十一人魚貫拾級而下。儼然地道也。右行約四五丈。向上行得一門。啓門入一室。室中懸黑帷。舉帷視之。南向有窗。以燈燭之。窗外一警微作聲。此室卽一百六十三號。余返身。覘帷後有一小門。門內得梯。援梯而上。樓空無人。樓右一門。門外有梯。下梯則又一室。室北有窗。跨窗而入庭。再進。南向又一梯。上梯得樓。右壁門洞啓。一人翩然躡足向前行。余等遂飛身躍追之。其人返身呼曰。再近。余將發槍。余聞聲。以燈燭其面。諸警呼曰。警長也。

余至是大駭。詢其何以至此。洪曰。六時。余得君之函。囑余往一百六十五號門首。以指叩門。富有應者。余曰。何嘗致函於君耶。君受欺矣。洪曰。余今方知之也。余至門。如法叩

之門果啓。殆入門。驟有灰塵撲余面。氣噎不得伸。手足已被縛矣。繼乃置余暗陬。陸續出門去。約四五十人。距今一刻前。忽有一人來解余縛。甫起立。思捕之。其人杳不可得。忽聞人聲雜沓。卽君輩來矣。余初未之知。故持槍俟也。

余曰。是輩必另有一道遁去。乃飭警八人。分往搜之。囑其集於此室。余乃偕洪直入室。室中有燈。以木板遮其影。啓南窗下視。呼街中之警。問之。亦無所見。返視室中。置一榻。榻懸紗帳。被褥咸備。迨視其枕。則與孫誠白未失之枕相同。余笑曰。寶物猶在是也。就燈觀之。合縫處尙未損。忽見壁上有字。大書曰。

余等他往矣。不願開罪於諸君也。警長苦矣。寶枕卽奉贈如何。然枕實無用之物也。洪大悲曰。余眞受欺矣。余曰。枕已得。可相抵也。須臾。八人一擁而至。云於第三梯下。覓得一細縛之老婦。余呼之曰。汝溫。溫。溫。耶。婦曰。然。余曰。且帶之入署。彼輩逃踪。果何在乎。僉曰。無所得。余遂偕洪及警。繞出地道。視壁陬之老丐。逃矣。余曰。余悔不以一警守之。彼輩乃仍由此遁也。

洪乃發令收各警歸。以溫水令老婦飲之。且進以稀粥。移時。命之入室。詢之。則曰。余已

被縛兩日一夜矣。余本孫氏老傭。孫氏先世遺有遊仙枕兩枚。此枕若遇有福之人。枕而睡之。則能夢入仙境。此語係余老主人爲吾言之。余有姪名昭環。五年前娶媳於同村王氏。媳待余甚厚。余與媳無意中曾言及此遊仙枕。三年前余姪應徵於山東。雖常通訊而未嘗一歸。不意余媳不安於室。忽與一劉姓之客籍人相識。余知之憤不欲與。媳覲面。今夏四月三日。余媳忽來訪余。謂其母方病瘧。曾請得觀音仙方。云須以遊仙枕治之。囑余竊取余主人之枕。余不肯。彼大哭曰。母病方劇。不得將不堪問。況病愈。卽還固兩無所損也。余憐而允之。次日余少主適以枕出曬。余遂於夜間啓北窗取其一。余主之樓門余固有其鑰。所以便灑掃也。日間余與媳約於後樓接物。余此至乃啓鎖登樓。開北窗擲枕與之。媳曰。明日可僞言至申。破曉必至大門佇立待吾。余次晨如其言。甫出大門。目已被掩。口已被塞。兩手爲人所執。挾余而行。歷片時似入室中。手足卽被縛。至今夜而始遇救也。

余曰。汝被縛時曾聞有人言語否。溫媼曰。有之人約在二三十口操北音。余不能解。中有一人似南京口音。略可辨。然祇聞其言遊仙枕毫無用還之可耳。洪曰。汝且略睡。明

晨余當招汝主來。

次晨孫被招來。手持一電。卽其庶母之覆電也。電文曰。

溫未來枕世寶速偵

余曰。敬賀君寶枕已得。溫媼幸生還。今方眠熟。君且視此供詞可耳。孫讀竟大駭。洪曰。今試以此枕拆視之。余如前拆示。果亦得一小銀匣。匣中亦有一紙。其文曰。

女示王禾信牙虫言食土木土王足王土

孫曰。怪哉。乃不同前字耶。洪曰。前紙之可解者。若司官。若官嗇。似言君家先世之政績。此紙若牙虫。若土木。若王土。均在可解不可解之間。余曰。余視此兩紙色澤如一。必書就而分裁者。孫曰。曷不併而向日光照之。

閱者諸君。須知孫之此言。不啻視余以鑰。余併兩紙觀之。恍然於三十二字之可爲十六字也。余撫掌曰。此誠不愧秘密也。遂另紙錄之曰。

始祖珍秘儲雅螺詞館牆根坎玖距玖埋

孫曰。余知之矣。余高高祖百縵公文集中。曾有藏寶說一篇。惝恍迷離。人不易解。殆卽

指始祖珍秘而言。惟以下十二字不可解。言未已。溫媼入見孫大泣。孫慰之。且曰。汝知余家之雅螺詞館否。溫曰。知之。即今後園東首。有一座獨峙之危牆。乃其原址也。洪曰。若是則可解矣。不知此坎玖距玖埋。作何解。余曰。若以八卦方位論之。坎當在北方。孫曰。玖字。殆九字耳。洪曰。然。彼因九字不能兩分。故以玖字代之。余曰。若是則坎玖距三字。當在牆北。距離九尺矣。孫曰。是也。此玖埋者。當是深九尺也。謹謝君。余歸料理矣。遂偕溫媼歸。

越日。孫以千金捐入赤十字會。并購清風街一百六十三四五六七號之空屋。余意其已得寶矣。洪問余曰。君見廣告。何以料及此雙圈黨。余曰。余知彼黨以在京。爲在城之隱語。任職燕京者。即巢穴在城之謂也。洪曰。噫。乃如是耶。余曰。然。廣告之力焉。

評曰。藏寶以貽子孫。偏弄狡詭於布枕。誠不知是何居心也。孰意數傳之後。子孫幾受其禍。富有者。可不戒哉。

一分鐘

東門城隍。冷巷中。有一椽焉。日間門嘗嚴扃。傍晚則半啓其門。是處爲人跡所罕到。崗

警巡隊所不注意者。余今所記。乃在七月中旬。每至紅日。嶺山此小屋門前。必有一人。年約二十餘。不衫不履。翩然而入。此半啓之門。門內黑暗。無光。東壁一小案。案上有一兒。硯瓦塵積。壺水混濁。墨斷筆禿。左有帳簿兩冊。右則一算盤。并一黃沙缺口之茶壺。案前置一油燈。夕陽未下。燈已燃。火蓋非此不足以照室內也。

案後有一人。恆俯首不語。苟發言。亦細不可辨。有所語。恆以手指伸屈。會其意。首戴舊色呢帽。帽沿蓋其雙目。人雖揮扇。彼不嫌其熱也。門外之人。既入室。與之語。亦不應。俟其人探囊取物出。彼卽向抽屜中取銀洋與之。持筆嚙軟染水。劃硯記之於冊。其人卽忽忽行。明日復來。亦復如是。

今吾敘警長室內情形矣。是日爲七月廿七日。壁鐘十下。室中惟警長平輔東。與書記陳禮卿。及余三人而已。平蹙其雙眉。猛齧其唇。身俯兩肘。據案以兩手按其兩耳。兩目矍矍視余。陳禮卿則就旁案整理其文牘。時作時輟。呵欠不已。似昨夜未睡足者。余時倚藤榻。銜紙煙。執晨報。徐徐讀之。平忽欠伸曰。君知余之不幸耶。余曰。未之知也。平曰。余昨檢點搜獲之土。竟失去十分之四。此項存土。已經報縣。今驟失之。將奈何。余

曰。君儲於何處耶。平曰。君胡善忘。非此室之後方乎。余今將令君任此案。其爲余偵查之。倘無所獲。余之名譽掃地矣。回顧陳曰。君幸爲我守秘密。陳曰。諾。余曰。以余思之。不如待中秋後偵之。平曰。是何故耶。余曰。余聞君言。將於中秋請假五日。平曰。是誠有之。余曰。迨君請假。而余破獲。則君可保名譽矣。平曰。聆君言。似必能破獲者。余曰。是烏待言。平曰。若是則余不能久待。今日二十七矣。月終急待報解。余將何法彌補之。

余曰。若是則與余以期限。平曰。三日耳。余笑曰。太遲。平曰。二日耳。一日耳。余曰。半日亦嫌其多。平憤曰。君戲言耶。余曰。戲言。余何敢。平曰。然則一句鐘得乎。余搖首曰。太多。平曰。君請自言之。余曰。一分鐘如何。平曰。眞乎。余曰。確爲一分鐘。苟不獲。君請治余以罪。平曰。諾。

余曰。事屬秘密。請先鍵戶。而告君。平點首。遂起立鍵門。謂余曰。可以言矣。余曰。今請陳書記立於此。報告壁鐘之秒針。陳含笑。如余言。注視壁上曰。今爲十時三十五分五秒矣。十秒矣。……五十七秒矣。五十八秒矣。五十九秒矣。六十……砰然一聲。余已直撲此書記。陳禮卿於地。梏其兩手。平大駭。呼曰。君發狂耶。奈何。若是。余歸坐藤榻曰。君且

呼警押去開庭問之。呼耳。平不語。按鈴呼警入押之出外。

須臾。平如例訊陳。陳不語。余乃謂之曰。君憶東門小屋買土之人乎。君乃不識余耶。余接君物旬餘矣。今請飭警押陳隨余行。平乃命兩警隨余押陳往。閱者諸君須知小屋固余所借用也。既至。得土一小箱。并帳冊兩本。返署。平鋪冊於案。呼陳曰。七月十六。陳禮卿來土十元。十七。陳禮卿來土二十三元。汝且視之。乃擲於陳前。陳知不可諱。乃直認之。計共私賣土一百七十元。警長斥陳職。索其洋款。還余。拘罰如法。入室間坐。謂余曰。謝君一分鐘。

評曰。知法犯法。奚止此哉。苟能遇事。均得以一分鐘破獲之。則一日十二時。可破七百二十案。一月可破二萬一千六百案。一年可破二十五萬九千二百案矣。豈不快哉。

井底游魂

滿清以弓矢得天下。故其取土也。文字之外。另設武場。而一重夫弓矢。夫弓矢之運用。不外乎三法。一曰利器。調弓審矢。弓必視乎己力之強弱。矢又視乎弓力之重輕。寧使

手強於弓。毋令弓強於手。如手有四力五力。甯挽三力四力之弓。蓋射的者。弓貴窄。箭貴輕。禦敵者。弓甯寬。箭甯重。二曰審鵠。鵠有遠近。欲定鏃之所至。則以前手高下準之。蓋箭不知所落何處。是名野矢。欲知其落處。則以前手之高下分遠近。如把子八十步。則前手與肩對。百步則與眼對。一百三四十步。則與眉對。最遠至一百七八十步。則與帽頂（指清代之暖涼帽）相對矣。三曰正體。蓋身手足眼。莫不有法。射雖在手。實本於身。切忌臆胸偃背。其大略。須似拳法之蹲踞連枝步。則身不動。而臀不顯。肩肘腰膝之力。萃於一處矣。手法務求平直。必令左拳與左肩。右肩。節節相對。如引繩發箭時。左手不知巧力。盡用之右手。左足尖。右足跟。與上肩手相應。眼不可單看把子。蓋若眼在把子。則手與把子反不相對矣。是故立定時。祇將左足尖恰對垛心。身體既正。則手足自相應。引滿時。以右眼觀左手。無不中矣。

然以余所聞弓矢專家之言。如上所述。猶爲教人之定法。若夫一技之精。有自出心裁。獨闢秘術者。吾友陸君。曾學此秘術於斗室之中。卷席作垛。以几或杙置諸桌上。將席橫置之。使極平。正然後以矢鏃對席心。離一尺。滿轂正體射之。矢着席。則視其矢鏃所

着之偏。向或左。或右。或上。或下。而卽時糾正之。必使其矢從席罅。無聲而過。則出而射。錄但以左足尖對之。信手而發。百無一失矣。

光緒中葉。吾鄉有錢正誠者。年僅弱冠。具好身手。應童子試。其師卽吾友陸君也。步箭之外。兼嫻馬術。刀石鉅力。應手搬舞。自負旣盛。師亦顧而樂之。某年學使按臨蘇州。正誠隨陸赴試。一時揚弓躍馬。意態萬千。去僅月餘。錢竟下第而歸。

一日陸君忽來余室。告余曰。君知余弟子錢正誠下第之故歟。余曰。是安得知。得師如君。烏有不命中者。否。是則試官直無目者耳。陸曰。非是之謂也。錢固未嘗從事於試事也。余曰。得無遭疾耶。陸曰。誠如君言。惟其所遭之疾。誠令人百思不得其故。彼與余食同案。寢同室。年事雖幼。人極長厚。今若此。余誠無以解識也。余曰。君真與彼一步不離乎。陸笑曰。是烏能。惟出入有定時。無他嗜好耳。余曰。彼所患果何病耶。陸曰。狂疾耳。口出荒誕之言。入夜尤甚。最奇者。目覩家中之井。則尤張惶。且自擊其身曰。吾誤矣。吾誤矣。彼家僅小康。有老母。有妻子。長此以往。將若之何。余曰。彼得疾之初。現若何狀態。陸曰。臨試將三日。彼與同試者躍馬出盤門。夕陽將下。彼乃獨身歸。入室卽臥。余意其或

倦也。不之省。夜半乃躍起大呼曰。吾誤矣。擾擾終夜。訖無寧晷。且乞余歸家。不願應試。余無如何。問之。彼又不語。次日。彼竟大哭。不食不飲。又越一日。余祇可伴之歸耳。

余聞是言。頗以爲怪。逆料錢必有不可告人之事。蘊蓄於心。故遽此狂疾。然聞陸言。錢極長厚。似無不可告人者。有頃。余問之曰。君曾詢其同行諸人否。陸曰。余亦詢之。僉云。同出盤門。錢馬忽怒馳。轉瞬失所在。及歸。亦未嘗覓得。余曰。卽此已足審其情矣。今且與君往錢家內。余當一診之。

陸揮手曰。狂人也。君幸勿見之。余曰。否。無論何種狂人。其初病時。每一日夜。必有一隙之明。余當因其所發。而遂明之。以復其初。審其情。解其疑。或遂其願。則病可霍然。勿藥有喜矣。陸大慰。遂偕余匆匆行。

旣至錢君家。其母其妻。含淚相見。陸問正誠在何許。則指一室。門已扃。蓋防其逸也。余令之啓視。門乍闢。錢走伏牆隅。呼曰。來矣。余將焉逃。奈何。余直前携之。至窗前。見其面目黧黑。髮辮鬆散。衣服尙整飭。余注目視之。則又大呼曰。吾過矣。吾誤矣。吾固無心也。汝爲井中人耶。汝來索吾命耶。陸聆之大駭。其妻則大哭。其子據門框。失聲而呼。余覩

此景良不忍。乃舍之而出。且扃其門。退入內堂。則詢之曰。曾延醫否。其母曰。藥已服矣。醫言是氣血攻心。久不治。則足以戕其生。嗟乎。余僅此一塊肉。天乃欲去之耶。言未已。又大哭。余曰。夫人且勿傷。余有絕技。能治狂人。今海上非有所謂馬寶者耶。是物究爲何質。余固不知。然余知馬寶決能治痰疾。今觀錢君似係疑懼所致。誠能釋其疑。止其懼。則病可霍然矣。病既少瘥。再投以馬寶。而去其積痰。則體自健。而氣自旺。不難恢復本來面目矣。其母曰。先生所言良是。馬寶可購。而此釋疑止懼兩端。誰實能之。余曰。馬寶余今已携來。夫人可先煮水以待。若夫釋疑止懼之術。余當任之。其母稱謝不已。陸曰。吾未嘗聞君善治狂疾也。余曰。醫者意也。以意逆志。斯得之已。余觀錢君眉宇之間。尙未呈灰白之色。可決其受病尙未深。而聆其所言。不外乎吾誤矣。井中人索命三語。余意錢君必與井有關係。或曾誤傷一人。而人未之知。平旦之氣。判別人禽。彼遂遭此疾矣。且君爲彼之受業。師覲面不相識。非疑懼之見端乎。余今者將加其恐懼之心。利用索命二字。使之由恐懼而悟。虛妄由虛妄而悟。眞性眞性既現。則疑團自破。而病可離去矣。即使錢君真有傷人之事。余亦可令之因恐懼而悟。解脫因解脫而悟。懺悔。

能懺悔。則病亦可治。余聞錢君先世類多積德。此病以余視之。眞易治耳。

陸笑曰。君可謂扁鵲復生矣。余曰。君勿過譽。且俟余着手後。再加此頌揚。今請夫人安坐。勿外出。余與陸君兩人。任之可耳。陸與余返身出外。錢妻旣開鑰。余亦令之入內。使陸當門而坐。余徐徐向前。錢見余又狂奔伏匿。且言曰。汝井中人耶。汝來索命耶。吾誤矣。余乃執其臂。按其首。以目注視之。大聲曰。汝識余否。余井中人也。錢戰慄曰。乞恕余。余無心傷汝。汝來索命耶。余曰。余來索汝命。汝胡爲戕余生。錢乃長跪痛哭曰。吾誤矣。吾無心也。汝井中人耶。汝井底之遊魂耶。余曰。是也。汝且述汝致吾命之大略。錢曰。吾馬劣。不能控御。汝乃緩步井旁。余曾大聲呼。汝乃無聞。余馬撞汝身。汝乃墜入井中。吾誤矣。吾實無心也。余曰。汝固無心。然汝固戕余生矣。汝安忍乎。錢曰。余惟有一死以報之。奈家中人之不許何。余曰。然則汝又誤矣。汝以無心戕吾生。汝已有罪。然尙可懺悔也。汝今有心覓死。棄汝母。棄汝妻子。則汝罪又大矣。錢俯首閉目良久曰。然則奈何。余曰。余鑒汝無心。余不索汝命。余第令汝延有道僧人。爲余超拔。余願足矣。自是以後。汝第謹慎將事。善事若母。眷顧汝妻子。則余生西土。不再索命已。今汝且安睡。會當有仙

佛。施。汝。以。甘。露。也。余。言。已。卽。扶。之。上。榻。呼。聲。起。而。入。睡。矣。

余遂輕啓門。緩步出。則其母其妻環坐於外。見余則含笑而起。曰。君眞神人哉。乃有此異術也。余曰。此卽解疑止懼之法也。非異術也。夫人俟其稍醒。則飲以馬寶。而勿與之言。明日彼當行動如常。則勿與言今日事。彼若問及。則以擇日延僧懺悔爲對。然後夫人動。以母子之情。病不再生矣。余遂與陸言別而返。

其明年秋。錢病已愈。陸又與之赴蘇試。去未三日。余忽得陸電。其詞曰。

正誠又病速來。

余憮然曰。考試之毒。乃如是耶。是時輪路未通。買舟兼程而進。越宿抵蘇。方及寓門。陸已立待。相見不及言。卽導余入內。錢見余至。則曰。汝欺我耶。余已懺悔矣。汝又索命耶。余聆之。頗不解。乃返身出。與陸另坐一室中。

陸愀然曰。余今先有以問君。君視正誠。曾否傷人於井乎。余曰。此余亦不能必。若論其自述。則似眞有其事者。然使眞有其事。何以無一人傳述者。余當時不過因勢利導耳。今復病。或新有所觸發耳。陸曰。茲且勿論。余更問君。天地間。果有鬼物乎。余笑曰。君亦。

得狂疾耶。何言之怪也。鬼物。余誠未之見。然古人既造鬼字。則必有鬼無疑。或古有鬼。而今無耳。余固未之見也。陸曰。余則確見鬼也。余訝曰。君從何處見之。陸曰。正誠未病之前一日。謂余曰。當日馳馬傷人。余雖無心。然其人已死矣。余今又蒞蘇。余將偕先生一臨其井而展拜之。余以其出於至誠。遂允之。初不圖遇鬼也。余曰。誰遇鬼耶。陸曰。余與正誠共見之。余曰。此譌言也。陸曰。君且聆余言。次晨余與正誠並馬出盤門。出城數里。正誠縱馬入一冷巷。且曰。此卽余失伴處。亦卽傷人處也。繼指巷盡處一井曰。是卽吾撞人入井之所也。是時余恐其因感觸或致傷心胸。乃與之按轡徐行。忽巷口來一老者。年事約六十許。白髮盈臆。履地無聲。行至井邊。見余等。乃佇望轉瞬失所在。是時正誠忽扣馬不行。大呼曰。彼來矣。翻身從馬背墜下。幸馬性馴熟。植立不動。余乃騰身下扶之起。已目定口呆。不能語。喚之良久。則稍甦。問余曰。彼去耶。彼欺我。彼來索命耶。余曰。彼爲誰何。正誠曰。彼卽井中人也。余於去年撞之入井。今彼之魂乃現於白日中。余其殆哉。言畢躍上馬鞍。返轡揚鞭。疾馳而去。余亦縱馬追之。抵寓則病發如前矣。余曰。聆君之言。不啻真見鬼焉。不知曩歲正誠所撞之人。是否此鬼。陸曰。此余烏能知。

之。余第確審爲鬼耳。余曰：君烏從知之？陸曰：履地無聲，轉瞬失所在，非鬼之明證乎？余曰：鬼乃得現於白日乎？陸曰：井中之遊魂爲厲耳。厲氣所鍾，白日亦不畏其影。余曰：然則此鬼不過與正誠爲厲耳。君胡爲得見之？陸曰：余非鬼，余烏能知之？然余實見鬼也。余曰：然則君之招余來，將何所爲？陸曰：余第電告於君耳。未嘗電其家也。往歲君能治其疾，今則仍任之。君余曰：是不能矣。往者疑懼之疾未深，余故能以欺飾治之。今彼見此鬼物矣，余安能肖彼鬼物以誘之哉？陸曰：然則如之何？余曰：寓中固有同伴，明日以正誠付同伴監視之。而余與君同往盤門一偵。陸曰：鬼物可得偵乎？余笑曰：余固言君亦得狂疾矣。君毋疑，君毋懼。余敢斷言：非鬼物焉。陸搖首不語。

次日余與陸跨馬出盤門，隨其所指。至所爲冷巷者，陸惴惴曰：卽此井也。鬼卽現於斯。隱於斯。余乃下馬。陸則據鞍不少動。彼蓋以爲偷遇鬼來，不難疾馳而遁。余亦不與之言。援井欄俯視，則一泓清冽，了無所異。旣見欄口甚小，圓徑不過尺許，不知當日正誠之馬撞人如何墜下。旣又見井欄之石甚新，欄爲六角形，其一面有文曰：

仲秋吉日 丙孫重溶

余曰。此井已重濬矣。陸曰。旣曰重濬。則未濬以前。必傷一人。去年之事。乃在春間。而井修於秋。益足見傷人之事爲確鑿。余曰。是不難詢之鄰近。而得其真相。陸曰。然。遂亦下馬。兩人徜徉巷中。了無所遇。偶有白板雙扉。亦俱人之後戶耳。

陸曰。吾輩遇此荒涼寂寞之區。何從偵察耶。是時巷口忽來一水夫。擔兩桶。汲井泉。汨汨有聲。余視其桶旁有文曰。井生樓置四字。余指之曰。是茶樓之名。頗奇。余當問之。陸頷首。余遂問此水夫曰。余等過路口渴。乞賜一勺泉。水夫曰。君等殆乘馬來耶。冷水易致疾。曷不往茶樓去。此固不遠也。余稱謝。與陸牽馬隨之行。

出巷不數武。遙見一樓。其市招則井生樓也。位置精雅。茗碗亦整潔。余等繫馬入座。噉茗。茶博士招待甚慤。且以曾食點心相問。余乘間詢曰。汝茶樓殆新開耶。博士曰。去秋耳。今一年矣。余曰。汝之市招頗奇。此井生二字。作何解。博士曰。此余主人之意也。余主曾於去春墜入井中而未死。秋間捐資修井。得泉而甘。遂購此樓而易名井生也。余曰。汝主人年幾何矣。如何墜井耶。博士曰。主人六十三矣。去春被一少年。馳馬撞入井中。井固無石欄。幸井已枯。故得無恙。且余主人具好身手。一躍出井。固易事耳。陸曰。汝主

人得毋王丙孫乎。博士曰：然。先生乃亦識之。陸曰：聞名耳。今在何許耶？博士曰：今方入城，偕其甥周菊畦赴試耳。陸曰：奇哉！菊畦固與正誠好友也。余曰：可以歸已。遂付資縱馬歸。

途中陸謂余曰：丙孫余聞其名久矣，惜未之見耳。彼嫻於馬術，并騰躍諸技，怪底履地無聲，瞬失所在，彼蓋避余馬而騰躍以去耳。既抵寓，折柬邀菊畦并丙孫，須臾二人至。陸備述前後事，王大笑，且曰：此易事耳。余擅推拿之術，正誠病易治耳。

王遂入錢室，錢見卽驚呼。王一手攫其肩，一手托其臂，握其筋骨，颯颯有聲。須臾，稠涎冲口而出，錢兩目微閉，須臾啓視，詢之曰：汝何人？丙孫曰：余爲汝友菊畦之舅。王丙孫也。錢曰：王先生耶？余師曾爲余言之也。君來何事？王曰：來與汝一言。汝視余爲人乎？爲鬼乎？錢曰：人也。安得言鬼？王曰：如是甚善。去春汝曾縱馬撞余入井，余實未死。昨者汝見余又墜馬而遁，是何意？歟？錢曰：君未死，則余無罪矣。余何疑？余何懼？哉！相將出室，見余等乃大慰。且曰：余所抱歉蘊蓄於心而不可告人者，今已豁然貫激。余當揚弓挾矢，以與諸君從事矣。陸與余均撫掌。王曰：汝且少休。明日余將授汝以控馬之術。錢稱謝。

是年錢竟獲第。

評曰。天下安得有鬼。亦安得無鬼哉。正誠中科舉之毒。以人爲鬼。遂致狂疾。不亦傷乎。然余以爲天下而無鬼。彼爲人者。淪落道德。更不知伊於胡底焉。

筆尖

讀者諸君。曾讀雪鴻淚史否。其詞曰。

學校者。鄉人所反對者也。既反對矣。對於校中之教師。往往不知敬禮。而加以侮蔑。甚或仇視之。求疵索癥。尤其長技。卽品端學優者。偶一不慎。亦足貽人口實。爲鄉校教師。其難蓋如此。（中略）今日開課。若輩聞信。相率偕來。圍觀如堵。來者大率非上流人。短衣窄袖。有赤足者。有盤辮於頂者。更有村婦數輩。隨衆參觀。口中大呼看洋先生。看洋先生。指點喧嘩。無所不至。堂中學生。皆其子弟。於是有呼爺者。有呼媽者。有呼哥與叔者。甚有逕入課堂。相與喁喁私語者。（下略）

右所述者。乃夢霞開校之情形。其時尙在清季。自夢霞東渡。繼其任者。非他人。卽著者也。著者於未赴校時。先請命於吾友聞洞。聞洞曰。螺村（螺村錫邑無此地名也。今

亦從淚史原名。非善地也。君雖第膺教席。然其地著名之土著。或客居之徒。亦當善與之。吾今與君名片一函。二君至螺村相機行之。學校苟發達。地方得安謐。君之幸也。余唯唯受命。

次日。余自蘇乘火車。至望亭。覓舟。至蠡里。又陸行十餘里。乃抵校。鄉人聞之。麇集來觀。如窺新婦。其情景與漁父初入桃源時殆相彷彿。淚史之言不我欺也。

觀淚史之言曰。學校者。鄉人所反對者也。余至螺村。此景況已漸減。蓋共和既成。鄉曲士夫亦稍知求學。余不能不感。夢霞何氏之功。余又不能不記。余所經歷之怪突也。余至校。首與余談者。卽跛足之秦翁。頻蹙言曰。先生。校中事全權奉託。校外事先生切勿過問。苟不然者。禍且立至。余曰。不然。校設於村中。無事則校乃可發達。余既蒞斯地。校中事固身任。校外事亦不能不問也。秦翁曰。斯亦聽君意。一切事請與鹿萍接洽可也。鹿萍者。秦鹿萍也。彼以會計員一格。兼任校中庶務。是時校中事。余一人擔之。學生僅二十人。年齡相差自二十至七八。余以種種手段。羅致之。并與隣近私塾教員竭力運絡。不半月而學生達八十人。且俱剪辮者。斯時秦翁鹿萍亦欣欣有喜色。

一日鹿萍謂余曰。校務得君之力。漸現佳境矣。而校外事。乃有不堪問者。將如之何。村中狀況。君當見之。蚩蚩者氓。乃羣趨於賭。喪身亡家。而不悔。驅之不走。阻之不聽。君將若何措手乎。余曰。此易事耳。余已探知此間客籍之首領。曰鄒希時。其人頗抗爽。明日爲星期。余當招之來。與之語。鹿萍驚曰。是輩安可共語。余曰。君無慮。余自有術。鹿萍唯唯。

次晨。余使校役持余名片。邀鄒入校談話。復向鹿萍索銀二十元。鹿萍付銀時。頗訝余之索此數。蓋村中飲食行動。直無法拋擲。此巨數也。即有賭博。亦非上流人。余既取得。亦不與彼言。納之囊中。囑其與余晨餐。坐以待之。

須臾。鄒至。長身粗腰。面黑齒長。衣棉衣。罩皮褂。自內衫至外褂。鈕不扣。上總而交於胸前。以白帶束之。袴黑色。兩靴足指已穿。破手持旱烟筒。年約四十許。入門即縱聲笑曰。洋先生。乃請吾談心耶。余輩不耐喋喋。彼不知解此否。鹿萍變色曰。來矣。余目止之曰。姑坐。乃略起迎之。命之坐。鄒坐。斟茶與飲。鄒飲畢。目上視。不發一語。余返身啓篋。取函一。聞之名片一。與之。且曰。聞先生命余以此付汝。鄒視名片。并啓函讀之。突起立置。

煙管於案上長揖而言曰：先生恕余無禮，余實不知先生……（此爲一種隱語，因與本篇無關，故略之）也有所命，敢不謹從。余曰：如是亦甚善，須知公等客居，要以主客和洽爲第一義。今農事忙矣，而公等呼盧喝雉，日夜不休，毋怪村人之疾視也。公等既爲村人疾視，則長此以往，患必叢生。今與汝約，卽日解維，率汝徒黨他去。以後每月祇許來村三次試博，一日博場亦須改於村後荒僻之地，汝能聽余，則余當付汝以旅資。否則與汝等將有不利也。鄒唯唯。余探囊出二十元與之，鄒受之而去。

鹿萍曰：二十元乃如是應用耶？殆矣。君受欺矣。余不語，抽箋作函，郵告吾友聞君。越半時，秦翁忽至，大聲曰：怪哉！客籍人盡行矣。鹿萍曰：盡行耶？吾不信也。秦翁曰：吾豈誑汝者？不信，汝往觀之。余來時，見河干之舟五六艘，正在解維也。鹿萍曰：如是誠吾村人之幸也。然而先生勞矣。秦翁不之解。鹿萍乃盡告之。秦翁大喜曰：吾爲村人謹謝先生。此二十元不能使先生代墊，余當任之。

自是而後，村中無若輩蹤跡。卽一月之中，偶來一二次，亦必在荒僻之地，稍稍聚集，不復如前之興高采烈。村人旣失賭窟，亦各務其業。鄒有弟曰鄒二，娶於村，遂家焉。有子

一年七齡亦入校肄業。性亦聰穎。余甚愛之。

四月某日之晨。余尙高臥未起。忽聞叩門甚急。余推枕起。啓時計視之。僅六時十分。遽啓門。則秦翁也。氣喘聲啞。一路高低而入。入室扶桌。立即斜坐。椅上乃喘息言曰。余被竊矣。余曰。竊何物乎。秦曰。一百元不翼而飛矣。余思秦翁本富有。今失僅一百元。乃遽遽如是。良可笑也。余乃問之曰。他無所失乎。門窗無所損乎。翁未嘗聞其聲乎。秦翁曰。先生姑隨余往。偵之可耳。余遂略盥嗽。披衣隨之而行。

長廊屈曲。東轉西回。此螺村秦氏之特別構造也。秦氏聚族而居。戶不下七八十。而長廊之數亦稱是。苟非熟識。或不經人引導入之者。必迷所向。而不得出。須臾登秦翁之內堂。入其室。一種污穢之氣。刺余鼻觀。幾至嘔吐。室暗無光。南檐一案。筆墨乾枯。其左右則糧串。租簿充斥。如山。北壁一榻。榻前一几。几置油燈一。火猶未熄也。

南檐之窗。製尤特別。內有如臂之木框。植立若牢柵。柵外則樞星之蟻窗。中嵌徑寸之有色玻璃。玻璃窗外更有木板板上鑿一錢形。以通氣。此三層之窗。夜間收拾時。頗非易。易必使兩人。一在外。一在內。在外者以玻璃窗闔入。在內者則扣其屈戌。既竟。則在

外者。更上木板。板下有。小孔。以鐵釘。插入。內亦扣之。其防閑。不可爲不嚴矣。若曰。空氣可一言。以蔽之。曰。無顧其室之兩扉。則僅木板木門耳。賊固撥門而入也。

余入室時。卽見此門有斧鑿痕。斷言賊由此入。繼乃問其失物之所在。秦曰。在余書案之抽屜中也。余昨夜收款三百元。置此抽屜中。而未加鎖。今晨余醒。則見室門已開。抽屜亦未推上。怪而視之。已失去三之一。余曰。賊旣行竊。胡爲僅取此數耶。余逡巡室內。了無所得。頗爲焦灼。繼見榻之左壁上。乃有一紙條。飄蕩就而審之。則怪事見矣。紙色極新。乃扯取桌上限票（催租用者）之一半書之耳。其詞曰。

困急。借一百元。勿追。卽還。

寥寥十字。筆力遒勁。而墨色枯槁。余指之曰。此胡爲者。翁曰。昨夜余未嘗貼此紙條也。翁卽取紙在手。連呼怪事不置。余返身視桌上。見有一筆筆尖。已生花穎之半。有齒痕。余謂翁曰。君夜來曾臨池乎。翁曰。未也。且余從不以齒齧筆尖。余曰。然則賊固在此寫紙條矣。今此筆尖。所嚙之痕。乃以門齒重嚙。其一齒必有缺角。誠能留意門齒有缺之人。則賊可得已。翁曰。先生能盡察村人之齒乎。卽曰能之。若賊不在村中。將如之何。余

曰。君勿慮。此數日。實無外來之人。有之。余覓之。更易。然君須秘密。余方能有所爲。否則。謹謝不敏。翁曰。諾。

螺村雖小。余固不能盡村中人而驗其齒也。然遇事苟步。留心事亦未嘗不可爲也。余乃懷筆而出。至校。學生已齊集。余如恆例上課。下午課畢。余卽以筆尖研究之。余思筆尖爲圓形。今已嚙扁。余亦不能分其齒之誰上誰下也。不能分其齒之誰上誰下。則每遇一人。必細察其上下四齒。村中不少。上唇短而露齒者。從未有下唇短而齒亦露出者。至是余得兩法。一則出語滑稽。令人開口笑。而余得乘間視之一則僞言其面色不善。恐將罹疾。而視其舌苔。舌伸而齒張。易視矣。如是者數日。不得要領。蓋筆尖之痕。余可把持細視。而人口中之齒所印於眼簾者。不過數秒鐘遲速。固大相逕庭矣。學生之來校也。其伴送者。非其父。卽其母。非其兄。卽其姊。間有結伴同行者。非爲孤兒。卽其家中人。或有疾病。余在螺村。本兼醫理。村人頗信任之。若鄒氏子者。則皆其父鄒二件送也。三四日間。鄒子恆子身赴校。余偶問之。則以父病對。余思鄒二有疾。何不招余。乃於放課時。囑鄒子告之。余將臨其家。

忽焉鄒二來校。謂余曰：犬子無狀，乃以小病煩先生憂，余今愈矣。余亦一笑置之。次日，鄒二仍伴其子至。鄒子已步入課堂，而鄒二尙食糕，未已。鄒子忽索其餘。鄒二乃以齒餘授之，而去。余思村中人余偵察殆及半數也。今鄒二之齒痕乃留糕上，曷不一偵之？遂謂鄒子曰：晨間多食糕，易生疾，汝且留之，急自其手中奪下，別以飴糖易之。鄒子亦不怒，跳躍而去。

余既得此糕，視之大駭。蓋此糕上之齒痕，乃與筆尖之齒痕無異。余陡憶及秦翁失物之晨，鄒二固言有疾，此疾蓋掩人耳目耳。真憑實證，既得之矣。而鄒二固不可逮捕也。至此余輾轉不得良法。

傍晚，秦翁來問余曰：事如何矣？余曰：人證均得，遂以糕及筆尖示之。翁曰：先生誠細心哉。果村中人乎？余曰：村中人也。翁曰：果何人乎？余曰：此不能告君，且此款亦須一月後始可歸。趙翁曰：先生之言，余不解。余曰：是不可告君。余告君，亦須在一月後。秦翁無如何，聲蹙而去。

榴花照眼，瞬已五月。殆及下旬，校中放暑假矣。余摒擋諸事，既竟，買舟將歸，則作一函。

與鄒二其詞曰。

（上略）君本草莽英雄。有困急。何不就余商之。胡爲計出乎。下使人增疑秦翁百元。務在六月十五以前送還。否則君將有所不利。須知筆尖齒痕。余已於令郎手中之糕。驗得所不與君言明者爲全……（下略）

越日余行。學生及其父母兄弟至校送行者不下二三百人。鄒二亦來向余。若有所言。余僞爲不見者。余更乘間謂秦翁曰。六月十五以前有人還君百元。君第受之。而勿問其所由。苟不然者。君速函告我。鐘鳴十下。余別螺村而去矣。

六月十七。余得秦翁函云。款已得。鄒二亦攜眷他往。余爲之慨然。不圖良心二字。乃於草莽中得之。

評曰。螺村。余舊遊地也。著者以教職而籠絡草莽英雄。余愧無此能力。雖然。此篇固足於淚史梨魂外。別開生面者也。

偷香妙手

閱者諸君。誦此標題。將無疑著者於偵探小說中。忽談艷情小說乎。不知此四字。幾幾

窳殺兩青年。牽涉議政。治家甚矣。文字之禍。深且鉅也。

余友春孫。楊其姓。浙之吳興人也。家世業商。設肆於金閶。與余相善。桂子飄香。金風逐暑。余友忽翩然入余書室。面容急迫。攫案上茗碗。猛飲之。時正十二時也。楊謂余曰。君速治行裝。須以十分鐘竣事。余有急難。乞君相助也。余曰。君有何事。乃如是匆遽乎。且將令余何往耶。楊曰。君毋煩絮。速治裝。余自蘇來。今日須偕君蒞蘇也。一切事。於舟中細談之。

余知余友之爲人。性情抗直。不作誑語。乃入內略整頓。提一皮囊。并以電話招肩輿兩乘。須臾輿至。余與楊乘輿出城。詣輪埠。輪已動矣。急購票躍上。入艙甫坐定。輪已離故鄉而去矣。

輪行里許。人聲略靜。艙中恰無他客。楊乃閉門。告余曰。適因匆促。鹵莽從事。致令君致疑。僕誠開罪多多矣。余曰。君毋然。君非謂有急難事耶。今可以言矣。楊曰。余肆之左。有一小學校。校中有一教員。徐名籌者。亦浙人也。二年之前。徐來校執教鞭。課畢。輒來肆與余談論。久之。遂成莫逆。去年冬。徐與校長冲突而辭職。遂假宿余肆中。徐自言家有

老母妻子三人。然徐雖年近三十。而丰采絕倫。談吐瀟灑。儼然一翩翩少年也。

余肆中有購貨者曰。黃周甫。蘇之富紳也。心術頗工。每值令節。購貨必親詣肆中。擇物而令僕從攜歸。其精細有如此者。今年春。黃偶與余閒談。謂中饋久虛。家中事全仗其長女。女識文字。嫻吟咏。然黃不以爲能也。有子年十三。欲得一良師。而乏其人。余乃以徐推薦。黃見徐。頗愜意。由是徐遂入爲黃之西賓矣。

每遇星日。徐必至肆中相候。而昔年之同校教員。若陸正良。若王川香。若浦枕流。若吳少千。亦必於是日。邀徐入酒樓茶肆。一傾積懷。之四人者。王與吳則住校中。陸與浦。固本城人。晨出夜歸。率以爲常。

八月十七日之午後。黃忽急足呼余。余隨之行。既見黃。黃默不一語。問之。則曰。吾以汝爲誠實人也。汝乃以狂妄之徒欺余耶。余瞠不解。有頃。復問之。黃曰。余年老矣。余祇一女。今乃斷送徐某之手。可不恨哉。余訝曰。徐豈加無禮於女公子耶。黃出一紙曰。汝且視之。余視此紙。乃一信箋。右角祇有半行。其詞曰。『此蕩魂驚魄之艷詞。僕自謂儉香妙手。』余擲紙還之曰。卽此亦不能證徐之罪。且不能證女公子之罪。黃怒曰。胡爲不

能。余今搜余女書案上。固有蕩魂詞。驚魄詞。兩書也。余曰。君於何處覓得。此紙黃曰。昨晚徐課畢。外出。余之內姪趙雄才。在彼抽屜中獲得。持以示余。且謂余曰。姪見表姊書案上。固有此蕩魂驚魄詞也。余搜之。果然是非明證乎。余曰。今徐君何往乎。黃曰。昨夜余與之交涉。彼竟傲不爲禮。反脣相加。余逐之。今晨不別而去。然余女亦可恨。今夜當毆殺之也。

余既聞其事。覺情節不符。思與之辨。顧辨亦徒然。乃謂之曰。余恐此中必另有曲折也。余必不信。徐之輕薄也。乃拂袖而行。遍覓徐君。莫知所往。今晨余遂乘輪候君。不知昨夜其女之生死若何。更不知余友徐君。又在何處也。君其助我。君其助我。

楊語既畢。余曰。此事第一。先須辨明字跡之真偽。繼續研究。何以此紙爲趙雄才所得。今事已變更。僕至蘇。須先覓徐君之行蹤。然後真相可得。楊領首不語。

人聲喧闐。電火璀璨。蓋輪已抵蘇埠矣。楊招余至其肆中。夜膳方畢。忽一夥持報紙。授楊。且曰。奇事奇事。先生且觀之。楊隨其所指而誦之曰。

失女得男之奇聞。富紳黃某之女。不知何故。於昨夜十二時。由其住宅後門。單身

出走。不意爲女之表弟趙雄才所瞥見。急起追之。殆至轉角處。該處有荒井。趙見女。驚墮井中。當卽高呼施救。由一百七十八號崗警。聞聲馳至。設法將女救起。執意救出者。乃爲一男子。自言青浦人。李阿六。檢其身畔。有洋三百餘元。金戒金釧三四件。問其何致入井。則指趙將攔路劫奪。不得已向彼處奔逃。失足入井。嗣由崗警將兩造帶回第十三分所。由所長鄭君一再訊問。無如各執一詞。堅不承認。一面以電話告黃某。訊其曾否失女。亦云並無此事。現將兩造暫押候訊云。

楊謂余曰。事變乃如是耶。余曰。其女當已走失矣。彼云並無此事者。妄言也。今且眠休。明日余當晤鄭君。彼固與余相識者也。

次日晨起。余走訪鄭。鄭字建豪。徐人也。與余相見。頗現欣快狀。且曰。君得無又任偵緝事耶。余告之故。鄭曰。黃某爲人。語言無味。面目可憎。君慎勿冒昧往訪。余曰。然則奈何。鄭曰。余意此事。內容複雜。彼必有不可告人者。余曰。不可告人者。君殆指失女而言也。鄭曰。余意其女確已走失矣。余曰。余亦云然。將安之乎。鄭曰。殆與徐君有關係乎。余曰。此必無之事。惟最可疑者。彼女夜走。趙雄才何以知之。乃於夜半追蹤乎。鄭撫掌曰。然

哉。此著余未之注意也。余曰：余欲往押所中，詢此兩人，君其許我。鄭曰：可。乃付以證。余至押所，先訪趙。趙曰：君將偵訪吾表姊乎？余曰：然。余聞黃君自言，並未失女，不知何故。趙切齒曰：彼殆欲死其女耳。余曰：當不至是。余且問君：徐某果加無禮於令表姊乎？趙曰：余表姊守身如玉，決無越禮之事。彼徐某直妄想耳。余曰：妄想如何？趙曰：不過託諸筆墨耳。余曰：君殆疾恨徐某之妄想，故以其筆墨告知黃君，欲保護令表姊之名譽乎？趙曰：誠然。余曰：然則君何從而知令表姊將於夜半出走乎？趙曰：是亦有故。余知余姨丈性極固執，既發現此事，必以人所不堪者加諸於表姊。余於傍晚時過其後門，果有榜掠號哭之聲。夜往聽之，乃無聲。既而途遇相識，邀入酒樓。酒罷已十時矣。忽見黃後門微啓，一人翩然而出。余急追之，轉角則墮入井矣。孰知救起視之，乃一不相識之男子也。噫，余姊今不知在何所矣。君能值得否？余曰：君勿傷懷，且靜候之。趙曰：然則君於余一人有所置疑否？余聞之頗不解所謂。乃曰：烏有是哉？余別趙而視李阿六，一瞥之下，不禁駭然。此李阿六，非他人，即余枕中秘篇中所敘之劉金標也。彼見余已不識，余謂之曰：人心不古，宵小叢生。君幸遇救，否則殆已。余意趙

雖狡獪。苟屢加審問。彼必自認其罪。余固可力保君也。李曰。然哉。君殆律師乎。余曰。君且勿問余。第詢君囊中之物。果何自來乎。李曰。乃友人託帶者。余曰。君友爲何人。君自何處來。將何往乎。李曰。余友陳姓。在南翔業商。囑以此物帶往江陰耳。余曰。君膽亦太大矣。當此之際。乃囊金而夜行耶。李曰。吾何懼哉。惟……惟以他人之物。乃不敢有失耳。

余笑曰。余真健忘。君友何姓。非在浙江乎。李曰。君問此物何自來乎。余曰。然。李曰。余在南潯。受友人王姓之託。帶來也。余聞之不禁失笑。乃曰。君友中有劉金標者。識之否。李大駭。顫聲曰。余……余不識也。余無此友也。余曰。不識亦常事耳。然君云此物係南翔陳姓所託。何以又云南潯王姓所託。究竟此物何自來乎。李曰。君言何咄咄逼人。余曰。此猶非逼人之語也。君苟不肯明言。余固識汝之真姓名也。

李怒曰。何爲眞姓名。余曰。汝必欲余聲明乎。實告汝。汝曾卜居葉村。汝爲劉金標。李曰。在何時識余。余曰。溫昭環。汝忘之乎。幸未爲汝焚斃也。李大恐曰。今將何以處余。余曰。前事已過。余亦不問。汝果英雄。則以實語告我。余當爲汝設法也。李囁嚅良久曰。余實

無罪。此物乃余師分我者。余亦不知何自來也。余曰。汝師何人在何處。李曰。余師名王胖子。其地址余忘之矣。余曰。是安可忘之耶。不得。王胖子汝罪不得脫。李曰。苟告其地。址。余可無罪乎。余曰。然。李曰。去此八十餘里。有一荒山。此山在穹窿光福之間。路極崎嶇。山半有一土地廟。乃王集會之地也。余曰。廟中有若干人。李曰。人數約三百。惟此十日中。乃吾師休息之期。人俱他出。廟中不過三四人耳。余曰。足矣。今且別汝。

余既得兩人之實情。返身入分所。將及門。乃見鄭送客出。客爲誰何。黃周甫也。殆余入內。鄭曰。君有所得否。余舉以告之。鄭曰。殆矣。徐君之生命也。余曰。君言果何指乎。鄭曰。頃余招黃來所中。余細問之。方知其女實未失也。余曰。然則趙真欲刼李乎。余不信也。鄭曰。非是之謂也。黃女以夜出。果有此事。女實夜訴其舅。今由其舅偕之歸矣。其舅馮姓。曾見徐雇舟。欲遊鄧尉天平穹窿諸山。而昨夜穹窿附近。有盜刼行人事發現。今如君言。則彼處果有盜窟。徐君又適往彼處。余故爲徐惴惴也。余曰。事不宜遲。余今日卽當探此盜窟。鄭曰。是烏可者。君知此盜窟之內容若何。乃欲以單身入虎穴。余不聽君也。且此趙李兩人。猶未判決。君以爲如何。余曰。此君自有權衡。余意趙言實。真惟恐於

黃徐之冲突。有關係耳。若李之言。直妄語耳。不足信也。鄭曰。然則姑繫之勿失。

余曰。余今將別君矣。鄭曰。將何往乎。余曰。余往訪楊君也。鄭曰。此亦聽君。惟願君勿冒昧。往探盜窟。余笑允之。乃至楊肆中。楊適他出。余留束於彼。約以三日歸。遂附進香穹窿之舟。竟往穹窿。遍訪徐之踪跡。余與徐。雖不相識。則就盜劫之事。遍詢之。亦均行商之輩。未嘗有讀書者。流忽忽兩日矣。余心已灰。余志乃決。毅然雇舟返蘇。舟將行。忽有入口操北音。身胖面黑。走近岸旁。自言隸籍某軍隊。知先生將有蘇行。懇便附件。舟子有難色。余亦心知其非良善輩。然好奇之心。忽生。遂允之。

彼欣然入坐。余詢其姓名。彼云。王其姓。福其名。彼亦詢余。余漫應之。余曰。君往蘇有何事乎。王曰。訪友耳。余友極多。類皆在蘇也。余曰。有劉金標者。君識之否。王訝曰。識之。君亦相識耶。余曰。相識有年矣。今方被累入警署也。王曰。此何日事乎。余曰。殆兩三日矣。王曰。此人性情鹵莽。動卽擾禍。余已屢戒之矣。余曰。劉君之友也。君乃有權戒之耶。噫。余知之矣。君殆王胖子耶。王一手伸入衣袋。厲聲曰。汝何從知之。速言。余曰。君母然。余亦有槍也。君名余知之久矣。天幸今日乃於無意中遇君。實余之幸也。

王大笑。出其手曰。聆君言。殆同氣（卽同黨）乎。余領之。余遂與之縱談。王亦深信不疑。最後王謂余曰。余昨晚得蘇之報告。云我黨近得一豬（卽人也）係富紳黃某之西席。在虎邱附近荒村中得之。囑余速往。計將勒此豬以打黃之稻水也（卽勒贖）余曰。今在何處耶。王曰。在瑞光塔左近。某巷中。余曰。余可同行乎。王曰。可。

一帆風順。半日抵蘇。余遂偕王行。余密書地址於紙。致之於鄭。路過第十三分所。余行略緩。揚紙示門衛。擲於地。衛兵固已識我。俟余過。拾之。而余行已遠矣。

天漸黑。行益速。旣達目的地。入一小屋中。中坐七八人。王爲余介紹。此輩皆雙圈黨也。此地乃分部也。余乃問曰。豬在何所乎。一人指東室曰。在內也。余曰。試往覘之。僉曰。可。余入視之。果一翩翩少年。反縛於柱。余見室中無人。乃就其耳曰。君勿懼。余可救君出。君得無爲徐名籌乎。徐低聲曰。然。余大喜。返身出。與衆略周旋。

余曰。在此議事。殊不安。衆曰。後樓如何。余乃隨之上。旣謂王曰。余與君有密談。可隨余外出。王信之。余曰。且偕余走出門外。王曰。何故。余曰。此間附近有同氣乎。王曰。不知。余曰。余實見有一家頗似之。曷不往彼一偵。王曰。諾。乃啓大門。門乍啓。余從後提其領。直

擲之。出不知門以外。警士矗立。乃無算。蓋鄭已從余紙上之言。候此久矣。

王既被擒。乃塞其口。搜其身。得手槍一。先押之歸。余乃命兩警入東室。解徐之縛。斯時鄭已率衆登樓。第聞槍聲。呼聲。足聲。歷十五分鐘。始克成擒。得八人。盡押之返所。其明日。并李阿六彙案解縣也。

徐既歸。楊亦往所候之。趙亦釋出。惟不許其出警所。余乃囑鄭東招黃周甫。既至。鄭款諸人於應接室。先謂徐曰。君受危難矣。地方不靖。余之失察也。徐曰。是余之過耳。隻身入荒村。適當其衝耳。余曰。徐君之受危難。以余視之。實黃君之過也。使黃君不面逐徐君。何至輾轉遭此危難。黃厲聲曰。君言吾不願聞。余之斥逐。余固有真理也。余曰。君之真理。可得聞乎。黃曰。余來時固已準備矣。遂出一紙曰。此徐之謬詞也。出兩書曰。此余女之罪證也。余乃先檢其紙。果如楊之言。既謂徐曰。君曾書此紙否。徐曰。此紙確爲余書。黃曰。如何。楊曰。君何意歟。徐曰。此紙實非余書。黃呼曰。遁辭也。余阻之曰。君勿怒。余問徐君。對於此紙。得無有難言者在乎。

徐曰。否。此紙爲余所書。余肯自誓。然玩此語氣。余當日實未書此。此誠令余大惑不解。

者也。余曰：君書此半行，果爲何意？徐冥想久之曰：得之矣。余蓋寓書於浦枕流也。此紙殆書誤，故棄之耳。鄭乃令人招浦枕流。浦至，余問之。浦曰：余未嘗得此信也。徐曰：余三日夜未得安睡，且備受撈掠，故精神乃若是顛倒耳。余今憶及矣。余函中係與浦君論詩。余不知浦君住址，乃囑陸正良轉致之也。言未已，一警延一人入。徐撫掌曰：陸君來矣。

陸曰：頃余過此，見浦君忽入所，繼詢知此事，乃跟蹤而入也。諸君有何事乎？余曰：徐君有一函囑致浦君，君奈何忘之？陸曰：是誠疎忽。今尙在余身也。乃取出以授浦。余曰：且勿啓視，余今將有以告諸君。

余乃起立，持前紙曰：此紙實徐君之書，然非完全。徐君所書也。余意『此蕩魂驚魄之艷詞』，乃爲半句。此字上當有他種字。若此『偷香妙手』四字，頗足研究。此偷字妙字，手字觀此三字，每字之筆墨，乃有濃淡兩種。諸君思之，烏有一字之筆墨有濃淡兩種乎？余故決此四字爲兩人之手筆。余視此四字濃墨所寫者，似係『川香少千』。余聞楊君言：徐君之友固有王川香、吳少千兩人，也不特此也。若謂偷香妙手本爲川香

少千則連上。僕自謂川香少千讀之則又不可解。余意謂字似係與字總而言之。必有人將謀不利於徐。或致疑於徐。故作此改換字畫之狡詭手段也。今幸原函具在。可由鄭君拆視之。

是時徐起立。將有言。余禁之坐。鄭拆其函。共兩紙。第一頁末行係不慣作三字連第二頁讀之。則曰『不慣作此蕩魂驚魄之詞。僕自與川香少千相交以來』。余撫掌曰。如何。余固謂徐君非輕薄人也。於是合座皆大欣喜。

黃曰。徐君之受冤。余知之矣。雖然。余女室中之兩書。果何故耶。余乃持書翻弄而言曰。此間暗不可辨。言已。卽撒身立門首。右手入衣袋。握槍。乃以左手揚書之裏頁。示諸人曰。且視此印章。其文不曰趙印雄才耶。是固趙之書也。黃君且問其是何居心乎。黃未及發言。趙突從座上起立。欲沖門出。余拔槍向之曰。止。趙乃立室隅曰。余知罪矣。黃直前毆之。衆竭力勸阻。逐趙出。不復認爲戚。黃乃別衆歸。須臾。東招鄭及楊。并徐三四友。余與徐亦同往。黃極道歉。開筵款客。酒半。黃謂徐曰。余年老矣。余女長矣。今幸諸君咸座。在余願以余女謹字。徐君衆咸稱善。徐起立曰。承君推愛。惟僕已有妻有子已。

評曰。文字之禍。乃如是耶。幸而偵查迅速。事即明了。否則大好青年。斷送半行字矣。若趙雄才者。其人誠可殺不可恕也。僅僅逐出不認親戚。余以爲不足蔽其辜焉。

生髮油

知新布廠主人石業嘉。在其辦事室中。右手執筆。夾於中指無名指間。以筆尖向前直伸。而以食指微撥盤珠。扼腕至再至三。左手橫據桌邊。猛撫其鬚。面色滯暗。雙眉緊蹙。眉峯以上。綢紋乃如層浪。倏起倏落。吁氣而言曰。乃如是耶。吾業其敗矣。吾廠其將破產矣。奈何奈何。

時余坐其室中。聆其言。苦無適當之解勸法。會見此宏敞堅鉅之布廠。損失日甚。日不久當閉歇。實業界中又少一個。能不惜哉。有頃。石曰。余邇日精神萎靡。遇事前言後忘。招君來。乃無一語相商確。余誠慢客矣。余曰。是亦無妨。惟余所急欲知者。乃在近頃之現狀耳。

石曰。現狀亦不過如是而已。余之規劃斯廠。迄今已八年。在廠女工。數逾五百。此五百工人在通都大邑之中。固不足爲奇。而於此城市之間。已足雄視一切矣。此輩工人。每

日所得。可三四角。所發之紗。以斤兩計。不以個數計。余曰。所發之紗。係指何種。石曰。卽布之緯線也。俗名御子。彼輩偷竊之物。首以御子爲多。若夫整疋之布。歲不過一二次。近且無敢犯此者也。惟御子雖細微之物。而每日所損失。約在五元以上。卽以五元計之。則一歲之中。可損失一千八百元矣。試問此一千八百元。嚆非吾廠中之血本乎。余曰。余聞廠中各工均有存資。彼輩不畏存資之收沒乎。石曰。是胡待言。余廠中發工資。均以八折算。其二成卽作存資。曩者有整疋布之盜竊。破獲後卽收沒其存資。彼輩咸知所戒。無敢再犯。然自是以後。竊物愈多。破獲則未見。余誠不知其下手。并不知其若何運出余廠也。

余曰。出廠時。有權搜檢否。石曰。自發現竊布後。廠中乃設一女檢查員。余廠中又多一支出。然亦不得已也。余曰。自設檢查後。有所搜得否。石曰。有之。最初則囊中袖底。履內腰間。手巾飯籃。莫不有所搜得。繼則藏之於籃之底。飯之中。或拋出牆外。或塞入溝內。或擲諸窰洞。然皆易於破獲。不意事至今日。各工咸確守厥規。無一逾越。檢查者無法證其私竊。而所竊之紗。其數乃突過於前。不亦怪哉。

余曰：此輩女工，開招時有保證否？石曰：有之。然無所裨益也。余曰：是亦誠然。余且問其出產之地點。當其未應廠工之前，此輩有何恆業？石曰：女工雖散處不一，要以鄰近戈村爲多。當余廠未立之時，此輩皆應曰坊之工，以舂米爲業。自機器米盛行，此輩乃驟失所事，窮苦無聊，而余廠適成，招之卽來。究之舂米一日，不過得一二角之代價。孰若安坐織機，勞逸如天壤哉！又况所入更勝於前哉？余之廠，不啻以工代賑，而彼輩猶不知足，不亦可恨乎？

余曰：歷來搜查犯竊之女工，是否出於戈村？爲多？石曰：誠然。今廠中戈村人固居十分之七也。余曰：戈村女工有無標誌，可一覽無遺否？石笑曰：是誠易易。君第檢女工之雲鬟雙疊者，皆戈村人也。余曰：彼輩亦趨時乎？石曰：想當然耳。余曰：所竊之紗，以何種顏色爲夥？石曰：近者顏料陟漲，紅藍二色，值倍於前，而廠中所失，尤以紅藍二色爲多。余曰：足矣。今且別君半月後，當有以報命也。惟余有一事相懇，事或破獲，余當從根本解決。使此芸芸女工，不復再蹈故轍，幸勿以此事報警署。蓋女子以廉恥爲第一要義，彼輩竊紗，誠可恨，要亦爲貧所迫耳。或有他廠暗中指使，希圖破壞之耳。若一付警署，則

挺而走險。後患正不可名狀。君幸聽余言。則余方能助君也。石曰。甚善。余守君言。必不致隕越。余乃別之而行。

自是以後。知新布廠中。恆有余之足跡。顧若輩初未嘗注意也。石亦或晤或不晤。偶值相遇。亦僅點首爲禮。默不作一語。蓋石已謹守余囑。檢查者既不苛索。一取放任主義。而余之時來時往。石亦任余自由。如是者四五日。余於黑暗幕中。乃得一線之光明。第以不獲確切之證據。不能不暫守秘密。余於廠中諸工之一舉一動。莫不留意。其尤足注目者。卽戈村女工之雲鬟雙疊也。

邇來女界之奢侈。其最足標奇立異者。莫如青絲之變化無窮也。就余所見者。若蝴蝶髻。若蜻蜓髻。若蝙蝠髻。若相打頭。若散心頭。若多花頭。誠哉。諺所謂黃頭毛細娘。十八變。然所變正不止十八也。若夫鄉村女子。以廠工爲恆業者。晨雞乍鳴。忽忽推枕而起。煮米作晨餐。復裹餘糧。以備午膳。有子女者。更須嗅咻其子女。鐘鳴八下。布廠門首。若輩已先後爭聚矣。試問此最短最忙之時間。更有何餘晷得修飾其鬟髮雲髻。罷梳還對鏡。羅衣欲換。更添香本。非爲此輩而言也。以故曉露未晞。朝霞乍上。此隊隊之女工。

莫不以青白之巾裹其頭部。既免飄蓬。又省膏沐。此種妝點。不啻爲一般女工之普通習慣。獨不意知新布廠之戈村女工。乃一反其常年不論長幼。貌不論妍媸。覩其晨妝。莫不作雙鴉。雙鳳。膏澤鑑人。誠可謂女工之特色矣。有此特色。而余之注意較前尤甚久之。余且變其方針。以間接之法偵察之。果也。真相一得。而知新布廠之營業得以維持。然余初固未之料及也。

余今且敘戈村之大略矣。村在西城之南。雉牆相對。一水潏洄。村中不下百餘家。其人均力田。雞犬桑麻。別一景象。村之周圍。咸植楊柳。南傍呂湖。近岸皆蘆葦。每當夕陽將下之時。湖光蕩漾。天宇澄清。蘆未著霜。蘆花已白。雲霞眩彩。覆映其上。如鋪粉紅之絨毯。奇妙不可言喻。而水面雲光。亦因風生。羅縠紋。反射茅檐竹屋間。如錦如繡。入夜則半浦夜歌。聞盪槳一星。幽火照叉魚。又爲村中人樂事。以故男皆勤業。女皆秀慧。自知新廠開工後。戈村之婦女。乃競往就職。廠中亦因其智巧。利而用之。

某日之晨。村中忽來一丁。當搖鈴之販夫。手搖其鈴。肩挑其擔。口中更喚賣其擔中之物。若手巾。若皮皂。若牙刷。尤以生髮油爲最廉最美。顧自東至西。自南至北。走徧此村。

中途逕了無一人向之購物。無他。此種用品。乃適合於少年女子。而非七八十老嫗所樂購者。村中婦女。既盡出而就廠工矣。其所子遺者。不過看家之髦嫗。垂髻之童稚而已。此輩不特無所應用。且有不識其品名者。而一般村童牧豎。乍見此販夫。僉以爲異。則赤其足。舉其裳。鼓噪而逐之。販夫亦不以爲意。懂懂半日。乃悠然而逝。

其明日。傍晚時。此販夫又出現於戈村。是時村中婦女。咸散工歸來。聞其聲。則趨視之。取值既廉。品物又佳妙。以視春秋佳日。入城市所購者。相差天壤。於是此往彼來。擔幾爲空。移時。有欲購其生髮油者。販夫曰。此油爲中國自造。與外洋來者不同。現方初次發賣。祇願奉送。不願取價。於是一般村婦之貪便宜者。咸相與鼓掌。且問之曰。果如是耶。吾儕用油極多。此淺淺恐不敷供吾儕用也。販夫曰。是亦何傷。汝輩苟需用。明日吾當多備此油。以販汝等。惟油雖奉送。不取一錢。不過汝等既用之後。須以一物相換。村婦乃競問何物。販夫曰。物更不值一文。乃汝等用過之油。繩或油線耳。（繩線爲婦女梳頭扎髮所用）村婦皆笑曰。此易事耳。明日吾卽換新者。當以舊繩舊線與汝。自是以後。一般婦女。頭上咸吸受此販夫之生髮油。而所爲舊繩舊線。均爲販夫續續。

換去厥後繩愈少。線愈多。蓋村婦以換油爲重要之事。扎髮之紅繩。靱而不易。舊則換油之目的不能速達。於是盡用一種纖細之紗。代此繩線。其色或紅或藍。販夫對此愈形歡迎。并舊繩舊線而不收也。如是者半月。販夫得此細紗。可以斤計。而知新布廠之損失。更勝於前矣。

夫此販夫。非販夫也。蓋偵探也。閱者將謂余之化裝耶。非也。余前已言化裝之術。外國乃可行之。若中國祇可施之於舞臺之上。燈光之下。觀之明知其僞。而爲之。況此戈村。更在近城。余未能遍識人。安可保人之不識我。然則實行偵探僞裝。此販夫其非余之化裝也明矣。不知化裝誠不可。若更令一人僞飾販夫。而間接偵探之事。固易也。余今已敍明。閱者當可了然矣。蓋戈村之中。自後并販夫之足跡而無之也。

晨光曦微。人影雜遝。知新布廠之門方啓。魚貫而入之女工。已符其額。廠主石業嘉。囑其會堂之鐘。一般女工聞此鐘聲。乃不入機房。咸奔赴會堂而就坐。石登壇朗言曰。余廠中屢次被竊御子。雖設檢查員。而無補於事。諸工須知。人犯竊盜。其罪至重。諸女工出身雖微。然顏面攸關。一入公堂。以後如何就事。余故不願以此被竊之事。報告警署。

當日原計諸女工因而悔改。不再盜竊。得相安無事。孰知近今半月。中竊紗之事愈多。竊紗之術愈工。余直忍無可忍。業已托余友切實偵查。諸女工且聽余友之言。當知非余之苛責也。

余乃躍上講壇。續而言曰。汝等以爲竊紗之事。無一絲外露。汝等亦知近半月。中戈村內有一販物之人乎。汝等日以舊紗換其生髮油。不知此項舊紗乃爲余所收貯。言已出紗視之。且曰。此紗滿沾生髮油香味。乃以之扎髮者。實告汝等。當余初次入廠偵探之時。陡見戈村人類皆作雙雲髻。余因是起疑。繼見汝等扎髮者。均爲細紗。且僅有紅藍二種。乃知廠中所失之紗。爲汝等隱繞於髻後。諒因一髻所繞有限。乃作雙髻以繞之。汝等心思誠爲巧妙。無怪檢查不能加注意也。

余既得見汝等繞髮竊紗之術。乃令人僞作販夫入村換汝等之舊紗。以爲今日之證。汝等須知竊罪至重。況人贓現獲乎。不信。汝等試解髮一觀。雙髻之後。非皆廠中之紗乎。

於是。一般非戈村之女工。揎袖掇臂。擾攘可十分鐘。咒罵涕泣。紛亂不可名狀。而扎髮。

者果皆紗也。余乃揚聲曰：衆毋譁！且聽余言。汝等之所以入廠就工者，皆爲餬口計也。試問誰無父母？誰無子女？一身十指，勤勞終日，所得之資，僅供一飽。則汝等一身固至重也。以至重之一身，爲鮮廉寡恥盜竊之事，汝等亦太不自愛矣。且余聞布廠未立之時，汝等固以舂米爲業。今者安坐而所入豐倍於前，實汝等之幸也。廠主設廠，總以顧全血本爲要事。廠能發達，則汝等工人亦可永永無既。若競以竊紗爲能事，使廠本日虧，廠本虧，則廠將閉歇。廠而閉歇，則汝等將安之乎？方今機器打米盛行，於時汝等將何從覓食乎？廠主因舂米之事不便於時，不忍汝等失業，故設布廠以濟汝等之急。以是言之，布廠實於汝等有恩也。汝等乃忘其恩而相率竊紗，果何意乎？諸女工聞余言，乃大哭不已。且有散其髮，自擊其體者。

余復曰：竊紗之事，罪誠至大，情誠可恨。姑念汝等一時愚昧，不足深責。余當勸廠主不以此事報告警署。惟汝等自此以後，須一秉至誠，無貪小利。則廠主當不加苛求也。須知廠猶人身，汝等猶手足。手足不聽其身之運用，循至飲食亦不能入口，人身將疲倦不堪，而手足亦同歸於盡。使問區區之小利，有足裨益否？是時鐘鳴九下，余退入他室。

諸女工咸唯唯入機房。自後不聞有竊紗之事。而廠亦日以發達。一日石謂余曰。余廠之有今日。君之力也。余笑曰。此生髮油之力也。

評曰。生髮油。乃偵探良具哉。然余聞竊紗者。竟有以口涎加重紗之重量。以欺人者。不知大偵探對此將用何法耶。

燥島

龍氏爲吾鄉巨族。良田數千。擁產絕厚。其先世類皆歷任首要。宦囊所積。迥非尋常紳士可望。項背。余所知者。若龍閒齋者。尤爲龍氏之翹楚。有子四人。均出膺民事。閒齋居鄉。娛老。出必八人肩輿。食必方丈肴饌。構園林。蓄姬妾。頤指氣使。鄉里爲之側目。睚眦之怨。不轉瞬而傾產矣。米粒之通。不轉瞬而破家矣。無他。勢力雄偉。來爲邑宰者。非其門生。卽其故吏。以故朝出令而夕成。暮投函而晨聽。一般劣訟。土棍吮痔。餽癰如蠅。附臚奉之。若皇帝而龍。遂不可一世矣。

無可滿運。傾頹共和。建立龍之勢。於以少衰。然而徵歌選舞。靡夜不聞。粉膩脂香。老而彌篤。八月下旬某日。余方閒坐熊游珠警長之辦事室中。熊顧余曰。君今日何閒暇。若

是哉。余曰。余豈願閒暇哉。但無事可爲耳。熊曰。安得無之言。已出函四五通。授余曰。此龍開齋送來。囑余輩偵察者也。余授而展誦之。前後四五通。類皆恫喝之詞。不外汝擁巨資。余乞借數千等語。審其筆迹。則出一手。郵局銷印。則爲十九。廿一。廿三。廿六。廿七。皆總局印也。

余讀之既畢。卽還之於熊。且曰。以余視之。不足研究其目的。不在於函中語也。熊曰。是亦有見地。然余已令李童咸偵之矣。彼云。似係北方劇盜之所爲。吾輩當以全力注意之。余搖首不置答。

熊曰。君固執己見。乃如是耶。余今且不問君之意見若何。君第爲余偵之。互有所得。則互相印證。互相輔助可矣。余曰。警長乞恕。余性誠固執。余亦自有意見。今警長不以此先示於余。又欲既示於人。而仍任之余。余恐雖偵之。亦無裨益也。熊曰。君誤會矣。此數函。余未嘗不欲先令君讀之。無如此函爲閒齋自携來者。函未達余所。閒齋已先告之童咸矣。童咸直前索余此函。余烏從匿之。余曰。然則余誠誤會矣。惟余未嘗求助於人。亦不願助人偵事。熊曰。此亦祇可聽君。設有萬難之事。君不妨助余偵之。余曰。是尙可。

暫允余遂別熊而出。臨行且乞熊以一函付余。余乃懷之而行。

途遇吾友冷生。遮道而呼曰。君速至吾家。余有所奉告也。余允之。冷生者。冷其姓。自號曰冷生。其名不可知其籍貫。不可知其家世。亦不可知自言曾隸軍籍。言語音調。似中州人。子身來吾鄉。構一宅。亦小有園亭。能詩善畫。健談嗜酒。年約四十許。力舉千斤。騰躍迅疾。居恒讀書。斗室不與社會交接。春秋佳日。則山涯湖上。均其寄跡。處風雨悶損。則蹙其雙眉。繞室而走。繼之以狂歌。繼之以痛哭。與余交最密。問之。輒不語。守屋惟一蒼頭。亦能執巨槌如莖草。每遇上元天中。中秋重陽諸令節。則張筵待客。客俱蒼髯赤面。握拳奮臂。來不知其所來。去不知其所去。酒酣耳熱。則翻桌碎器。叫囂不可止。冷生視之。了無所忤。轉以爲快也。余曾密叩之。冷生則泫然曰。是不可告君者。要而言之。余一失意人耳。故其居處若匾若額。尤足眩怪。題中門曰是非門。題書室曰愁室。題小軒曰昏軒。園有池。池中有小邱曰燥島。室有樓。樓曰恨樓。而署其大門則曰百姓家。余允冷生之招。入其愁室。冷生曰。廳中近有何事發生乎。余曰。無之。冷生曰。君欺吾哉。頃者余過龍氏門前。瞥見李童威逡巡於彼。俯首細察。見余則倏然而逝。君以爲何如。

余曰。彼殆有所銜命乎。余則無所聞。冷生曰。此余不能信。以余視之。此事殆君聞之而不願爲耳。余曰。君於何見之。冷生曰。君於無事時行路迅速。眉宇軒昂。今君自謂無事矣。何以行路之時。眉宇沉肅。右手時時撫衣襟。余估君必有不願爲之事。或身中挾有重要之件。故步履若是其濡滯也。實告君。余與君交已兩年。君有所需。余當效力。且君之職務。余固曾身任之者。所不與君早言者。一未知君之情性。一虞君之不我信耳。余曰。如是亦甚善。世俗淺陋。固無足識君者。余承不棄。乃交數年矣。今敢以余之事奉告。余遂告以顛末。并以函示之。冷生展讀之曰。此迴非刼盜之流所能爲也。余曰。此余亦已料及之矣。特未知何等人所爲也。冷生曰。君曾徧檢郵局銷印乎。余曰。余已檢之。均總局印也。冷生曰。是可知矣。大凡刼盜之流。旣爲此匿名函矣。則其投函之時。必預防人之熟識。故必今日東門投郵。明日西門投郵。又明日而南門北門。又明日而城內城外。旣達函中之目的。則彼必有所挾而使失主不敢聲張。今聞君言其投函均在總局。試問十日之間。投函至四五次之多。人烏有不識者乎。且此函固匿名函也。匿名函必不敢假手於人。不敢假手於人。則必自投之。自投至四五次而不畏人。其爲非一般。

盜賊可知。且此信箋信封及其筆迹亦極整飭。決非粗莽之夫可同日而語。余意此或與龍氏家庭間另有關係而非尋常盜賊焉。余撫掌曰。快哉。君之料事也。余得益多矣。然則李童咸之誤。將不知伊於胡底也。余遂與冷言別。而留函於冷處。

電火既明。涼雨乍歇。余入書室。執一卷書。銜一枝煙。徙倚於藤榻上。勞勞終日。惟此片時。乃爲我有風送窗帘。颯颯有聲和之者。惟壁上之鐘。錘叮嚀之音。似爲風聲之節奏。忽焉電鈴震耳。余就而聽之。則冷生也。冷生云。此函大有研究。惜祇有一函。君能并其四函取來否。余曰。且俟明日。君所云研究者。若何。冷生云。箋之角。余以水潤之。乃顯八字。曰。須有膽力。事尙可爲。余曰。然則龍之家庭必有關係也。冷生云。余固云然。今將睡矣。余置筒亦熄燈睡。一枕嘈騰。晨雞乍唱。余忽爲電鈴警醒。披衣聽之。則熊游珠也。熊云。有要事。速來。余不得已。急整衣履。齧餅乾數方。忽忽赴署。

未入熊室。卽聞室中李童咸呼曰。電碼電碼。速譯之。迨余入視。熊以一紙授余。其文曰。

22 93) 7 15. 20 15 14 97 8 200

余曰。此奇詭之文字。君於何處得之。熊曰。得之於龍閒齋之大門耳。余曰。誰發現之。熊

曰。大約爲龍之婢僕發現。龍以電話報告。余令李童咸往抄得者。余曰。龍之婢僕。乃能發現奇字。可謂奇矣。余語未畢。童咸曰。余得之矣。此七一五〇者。隴字也。二二九三者。搶字也。二〇一五者。燥字也。一四九七者。島字也。噫。燥島。燥島。非冷生家池中小邱之名乎。噫。吾知之矣。冷生平日之友朋。大半行蹤詭秘。彼殆垂涎龍之富有。而圖一搶也。隴者。龍之隱語也。安知吾輩中國福爾摩斯。亦不亞於西方名偵也。言已。大笑。

余曰。冷生。余友也。其人誠不可思議。余決其與此事無關。且彼方研究投函。別有所得。安得以此譫言傷之。李曰。君受欺矣。此種函詞。彼竟別有研究。益足徵其與此有涉。日昨余在龍氏門首。見彼行止。呈荒張色。余固知其有異也。警長速發逮捕狀。勿令彼圖逸也。余曰。君言毫無秩序。即使冷生與此有關。試問此一個括弧。與八二〇〇。將作何解。電碼中固無此字也。李曰。偵哉。君也。此卽彼眩人之技。明知電碼中無八二〇〇一字。故弄狡獪。書之於尾。使人苟譯之。見無此字。則亦已矣。余曰。然則一個括弧。又作何解。李曰。此非括弧也。乃表明初三月也。其事必發生於初三。其目的乃在一搶字。其會集地點。乃在燥島。燥島者。冷生園林中地也。孰謂非冷生主其事哉。余曰。冷生既主其

事矣。曷爲書此白粉字於龍之門而不書於冷之門？李曰：此正冷之動員令耳。君毋袒冷，捕之可耳。

熊曰：捕冷尙非其時。且俟初三。余當飭警徹夜包圍龍之宅，而不使龍知。且不許一人近龍之宅。如是，則即使盜案發生，亦易於着手矣。盜既捕，冷生不畏其遁也。李無語。余曰：冷生旣云函可研究，余意并彼四函盡付於冷，待其研究。余可乘間偵之。余爲此言，非賣余友也。余實恨李之神昏，恨熊之自信，欲藉冷之力速破此魔障，以塞李之口，脫冷之罪耳。余乃出鉛筆抄此奇詭之文，并彼四函持往冷生處。

余訪冷生，竟入其書室。冷生方伏案作書，見余至，招余坐，仍俯首構思。有頃，謂余曰：君知龍氏門首之奇字乎？余曰：余正以此問君也。君烏從知之？冷生曰：自余願任君事，遂日往偵之。今晨六時，余緩步向彼處行。時龍之大門尙乍啓，忽有一婢出外取水，及返乃注意門上，移時入門去。余趨視之，卽見此一行之奇字，出筆抄之，乃行。迨由路口轉角，瞥見此婢，又偕一婦人出觀之。余恐其見也，卽急步行歸而審之，則尤足研究矣。余曰：是誠足研究。然童咸已解釋之矣。冷生曰：彼能解釋乎？彼作何解釋耶？余曰：彼之

解釋尤奇。且與君有不利也。冷生曰：是誠奇事。君且爲我言之。余曰：彼言此爲電碼？

293爲搶字。冷生曰：誤矣。旣曰搶，則彼竟以盜案論矣。余曰：誠然。然更有奇事在彼。

言7150爲隴字。2015爲燥字。1497爲島字。冷生撫掌曰：然則余犯嫌疑

矣。余曰：然。事將奈何？冷生曰：聽之可耳。余何所畏也。事苟明白，彼亦坐誣告之罪。今茲

余已研究明晰。余與君當守暫時之秘密，以覘其變。

余曰：此秘密若何守之乎？冷生曰：今且勿言。君持四函來乎？余曰：余已攜至。卽付冷生。

冷生出小瓶一注，水於信箋無字處移時，白字盡現。冷生卽錄之如下。

第一函 須有膽力。事尙可爲。

第二函 苟不速決，後路茫茫。

第三函 兔窟已營，勿再猶豫。

第四函 函未達耶？術已忘耶？

第五函 事在眉睫，速決速決。

冷生曰：余因言此函爲龍氏家庭之關係，而非盜賊之所爲也。今觀第一函語氣，似係

敦促。第二函則出於要挾。第三函則爲之設身處地矣。第四函乃見一二三函之未有覆音。迫而爲此術者。卽指發現紙上白字之術也。大約此函雖致之閒齋。而另有第三人讀此文字。不虞事之中變。閒齋未嘗離手也。其第五函乃直接門上之奇字也。更可論者。閒齋於五函之接得。均報之警署。獨於門上之奇字。乃發現於一婢。不亦奇而又奇乎。雖然。吾於此中秘密已得之矣。今以一紙付君。君讀之。且爲余守秘密。余遂受而誦之。繼謂冷生曰。乃如是耶。冷生曰。然。明日已初三晨九時。乞過我一談。將有以告君也。余允之而別。

明日。余如期往晤冷生。冷生曰。可以行矣。余曰。行將焉往。冷曰。往警署。余曰。去將何爲。冷生曰。余非受嫌疑乎。余欲自白余冤。余非往警署不可。余曰。卽訴亦何補於事。彼童咸方眈眈注目也。冷生曰。惟其如是。余此行益不可緩。君第爲余介紹足矣。餘事吾自爲之。余不得已。乃偕入署。且爲之介紹於熊。冷生先言曰。警長乞恕冒昧。余欲自拔於罪。不得不先自首。余願警長許余之請。容余寄跡署中。以待事之變幻。熊曰。君不過文字之嫌疑耳。君雖自首。奈法律無此規定。何。冷生曰。余旣來此。苟事不白。余亦不願去。

也。熊曰：是亦甚佳。君且入彼室午餐。時余當與君共桌也。

是日已初三矣。夜十時，余往龍氏附近閒步。且欲觀熊之布置。果也。各警持槍峙立。包龍宅之四五街口。竟至斷絕交通。余欲越道而行。警士竟力阻之。且曰：警長有命。此間只許人出外。不許人入內。余不得已。乃繞道歸。路人觀此戒嚴。亦皆以爲異。聚而觀之。紛囂莫可名狀。真所謂天下本無事。庸人自擾之也。人叢中忽有呼余者。余囑之。則童咸也。興高彩烈。自語曰：明日之晨。君必來署一觀。余之手段如何。余笑應之。

次晨七時。余忽忽入署。童咸與熊均倚案而坐。呵欠頻頻。似代表其一夜未睡者。門啓處。冷生含笑入。謂余曰：如何。余曰：誠然。冷生曰：今可宣布矣。余謂熊曰：昨夜二時。二十分曾有自龍宅出外之人乎。熊曰：有之。余問彼何爲。彼曰：某姨有疾。出外延醫耳。冷生曰：余決其必爲一年在二十左右之婦人。手提一竹籃者也。熊曰：然。余曰：龍固富有者。婢僕如林。足供驅使。何以深夜延醫。乃令一年輕婦人任之。冷生曰：不特此也。深夜延醫。不過欲醫之速至耳。何以復帶此竹籃。不憚累贅乎。余曰：君撤隊時。乃在六時。曾見此婦及醫生來宅乎。熊曰：未也。余曰：然則謬矣。李曰：此事與本案無關。毋足研究也。余

曰。是。不。然。不。明。此。事。吾。友。之。嫌。疑。終。不。釋。今。請。以。吾。友。所。研。究。之。奇。字。供。警。長。觀。之。且。令。吾。友。一。伸。論。可。已。

余。乃。付。紙。於。熊。熊。置。於。案。冷。生。進。而。言。曰。李。君。凡。事。不。可。執。一。己。之。見。君。謂。此。種。奇。字。爲。電。碼。不。可。謂。非。君。之。心。思。過。人。然。余。猶。怪。君。之。自。信。太。深。幸。而。電。碼。中。僅。有。操。島。二。字。嫌。疑。及。余。若。使。電。碼。中。有。游。珠。二。字。君。將。疑。及。警。長。乎。一。言。以。蔽。之。曰。是。非。電。碼。蓋。以。數。字。代。英。文。也。

童。咸。曰。英。文。耶。冷。生。曰。君。且。聽。余。言。君。謂。此。一。個。括。弧。乃。初。三。月。之。代。表。誠。不。能。佩。君。之。富。於。美。術。思。想。茲。且。不。論。君。盍。思。此。電。碼。何。不。寫。作 7150 2015 1497 8200 四。段。反。作 7 150 20 15 14 9 7 8 200 乎。於。此。卽。知。其。非。電。碼。也。余。以。英。字。字。母。之。次。序。代。之。果。得。英。文 Go to night 一。語。譯。言。今。夜。行。也。余。以。是。而。知。括。弧。之。上。決。非。英。字。蓋。以。次。序。論。之。22 爲。V。而 33 將。作。何。字。乎。卽。彼。語。尾。之 200 亦。爲 20 之。變。體。彼。誠。與。童。咸。君。表。同。情。欲。湊。足。十。六。碼。欺。人。爲。電。碼。也。且。彼 7150 乃。作 7150 此。0 字。與 0 字。有。別。簡。言。之。蓋 7 與 15 也。7 與 15 非 G 與 0 乎。君。抄。錄。

時誤以〇爲〇。故不可解也。彼以〇爲點。而君未之知耳。童咸曰。括弧內之字。究如何。冷生曰。此²²₉₃寫作兩段。蓋言九月初三二時二十分也。恐讀者之連誦不可解。故以括弧斷之耳。

童咸曰。子誠細心矣。不知前之五函。有無關係否。冷生曰。余有研究函中密語。抄出之紙。君請視之。可了然矣。李視之不語。警長拍案曰。吾知之矣。蓋逃妾也。余未及語。電鈴大震。就而聽之。既竟。返身曰。閒齋囑我將五函還彼。不必研究矣。

其明日。李童咸辭職代之者。誰冷生也。

評曰。閒齋一養尊處優。聲色貨利之徒耳。不足責也。悖入悖出。本理之常。富貴者閱此。當知所戒矣。彼自命大偵探之李童咸。作者將其種種醜態。曲意寫出。讀之真可發噱。

文明結婚

結婚。無所爲野蠻也。亦無所爲文明也。晚近婚嫁。多襲取西土之皮毛。美其名曰文明結婚。其初不過憾世俗之結婚種種繁瀆。欲求其省儉而行此半西俗之結婚禮。嗣則

日事研究。爭相踵華。於是此文明結婚四字。遂爲俗尙所必須矣。

其最可笑者。此文明結婚四字。既風行於世。樂爲之者。類皆新進少年。若夫老師宿儒。老嫗耄嫗。聞此四字。咸相顧駭詫。而絕對不肯贊同。其尤反對者。則一般六局四項。與夫從役。既無些微之利益。又不能廁列其間。以圖一飽。於是創爲兼收並蓄之舉。以爲補救。彼新郎新婦之儀從。有可觀已。先之以國旗。繼之以秀才迎入學之五色綵旗。隨以軍樂一隊。紅黑帽一隊。軍隊一隊。鼓手一隊。軍裝之頂馬。清道旗。鑼。然後花轎殿之。此新舊合璧之大略也。

結婚既用所爲文明矣。禮成告退。復入後堂。參天拜地。送入洞房。畫燭雙輝。笙管洋洋。此又一夫一婦一日之內。一時之間。文明結婚。野蠻結婚。同時並舉之怪現狀也。

至於結婚時之文明。尤達乎極點。余今不暇先述。余第敘余友結婚之駭詫事。民國二年冬十月某日。余友何公懷。畢業於海上某講習所。一紙證書。握於手中。歸乃遍發白柬。招親戚朋友。柬上之字。卽文明結婚觀禮券也。當此之時。邑中維新之子。開通之女。行此文明結婚者。已不下十餘輩。無何婚期至矣。余尤爲其證婚。依時而至。至則文明。

氣象煥然一新矣。

大廳之前後左右。遍懸五色國旗。前檐更架彩棚一座。以五色電燈綴之。場之東爲軍樂臺。場之西爲音樂亭。廳之中。以木板架一臺。約三尺高。臺上一案。案鋪紅錦。雜置鮮花球百餘枚。并雜色之錦條。如燕尾。如桃符。蓋以分綴職員胸前者。而此結婚證書。亦置於此案也。

案之兩旁。及其上端。亦以五色布扎成一亭。上以電燈綴禮堂二字。廳之東。男賓雜坐。約三四十人。口啣紙煙。蓬蓬上升。與燈光籠罩如幃。廳之西。女賓雜坐。亦四五十人。胸各懸珠球。手腕之上。更御約指。及金釧。雲髻之上。一望雪白。間有金黃之色。與珠光融治。一氣。廳中鋪厚呢毯。更置兩風琴。男女相去之地。位不過兩風琴爲之間耳。然而目光接觸。欬吐遙聞。幾幾乎。居西土文明之上。若是言之。中國文明固如是其文明也。殆夫彩輿臨門。中西音樂並奏。萬頭攢動之中。新郎着大禮服。革靴。褰囊而來。新娘着紅錦衣。首覆白紗帘。目非近視。偏帶青玻璃鏡。冉冉而至。贊禮未及啓齒。此百餘之男女賓。無大。無小。無疏。無親。不約而同。齊向其所坐之。或椅。或机。一躍而上。陡幻長人。宛

若羣峯矗立。歡呼叫笑之聲。破口而出。轉覺軍樂臺上大鼓之逢逢喇叭之鳴鳴。不能敵其聲浪也。

歷四五分鐘。糾儀者。弊其唇。破其喉。譁噪聲。乃稍稍止。贊禮者。兩目注紅紙摺。按句呼之。若交換信物。若宣讀證書。若蓋印。若簪花。應有盡有。忽聞砉然一聲。衆俱駭顧。而余所立之高臺。亦因之特別震動。移時方知男賓席中一人。由椅顛下。幸未受傷。須臾禮成。兩新人轉入後堂。行所爲野蠻結婚禮矣。而此禮堂之上。更無秩序之可言。人由高處躍下之時。翻椅壓脛。傷睛觸額。如蟻盤如蜂衙。爭相奪門而入。余於斯時。撒身入他室。而受享清新之空氣矣。

無何。野蠻結婚之禮成矣。新郎出謝諸客。男女賓亦有於此時續續辭去者。鐘鳴十下。後堂開筵。將宴新娘。惟陪新娘而旁坐之四人。須預選未出嫁之女子。而行輩尤須小於新娘者。公懷之母。於此事早有預備。正料理間。忽有一女。遍覓不得。蓋桑姓女也。繼由衆僕尋覓。乃得諸書房之中。電話之旁。兩目垂淚。啜泣不語。爭詢之。則曰。覓其母不得耳。頃以電話詢之。亦云未歸。吾母果何往哉。衆聞其言。大駭。相率携之入內。命僕婦

等。統。一。宅。之。中。前。後。覓。之。終。不。得。無。何。而。新。舅。至。矣。新。舅。者。新。娘。之。兄。弟。行。也。

殆。夫。新。舅。既。至。一。般。男。僕。大。事。奔。走。前。此。禮。堂。之。上。若。几。椅。若。高。臺。須。全。後。拆。除。方。可。開。筵。宴。新。舅。不。意。木。板。甫。掀。赫。然。有。一。盛。裝。婦。人。伏。臥。於。下。衆。僕。大。呼。叫。客。亦。爭。趨。視。內。堂。諸。女。客。亦。聞。警。出。觀。忽。一。女。郎。趨。扶。之。曰。是。吾。母。也。乃。在。木。板。下。耶。此。婦。經。人。扶。起。面。目。黧。黑。髮。盡。散。氣。息。極。微。目。亦。呆。定。余。呼。曰。此。中。毒。也。速。以。冷。水。噴。之。衆。如。法。乃。醒。爭。問。之。則。曰。當。男。座。驟。發。巨。聲。時。余。覺。有。一。人。在。余。身。後。以。手。巾。撲。余。鼻。余。嗅。其。味。乃。冥。然。無。覺。不。知。何。以。伏。此。板。下。也。噫。余。之。手。釧。余。之。珠。花。珠。帽。乃。何。往。哉。

是。時。衆。口。紛。呶。不。可。嚮。邇。余。急。呼。曰。遇。竊。耳。且。入。內。靜。養。余。當。偵。之。公。懷。亦。以。爲。然。乃。令。諸。僕。姑。從。事。開。筵。使。余。得。徐。徐。研。究。之。余。曰。然。返。身。欲。行。瞥。見。地。上。有。小。磁。瓶。一。枚。余。俯。身。拾。之。人。亦。未。知。余。爲。何。事。也。

余。乃。撒。身。往。覓。一。較。靜。之。地。以。左。手。食。指。緊。按。左。鼻。孔。而。以。右。手。出。所。拾。之。小。瓶。去。且。塞。近。右。鼻。孔。稍。嗅。之。果。也。濁。氣。直。由。鼻。孔。上。腦。際。令。人。昏。眩。余。急。撒。瓶。去。左。手。吸。空。氣。乃。覺。稍。清。余。恍。於。瓶。中。所。貯。之。末。藥。爲。一。種。猛。烈。之。迷。藥。逆。計。此。種。妄。徒。於。大。庭。廣。衆。

之中。敢一試其手段。其人衣服必華而且麗。方可混入客席。卽彼男賓之由椅墮下。恐亦其同黨約而爲之者。余正冥想。忽有人拍余肩曰。入席矣。余回顧。則公懷也。

余當此回顧之際。見彼書室之南。有假山一座。山之後。乃有一人。翩然而過。余行踟蹰。公懷曰。入席矣。君請速行。余曰。客盡在外廳乎。公懷曰。然。余曰。余適腹痛。欲於此間少息。君且治事。毋與余客套也。公懷允之。乃先出。

余旣託故誑公懷外出。乃躡足竟向假山附近覘之。瞥見一人。兩手抱樹。揉升而上。口微噓氣作聲。牆外亦有噓氣應之者。樹巔之人。乃出一小包。拋出牆外。旣畢。卽援樹而下。方轉身。余驟按其肩。彼出不意。倒身下伏。余突從其後。力梏其兩手。且謂之曰。汝何人所拋何物。彼曰。余客也。所拋者。喜果耳。余曰。此譌言也。客方入席。汝乃在樹巔飲酒耶。所拋者果何物。汝速言之。否則於汝不利。其人曰。所拋者。果爲何物。余實不知。余第受人之託耳。余曰。汝受何人之託。其人曰。卽牆外受物之人也。余曰。汝果何姓何名。其人曰。余馬四也。曾學銅匠。今失業矣。午間。在途遇朱桂。彼令我同入此間。結婚時。彼授吾一包。囑吾於天黑時。拋於牆外。吾依其言行之。實未知包中有何物也。

余曰：朱桂現住何處？馬曰：吾亦不知。惟今日見其在陸家巷李姓屋內走出耳。吾固不知其所得何物也。吾固無罪也。余曰：汝且止於此。苟稍動，余必有以苦汝。馬唯唯。余乃出覓一僕，囑彼監之。余則以電話達警署。須臾，兩警來押馬去。余乃入席暢飲，便中更與公懷耳語，并乞其轉告桑婦。明日勿偵求。余得之尙易也。

酒筵將半，余見一警便服自外來，掠余身後而過，密以一紙遞余。余暗示之。其詞曰：李姓爲鬪蟋蟀之地，確有朱桂其人。君速來署。余出鉛筆劃卽來兩字，僞起他望。與前來之警復返身略食饌品。乘主人之不見，翩然而出。逕赴署中。警長江夏瓊顧余而笑，且言曰：君請一日假，自以爲消閑矣。不虞案之卽出於足下也。余訝曰：君疑余耶？怪哉！江曰：非也。足下者，足之下也。余曰：余亦知之。惟君知朱桂果何種人物？江曰：曾業銀肆，半途輟學，遂流蕩不可救。一年前忽不知所往。頃方初歸也。余曰：殆學成矣。江曰：所學何事？余出小瓶示之，并告以故。江曰：進步何如是之速哉？君於何處得之？余曰：余雖不能以此物決爲朱所有，然聆桑婦之言，似非余之臆斷。大約朱於匆促中失此瓶耳。所惜余未識朱桂之面貌，雖知其地址，余不能冒昧從事。江曰：余固識之。今茲且研究此藥。

物之用法。余曰甚善。卽以其人之藥。還捕其人之身。此易事也。略操藥於巾之中央。諦視既眞。直拂其面可耳。江如余言。余亦按法置之。而懷其瓶。鐘鳴十下。余與江率警四人。往陸家巷。

迨至李姓門首。已見諸人續續出。江瞥見一人。身細小。躍步上前。將執之。其人返身走入門。各警高呼。衆俱驚散。余亦入其門。見其人已倒地。江曰。得之矣。速押之歸。言已出。巾拂其額汗。孰意巾甫着面。江亦砰然一聲。應手倒下。余急扶之起。目定神昏。一如文明結婚木板下之桑婦。蓋忽遽中以有藥之巾拂面而中毒也。

事出倉卒。余又覓冷水不得。一警曰。僕有冲天散在此。不知可解否。余曰。姑試之。藥入鼻。噴嚏隨出。神氣卽清。惟乏力耳。乃命兩警扶之歸署。明晨鐘鳴七下。江如例訊所獲之賊。賊神志已清。亦冲天散之力也。江問之曰。汝爲朱桂乎。曰。誠然。不識何罪。乃捕我至此。江曰。汝向爲何業。對曰。向爲喜慶婚喪之紳宦家臨時雇用。昨在殷姓作工。殷姓卽與何公懷先生文明結婚者。僕本愛蟋蟀。昨略得工資。故入局耳。江曰。汝以何時至殷宅。對曰。以上午七時入。以下午八時出。未嘗稍離。江曰。曾至何宅否。對曰。僕承值內。

書房一步不曾離。不信。可以電話問之。

江令之退。乃以電話問殷姓。果然。余曰。且問其朱字如何寫法。江曰。何故。余曰。朱桂素行。既不端。決不至能爲人值書房。江曰。姑試之。再問。江應之。復曰。桂字如何寫。江又應之。投簡頓足曰。謬矣。乃言者諸富貴之貴也。今誤捕矣。奈何。余曰。是亦不難。不如直告之。有人用其嫌姓嫌名。竊取貴品。將嫁其禍。今釋汝。汝速自偵。以昭汝罪。江頷曰。善。遂依余言釋諸貴。

余謂諸貴曰。汝且外出。稍食息。以下午一時來署。余當有以命汝也。諸曰。諾。遂出。江曰。事已至此。將若之何。余曰。幸有一線光明在。余尙有所爲也。江曰。不如提馬四而讞之。余曰。不可。馬四之被捕。外間尙未有知者。若提署訊問。路人皆矚目矣。其黨必因之驚散。余意不如往押所一詢之。江曰。若是則余且往。君於何時來署。余曰。一時可耳。否則當以電話達君也。江曰。君之所謂一線光明者。果何指歟。余曰。無他。卽此小瓶耳。江曰。小瓶乃足研究乎。余曰。然。此種小磁瓶。爲藥肆中通用之物。自余與君視之。固無所辨認。然苟視之藥肆之夥。彼必有一種習慣之特別記認。余視此瓶之瓶塞。尙新。必購之。

未久購之。未久則瓶塞之記認必便利。余將乘此閒暇。往藥肆中一偵之。君以爲如何。江曰。是亦聽君之便耳。

余遂別江。竟往藥肆偵之。歷經至第五家。肆名六如者。肆主與余本相識。謂余曰。此瓶有何關係乎。乃勞君之研究乎。余曰。然。此種小瓶。君能識別爲何家之物乎。店主曰。此瓶各家通用。余無此眼力。足以辨別也。余聞此言。嗒焉喪失。既謂之曰。君能辨此瓶中之藥爲何物乎。乃以藥末稍操於桌。且戒之曰。君勿輕視此藥。嗅之能令人昏眩。店主曰。昏眩乎。藥雖不知何品。余肆中今固有此品也。余笑曰。君不知藥之品。何從合此藥。店主曰。頃有一人持一種粗藥末來肆。囑余研細貯瓶。堅囑勿嗅入鼻。嗅則昏眩。余問彼何用。彼云。外科割症之所需。余曰。君曾試嗅之否。店主曰。是烏敢嗅。今藥已研竣貯瓶矣。余曰。且付余觀之。可比較也。店主出瓶及藥。與余前出之藥比較。色澤如一。余曰。君識其人否。店主曰。不識其人。其人有何關係乎。余曰。盜也。賊也。昨已犯巨案矣。店主曰。乃如是耶。君殆將偵緝之乎。余曰。然。店主曰。來矣。余回首見一人。身長腰細。年約三十許。余曰。君付藥時。試一問其姓名。言已。卽出藥肆。其人則縱步而入矣。

余清肆門見諸貴方從彼處來。余揮手招之。諸近余身。余告以故。諸視之。亦不識。余聞店主問之曰。君何姓乎。其人曰。余姓朱。諸謂余曰。朱也。眞犯矣。語未畢。朱已出。余兩人遠隨之。行行重行行。乃入一茶樓。余與諸亦上樓。噉茗。與朱僅隔一桌。朱同座更有甲乙兩人。甲曰。如何。朱曰。已準備矣。乙曰。君今將何往。朱曰。余將往南城。外約半時。必再至此處。君等務待我來。方可同行。甲曰。余將覓彼處較靜之座。朱曰。可。遂下樓。余囑諸出茶樓。呼一崗警來。警至。余立甲之身後。攫之。直提至警旁。蹴翻之。警竭力格其手。乙不知何事。上前勸阻。余亦捕而格之。囑諸守此樓。俟朱來。卽追蹤勿失。

余與警押此二人入署。江正俯案讀一紙。蓋桑姓之失單也。綜其值約二萬金。余曰。君往詢馬四如何。江曰。無效。直與昨夜之語無一異也。余曰。余今又得兩人矣。江喜曰。如是甚善。乃正犯耶。余曰。正犯今方出城。移時當可得。君速訊之。

江乃如例訊問。甲曰。方九。乙曰。季松。方曰。余業成衣。與朱桂本相識。彼於今晚將往申。余故與之茶敘。季曰。余有事託朱。在申購物。故與之同坐耳。余謂方曰。然則汝云如何者何事。方曰。彼向他友措資。吾問之。彼故云已準備。余曰。朱桂今何往乎。季曰。殆購票。

耳。江乃命警押之。江曰：君視此二人爲如何？余曰：眉宇晦黑，目露凶鋒，必非善類。忽聞電鈴振振有聲，余急聽之，則諸也。諸云：朱已至……其下已不可辨。余意諸必急不可待，故語氣不完。然諸果在何處耶？余乃搖鈴詢電話局。此電何自來？則以已忘對。余無如之何。返身坐，須臾押方季兩人之警歸矣。警謂江曰：奉命押方九季松入所，路過陸家巷西口五十九號，彼二人各仰首大嗽樓上，亦有微嗽聲。余曰：汝知陸家巷李姓，距此五十九號幾許乎？警曰：李姓在東口，距此甚遠。余曰：知之矣。汝且退。

江曰：君對於此事將若何？余曰：五十九號必彼輩之巢穴。余意速往偵。君速準備。俟余以電話招君，君即依余言行事。江曰：諾。余遂挾槍實彈，忽忽行。出署數武，忽遇一人，則董瑤清也。董爲押所之駐守員。彼方將入酒肆沽飲。余曰：君何閒暇耶？所中有可恃之人否？董曰：君行君事可耳。余自問經驗固優於君也。余知此人性極驕傲，遂不與之語。竟赴陸家巷附近以公共電話，囑申輪可緩開一時。孰意天助余輩，輪機毀損。今日將不及啟輪。余大喜，返身向東行。將近五十九號，見諸貴立於彼處，與一小販閒話。見余至，則低語曰：朱在後樓。樓上有七人。余曰：汝速往巷口，以電話告警長。率警來此間。聞

余警笛則破門衝入可矣諸乃別余去

余乃叩門。有應者。門啓。不作一語。導余登樓。樓中闕無一人。導者曰。君欲訪余主人乎。余曰。然。導者曰。君新來乎。余曰。然。導者曰。主人方治事。請待片刻。余允之。

余今以此間時。且一敘江夏瓊警長。江自余行後。即準備十警待發。忽有押所之警一人。忽忽來告警長曰。奉命將方季兩人提署審訊。何久久不歸。故來此一詢。江駭曰。余未嘗提訊此兩人也。警曰。向例奉命提訊人犯。必俟駐守員蓋印後。方爲有效。今此提犯之票。董固蓋有印章也。江曰。若是則受欺矣。余何嘗提訊哉。汝見董瑤清乎。警曰。駐守員今方他出。江曰。彼出外時。曾扃其辦事室否。警曰。未也。彼固有僕在內也。江曰。汝且往覓董瑤清。勿告以此事。令之來署。若余他出。囑彼待之可耳。江乃以電話囑所中他警。扃董之辦事室。并押其僕至署。江語畢。置聽筒。鈴又振。就聽之。則諸貴也。江乃率警懷槍。逕赴陸家巷。以五人抄入後街嚴守之。

是時。余已闔守半句鐘矣。室內除桌椅外。了無長物。余乃出有藥之巾。俟諸門後。須臾。導者入。曰。主人來矣。余領首。且揮之曰。汝且退。履聲軋軋。朱昂首入。余陡以巾撲其面。

朱側身倒。余立扶之。不使有聲。出械梏其手與足。置之壁隅。余轉身啓前窗。招手令江入。江乃率警叩門。門啓。卽聞呼聲。其人蓋已被捕矣。

江率五警入後樓。諸惡徒被捕者三人。餘由後門出。亦被捕得二人。由警陸續拘入廳中。江聲蹙謂余曰。君知方季已逸乎。余詢之。江告以故。余曰。董固在酒肆中也。江曰。可恨哉。余曰。朱已被捕。可無恨矣。乃命二警扶朱出。以冷水噴之。別以警五人。前後狂搜。孰知樓上下。除桌椅廚竈外。固無他物也。

時朱已清醒。見狀乃不語。余搜其身。得一槍。并藥一小瓶。江曰。方季二人。汝以何術劫去。朱曰。第問董瑤清可耳。巨價之珠。釧固在屋中也。江乃命警押此七人入署。余與江及兩警。竟往酒肆中。乃見方季正在沽飲。余卽以藥巾撲之。命警押之行。更與江入押所。破辦事室門。於牀後得一小包。中卽所失物也。江與余持包歸署。提此九人。并前獲之馮四分。訊之。乃知朱桂爲實行者。主持則董瑤清也。餘人皆其黨耳。僞提方季。亦董之謀。彼蓋不虞余輩偵查之迅速。更不虞值得五十九號之巢穴也。案旣明晰。賊由事主領去。重賞諸貴。置諸人如法。而董則逃匿無蹤。或曰。江固知之。礙於薦者之顏面。

故繼之耳。越日，文明結婚之何公懷復治筵招余及江，以酬余輩之勞。

評曰：邇來俗尚奢靡，一般出風頭婦女，恆以眩其所有爲得計，而況男女雜坐一堂，謔浪笑傲，如文明結婚之禮堂哉？吾故曰：世界愈文明，禮教大防愈不文明，是篇所述，猶其淺焉者也。若董瑤清以駐守員而通匪劫物，警長竟礙於薦者之顏面，故縱去，則中華民國之警察，內容誠有不堪言矣。

火柴

醫生而懸銅牌者，春申江上數數見之，無足怪也。若在褊小之城鄉市之區，則未嘗見也。余居家之後巷，有所爲東巷者，巷中醫生不下七八輩，類皆各立門戶，風行一時，就中實有學問以濟世爲懷者，固不乏其人，而徒負盛名，務以眩惑爲主者，亦大有人也。某年春，一家醫生忽有一滿圓之銅牌懸出，其文曰 DOCTOR F. Y. R. 一時鄰里爭觀，羣以爲異，而莫知其詞之云何。有識者譯其文曰 DOCTOR 者，醫生也。F. Y. R. 者，章雄倫之短寫也。於是章先生與銅牌之名，忽焉大著。同巷諸醫生雖亦有非笑之者，無如門上一紙冷金箋，迴不若此銅牌之輝煌奪目，令人過此銅牌一接。

其眼。簾有病者。無論已。即無病者。亦莫不願入門。而一思診治也。

章之魔力。既如其大矣。彼又飾爲種種款客之法。於是方桌。則紫檀也。几椅。則花梨也。湯盤。孔鼎。位置東西。書畫碑銘。羅列牆壁。左則男診室。右則女診室。庭前排列名卉。檐下分排湘簾。登其堂者。但覺清芬四襲。爽氣撲人。每一星期。則折柬邀邑之巨紳豪商。開筵品酒。又或乘診治之時。備留聲機。以悅病者之耳。夕陽初下。則與二三知己。品竹彈絲。調遏行雲。路人咸駐足而聽。

且也。章之診金。又特異也。無論門診。出診。清晨半夜。苟有求治。酬不問多寡。悉却之。問之。則曰。吾以濟人也。非銜術也。惟其與金則較之。通常醫生。增加四五倍。

至若閒暇之時。又必乘其肩輿。招搖過市。一般倚櫃之商人。咸指之曰。章先生過矣。章聞之。喜悅無量。默識之。吾奇技於此售矣。電火初明。天猶未冥。則更以巨燭燃燈。乘輿復過市。然後入酒肆沽酒。既醺乃歸。

章有妻李氏。梅村人也。生二子。能權子母。蓋章氏自此漸贏矣。章有姊。嫁而寡。恆居章家。主持門戶。外則有李氏之姪。李小方。應接病客。兼理掛號諸事。或往來之電話。蓋章

已置電話及電燈也。

三月某日清明。余在北郭謁祖塋。歸途乃遇章。及其妻子。問之則曰。將往梅村。羈留尙有四五日也。越六日。余眠未醒。忽爲電鈴聲驚覺。持筒聽之。則章雄倫也。第聞其言曰。君速來。余家失竊。其下乃不辨何語。想其急遽萬狀也。

余本不願身任其勞。徒以章爲余近鄰。今承其信。余而招余。在理余不得辭。至今思之。余深悔此行也。使余偵之而無所得。則已矣。偵之而有所得。則亦已矣。偵之而案不能破。冤不能伸。正犯不能逮。余偵之余深悔之焉。

既入章之門首。迎余者李小方也。肅余坐。探囊出紙煙并出光華火柴。授余。余劃火而吸之。有頃。章出矣。謂余曰。僕真不幸。乃被巨竊。君速爲我偵之。余尙當信任君。而惟命是聽。余問之曰。君於清明日攜眷下梅村。家中留守者何人。章曰。外則有李小方。內則家姊及廚夫王三。新雇陸媼。外此無他人也。余曰。茲數人者。宿於何處。章曰。李小方住廳之左室樓上。余內屋共五間兩廂。家姊宿於右內室。傭婦本宿西廂。以乏人。乃移住右外室。王三本宿於大門內。前夜囑在內屋中間設榻也。余曰。君言語乃極有次序。足

見名醫態度之不同也。

章曰：君言詼諧，君有所詢否？余曰：余烏得無所詢？余意君夫婦當住內屋左室矣。章曰：誠然。余夫婦住於外左室，兩子住右外室，即今陸媼暫住之室也。失物之處，即左內室。余曰：所失何物？章曰：余有細帳在此。君且視之。余曰：君開單何迅速？余意君或預書者。章曰：然。幸君視之，而守秘密。余聞此言，頗疑慮。意章所失者，爲違禁物耶？展而視之，則駭詫不置。蓋此失單，非失單也。乃章之帳簿也。所載均爲某年月日，由某某交來利息若干，估價若干，何年月日取贖，儼然一押店帳冊。要而言之，章直一重利盤剝之徒耳。至其羅列之品物，尤爲奇絕。若曰：大珠花幾朵，若曰：小鑽花幾朵，若曰：金釧金環，金戒金鏈若干，若曰：屋契田契幾張。統計數量，要在三萬金以上。余約略視之，則問之曰：盡失耶？章曰：所失不過十分之一。余用筆點出矣。君盍視之。余乃重檢視，忽一老婦在屏後轉出，呼曰：弟且來。章乃舍余而入。余知此婦即章之姊也。須臾又有聲發自屏後，則呼小方也。於是小方亦入。余獨坐中庭，無意間，忽聞啼哭聲，怒詈聲，繼又截然止。余正凝佇，而章出矣。招余曰：君且入內一偵。余隨之入其內屋，即

詢之曰。君下梅村。曾扃門否。章曰。余且加鎖焉。賊固撥門而入。故鎖未嘗毀。損耳。余頷之。隨之入左外室。室內佈置極精麗。上懸電燈。燭光竟達一百枝。鋪地以厚毯。履之無聲。繼入內室。則繞壁均衣笥。北窗一木櫃。卽失物之櫃也。

余阻之曰。君且止步。人多則足印亂矣。今晨幸有小雨。故君夫婦之足印。余尙能辨之。君若再入行之。則余無能爲矣。章唯唯。余遂徑入。至木櫃前。啓蓋視之。則皆布疋之類。小皮囊一中。已空空。餘則了無所異。顧室雖前後有窗。而南北有牆。於此燃燈。外室及中庭均不能見於此。而知賊竊物時。固從容有豫也。所可怪者。撥門時。廚夫何一無聞耶。

余至此。乃檢視地板。則有燃餘之火。柴三四十枚。余遂逐一檢起。夾於手冊中。中心頗快。卽返身出。殆及中間。而哭聲又縱矣。章妻聞聲。急入西廂。章則眉緊蹙。而不語。促余外行。余故不之理。會細細察其室。余故作驚訝曰。異哉。賊豈由彼處入耶。言未已。卽走入西廂。章攔阻不及。頓足。不出一語。

余旣入西廂。中眞令余腦海如狂。咋舌。不敢聲。但見一男子。手足攢縛。如豕。弔於梁間。

一媼則反兩臂牢縛於柱。面部青腫。如生荔。余問曰。此胡爲者。章曰。兩人者賊耳。此媼本新來。今晨忽言辭去。余疑而掌責之。彼竟肆罵。故縛之。此人卽廚子王三也。用之多年。乃漫不關心。任賊入吾屋。吾故呼之曰賊也。章妻曰王三。作賊。吾不敢斷吾意。且放下。彼固不能遁也。章曰。不可。姑令之受罪。章妻曰。旣不能斷爲賊。罪烏可令之受。言畢。卽解繩縱之。下章瞪目無語。

是時小方忽呼曰。警長來勘矣。余急走出。警長已見余。卽曰。君亦在此耶。余曰。余來已久。下午一時當造訪。今且別。警長曰。諾。謹候台從。余遂行。

彼警長之如例勘驗。拘人。審訊。種種文章。余不問也。余歸。晨餐旣竟。卽研究此火柴。量其分寸。審其長短。視其焦灼。黏之於紙。列爲一表。鐘鳴一下。余挾之赴警署。

警長面色微愠。問余曰。吾不圖君之願偵此案也。余曰。聆君言。似有不豫者。果何爲耶。警長曰。烏得不悲。事變至此。法律無所用矣。余方審訊未畢。而章已具稟法庭。今已全案移去矣。余曰。奈正犯未得何。警長曰。余烏知之。余與君固無裁判權也。余曰。否。法律上之裁判。余固無之。若精神上之裁判。余固有此能力也。警長曰。何爲精神上之裁判。

余曰。今且勿論。君知王三陸媼冤否。警長曰。陸媼或冤。若王三。乃在可疑之列。余曰。君所謂可疑。得勿因其宿於中間。而不聞撥門聲耶。警長曰。然。余曰。此可疑之點。雖案中。所應有。然不能以此定王三之罪。且王三之罪。有甚於竊物者。第與此案無關耳。

警長聞余言。茫然不知所措。余遂以所偵所見者告之。警長曰。若是則章一野蠻人耳。彼王三必確知竊者。而不能言明。余曰。余亦以爲然也。警長曰。然則正犯何人耶。余曰。余已知之。第不能捕耳。警長曰。捕則如何。余曰。捕則章妻當憤死。王三或發狂。章則名譽墮落矣。余安忍哉。余故曰。當令正犯受精神之裁判。而隱消其案。此非法律之法律也。警長曰。是必與承審者一言之。余曰。然。今請視余研究者。余卽以所列之表。奉之警長。展而示之。

火柴有紅黑兩種。今就黑色者言之。

A 完全之火柴。自首至末。連藥約長密達五寸二分。

B 此爲忽促劃斷者。其斷處約二寸六分。藥未開裂。卽棄之。劃火有三種。一爲直擦。一爲橫擦。一爲斜擦。直擦爲普通者。橫擦則用於受潮之火柴。斜擦

則一種謹慎修潔之人方遇之。

C 此亦有二種。凡藥鬆散者。爲受潮之火柴。藥分裂而未燃者。則匆促之證也。此亦有二種。藥已全去。而枝上無焦黑者。則受潮也。若無藥而焦黑。亦匆促不燃所棄。其長短亦約爲五寸一分。

E 此種爲最普通者。其長爲四寸。已燃去一寸二分。吾人燃燈吸煙。苟供一人之需。其燃去者。必不逾此數。

F 此種長僅一寸四分。確爲以火柴代燈之證。其梗燃去竟達三寸八分。歷時可至二十四五秒。吾人尋常用火柴。必無如是用法者。

G 此種長短不一。然有半面黑。半面白者。乃以兩枝或三枝。同時共劃以取光者。

警長曰。君真細心哉。余願一聆君之解識。余曰。余於章內室木櫃旁。拾得此火柴。不下三四十枝。歸而檢視。以F一種爲最多。B種僅二三枝。C種一枝。D種十餘枝。G種五六枝。A種一枝。E種竟無有。且此火柴。均棄於櫃之右。想見俯身覓物。隨手劃火。隨棄。

去之也。

警長曰。僕聞命矣。賊入室乃無聲乎。余曰。烏得無聲。警長曰。有聲。王三何不聞耶。余曰。王三烏得不聞。警長曰。王三聞之矣。何不呼之。余曰。烏敢呼。警長曰。是何故歟。余曰。余敢告君。章雄倫受制於其妻。章妻受制於王三。王三則受制於行竊者。使王三而呼阻也。則行竊者必有所表於雄倫。雄倫而竟以行竊者付法庭。則章妻必有所不利於雄倫。余聞雄倫有兄數年之前。猝死於舟。而雄倫襲其產。其秘密之事。惟章妻知之。而章妻之新秘密。惟行竊者知之。行竊者王三知之。雄倫亦知之。互相箝制。不得一發。章故以行竊之罪加之王三。且以洩其憤。猶恐人之議己也。故益以陸媼此種鄉曲老嫗淫威所及何事。不從何言。不出余故曰。欲加行竊者以法律裁判難矣。

警長愀然曰。余不圖人心道德。乃墮落至是也。特不知行竊者果何人乎。余曰。實告君。非行竊也。警長曰。然則無所爲賊。無所謂竊案也。余曰。誠然。實告君。君等入內勘驗時。余固未行也。蓋余已值得所失之物。固有人竇而藏之也。警長曰。是何人歟。是何意歟。余曰。何人且勿論。至云何意。則余所謂箝制也。彼知是種物。皆雄倫重利盤剝之品。取

而匿之雄倫必不安。彼或另有所圖。或真爲章妻之舉動不平於心。故作此事。而使雄倫究治王三。要之此皆題外之事。余且不必論。最要者先得此匿物之人。使受精神之裁判。俾將所匿之物披露。庶王三陸嫗得免受冤。而一般貧困押款之人。亦得相機取贖也。余意如此。警長以爲然否。彼雄倫家庭之歷史。余不願言也。

警長曰。此匿物之人。吾知之矣。殆李小方也。余曰。明鑒哉。君言實獲我心也。余首遇之人。卽小方。彼探囊出紙煙火柴。與我而桌上。固有紅色火柴也。彼乃不之取。可知彼心胸中時時存有火柴在身。四字而無意中發露耳。警長曰。然則若何可使之來。余曰。此可出之遊戲矣。君且勿問。第令雄倫家附近之崗警。注意章之門前。有街頭口角者。拘之入署可也。警長領首曰。余知之矣。

夕陽將下。飛鳥陣陣。集樹巔。東巷有一人。年約四十許。手持畫眉籠。于于而來。殆至章雄倫門首。則仰其銅牌曰。此章醫生也。噫。余識英文矣。惟時階上立一少年。忽焉鳥籠墮地。年長者身仆。少年被壓於下。相將起立。互詈不休。崗警聞聲。立至。詢之年長者曰。余視銅牌。目光爲其所射。眩而側身仆。初非有意也。少年自承爲李小方。指此人有盡

使之傾倒。警曰：然則皆隨余入署。李不肯。警曰：使彼而曲也，則君不能不一證。李然之。遂入警署。警長在室中，見此二人，年長者自認過，願具結取保。李乃無言。警長曰：君勞矣。姑略坐。李允之。警長乃以紙煙授李。李探囊出火柴，燃之。警長口中亦嚼捲煙，若將覓火者。李卽以火柴授之。警長稱謝，旣燃煙，則曰：此光華火柴也。君真愛國哉。

余是時由室內走出，大聲曰：君愛國，乃不愛家耶？李返顧曰：君亦在此耶？余曰：在此。候君久矣。余問君：王三陸媼冤否？李囁嚅曰：陸媼冤。王三余不知。余曰：君何以知陸媼冤？李曰：彼住在右室中也。且新來，烏知櫃中物耶？余曰：然則君與王三固非新來者也。固知物在櫃中，固知櫃中有物也。李曰：物爲余姑所有，余烏得不知？余曰：惟其知之，故君有權代儲也。李面赤曰：君言吾不解。余曰：君之心甚熱，余誠佩君代儲兩字。余特爲君創出實爲君日後之計也。且爲君一洩其忿也。今忿洩矣，君亦可以已矣。李吁氣不語。余乃以火柴之研究表示之。且曰：此皆櫃旁之火柴也。亦卽君夾袋中物也。君以爲秘密矣。自余視之，不值一笑。所可惜者，君一片熱誠而終以竊賊兩字加之。己身君不爲名譽計，君豈不爲君之父母計乎？李聞之，淚如雨下。斷續言曰：然則奈何？警長曰：人孰

無過。過而能改。斯無過矣。況君之所爲。乃屬於義憤。而不得謂之過。所惜自陷於不義耳。李曰。事已如此。余甯受法律裁判。不之悔。余曰。若是。則仍無補於事也。君且歸。密以所匿物。蔽之秘密處。而君得間發現之。斯得之矣。須知君之來。余以術招之。而君之歸也。亦當謹遵余言。速速行之。門以外偵者。羅列更不虞君之或遁也。李唯唯。遂行。

越日。喧傳。章雄倫於水缸中。得所失物。又越一日。章具稟銷案。王三陸媼得自由。陸媼章以金錢補救之王三。則不受而去。又越一月。夜半一時。忽聞呼聲。震天地。紅光澈宇宙。余啓門出視。則云。章雄倫家不戒於火。及旦視之。僅餘一片焦土。而煊赫之。T.O.R. T.Y.R.之銅牌。亦爲祝融攝去矣。

評曰。醫者所以濟世救人也。外負濟世救人之名。內有重利盤剝之實。名醫云乎哉。可憐一炬。誰實爲之。此所謂天道也。

白菖菡香初過雨

白菡。菡。香。初。過。雨。紅。蜻。蜓。弱。不。禁。風。吳。中。近。事。君。知。否。團。扇。家。家。畫。放。翁。此。非。放。翁。得意之作乎。今著者。擷取其一句。以爲吾篇名。閱者必以吾爲運用心思。懶構一題耳。不

知此七字中於事實上竟無一字拋空古今合轍不奇乎然亦亦著者斷章取義而已
閱者又不可不知也

余既憚城市之囂塵每遇盛夏必卜居於湖濱短籬數尺高樓一楹左右修竹風奏琚
玕如聽清歌如吹笙簫簷前芭蕉數叢映案成碧北望則山翠撲人雲影移換山態倏
忽萬變南望則湖光耀日風簇練紋水容淡蕩無際無淪熱中之客利心之徒至此延
佇亦當生出世之想

尤可愛者樓之西種蓮數頃漱灑翻紅高低掩翠晨光纔現香氣盤空傍堤一隅白蓮
尤夥胭脂失色翠袖掩護而無塵寶相真空紅雲紛飛所不到六月某日驟雨乍歇夕
陽在山萬柄搖香蓬勃有生氣捲簾倚檻延爽披襟遙望峰迴路轉處有戴笠着屐而
來者

伊何人歟乃余之至友陳醒秋也醒秋避暑前村去余小樓不半里惟時新月一鉤已
現雲際花光人影活現生香余乃啓戶延醒秋入相與置酒對酌縱談積愆酒釀人醉
抵足而眠一枕懵騰揉眼而東方已白矣

醒秋呼余曰。君速起。余問之曰。何事。醒秋曰。荷香襲人。朝露未晞。速持簪。盥取荷蓋之露。歸以煎茶。的是奇品。余大喜。如其言。啓戶沿堤行。第見荷蓋中。如走盤珠。如弄晶丸。捲其兩邊。瀉露於盞。移時得半。器。余曰。可以歸矣。醒秋忽曰。且視之。彼處何以有足印。豈有雅人先吾輩而來耶。

余隨其所指。果見沿堤一帶。有人履印。傍水者爲女子之皮履印。足尖向白荷花開放處。右足深陷。左足僅着力於足尖。醒秋曰。是易辨者。必有一人探身於此間。殆折花一柄耳。余領之返身。見垂柳之旁。又有足印。二深凹有半寸許。乃弓鞋印也。余訝曰。是處當爲又一人久立於此者。醒秋未及言。忽見余等來。時路亦有兩革履印。其部位與前所見者相同。惟斷定爲男子耳。余曰。歸去休。吾輩本來避暑。此煩瑣事。可置之不問也。醒秋笑曰。在余則不以爲然。余恐此必爲極有趣味事。會當肩余兩人也。余不之應。逕返戶。燃火煮露。煎以碧螺春茶。須臾茶熱。相與品此天上之泉。顧而樂之。頃所見者。已不置諸腦海矣。

晨飧既竟。醒秋忽謂余曰。頃見之足印。君曾研究否。余曰。余已置之矣。君猶未忘耶。醒

秋曰君之意吾未解。余意多一研究。即多一經驗。多一經驗。即多一精進。君胡爲以此。淺淺而疏略視之耶。余笑曰。然則余當謹聆君之高論。醒秋曰。高論烏敢當。君知此革履之女子。爲何人乎。余曰。是烏知之。醒秋曰。余意必前村周姓女子也。余曰。佩甚佩甚。君之偵探術。乃勝我萬倍。一覘足印。即能知其人姓氏。不可佩乎。

醒秋笑曰。君勿嘲人。君自不思耳。君試思。鄉村之中。着革履者。有幾人。况女子乎。余知前村有周翁者。生子女各一。皆肄業某校。中革履之着。亦當然之事。彼男子之足印。殆其兄乎。柳下佇立者。必其母也。余曰。君未見發現男子足印之堤畔。有竹篙痕。近水之草。亦偃。余意必有一舟。傍岸而泊。男子殆由舟中出也。此間去城里許。觀荷破曉。正不止。余二人也。醒秋曰。是論亦有理。特不知柳下之婦人。何爲佇立久久。任令彼革履女子。探身折荷。而不扶持哉。余曰。君於何見婦人之久立乎。醒秋曰。君不見纖印之獨深乎。余曰。然。

余於前日忽得一定武本蘭亭。至此乃啓篋置案。與醒秋共觀之。較其肥瘦。論其眞贋。日已亭午。忽聞叩門聲甚急。須臾蒼頭引一女子入。同廊響屣。固儼然一革履女子也。

醒秋謂余曰。如何。余不語。視此女子。年約十五六。面色蒼白。雙眉緊蹙。一似重有憂者。顧余曰。余爲周婉兒。住於前村。與先生爲近鄰。先生乃有客在室耶。余曰。無妨。是爲余之至友。周頷之。余乃延之坐。

周欲語者再三。輒訥訥不出口。余曰。女士倘有見教。卽請言之。周曰。事屬秘密。顧醒秋曰。不知能共守否。醒秋曰。令尊殆周崧山先生乎。周欠身曰。然。先生乃識之耶。醒秋曰。余聞名耳。余有友在雁蕩間。乃與令尊共事也。周曰。余有危急事。欲假助於先生。余曰。請女士言之。余當謹聽。周曰。余母吳氏。生余及弟兩人。今余弟年十五矣。余則長弟兩齡也。余年九齡。母乃見背。余父以中饋乏人。乃娶繼母凌氏。嗚呼。余兄弟自繼母入門後。竟不知人間有樂事矣。余父取繼母三年。又添一弟。繼母自此以後。待余姊弟兩人。其慘酷不可名狀。余父又就慕衡陽。旣乏親戚。更無叔伯。總之余兩人之困苦。達於極點。余今亦不願盡言。以暴慈親之短也。

余年十一。以父命偕弟入吳門某校就學。越一年。繼母又令余輟業。獨留弱弟於校。其學費均由余父匯來。去年冬。余弟已由初等畢業。今春入高等。繼母馳函於父。謂琳兒

(其弟名)入高等矣。學費余當任之。且可省匯費也。余父覆函來。亦允之。孰知僅付十元。一切衣服。書籍。雜用。概置不問。余目覩余弟之困難。乃以余母賞資所存。變價充之。今暑假將滿矣。余弟就學期迫。而資無所出。問之繼母。漫不置答。余計無復出。乃訪諸鄰村陸姓之閨友。

先生須知此閨友。卽余母在時。爲余弟所聘之弟婦也。陸翁祇此一女。名韻蕙。與余同校。余輟學而彼竟成學矣。余弟因是亦奮勉不怠。余知韻蕙固富裕者。乃就而訪之。告以困難。韻蕙一諾無辭。援筆草一函。密封之。媵以金約指二。并謂余曰。後有空乏。儘可問余。余極喜。稱謝而別。此昨日事也。噫。孰知返家而事出意外矣。

余甫入中堂。乃見繼母踞坐。詈余曰。汝不弄針黹。乃在外閒蕩耶。汝弟太無賴。欲索金錢。余安有閒款。供彼浪用耶。余今已斥逐之已。余大駭。掩淚入室。而余弟竟不知所之矣。

醒秋注茗於杯。令之飲。周立而授之。飲訖。復言曰。余於此時。乃登樓眺望。冀余弟或隱匿野外。以待余。顧杳不可得。傍晚時。一賣油老人。過余家門前。佇立。喚賣。不去。余怪之。

乃出而覘之。老人常來余家賣油。愛余姊弟極篤。見余。卽以手招之。袖出一函曰。二郎（卽其弟）囑致汝。并問有無。余卽拆視之。其詞曰。母怒汝當愼。余不歸。姊有函可置之北堤白荷花蕊中。須自西向東。數石欄之柱第十三。弟當自覓。先生此實弟之大錯。亦余之錯也。余於當時。不難以物付之老人。或使老人覓余弟而與之。今已矣。

是夜星光閃爍。月影一鉤。余澈夜不眠。未曉。余私啓後門。如弟之言。數石柱。而以函及金約指。置之一白荷花蕊間。此蕊猶未放。強納之入。忽忽歸。孰意天明。而余弟在樓後田畔。作聲驚余。余俯首觀之。弟以紙書字。裹石塊。擲入樓中。余拾展之。則曰。荷蕊已失。物未得也。嗚呼。先生知余經多少風險。志欲助余弱弟。今若此。將奈何。且余猶未知韻蕙函中作何語也。言已。掩泣不止。醒秋曰。女士且勿悲。余今問汝。汝母之履。非舊式弓鞋乎。周曰。誠然。余曰。然則汝母昨夜固隨汝出也。周曰。然則奈何。怪底今晨視余而笑也。余誤弟。余誤韻蕙矣。

余曰。是尙無妨。余恐汝母尙無所得也。今請余友送女士歸。女士可偵察汝母室中有無零星之荷瓣。若有之。則汝母必隨汝而出也。汝第觀之。汝母若詈汝。則此事將另行。

設法若待汝無他則必無所得也汝忖度情形繕一簡單之函余友伺於樓後汝擲付之。余可着手矣。

周唯唯稱謝而別醒秋則徐徐隨之行余俟醒秋行後乃取石膏一握向堤畔覓男子之履印幸未爲他人所踐得完好如初乃以石膏印其足跟須臾範成取之歸置之日中候稍乾則以朱泥印於紙上視之則一象皮根英文字約略可辨爲美利堅貨中有飛馬商標門忽啓醒秋歸擲紙示余余誦之則曰荷瓣紛裂置案上往謁無違言如何醒秋曰余目固未盲也今若是將奈何余曰余決其未得也此輩潑婦無事尙生非鳥有見此密函而不興風浪者余意暗隨婉兒而出折荷而無所得也醒秋曰然則彼有物之荷蕊又焉往余曰當於此飛馬牌象皮跟上求之也醒秋視之曰難矣。

余曰事固不易然余輩不可灰心今請君與余各持一紙入城就履肆偵之余計履肆而售革履者僅十餘家無論有無所得晚九時必相會於培風軒培風軒者余輩輟茗之所也醒秋曰諾遂偕余行入城而分道也。

天下之事人力能爲而天下之事人心固不能料方余範得此象皮鞋跟自謂心思獨

造孰知歷訪八九家了無此同樣者。無何電火明矣。鐘九下矣。不得已乃至培風軒。猶冀醒秋必有佳音報我也。孰意甫入而醒秋至。搖首不語。一望而知爲失望也。並坐片時。乃相率出城。及余門。見一童子垂首立階前。醒秋曰。是間有周崧山先生者。汝識之否。童子曰。是吾父也。先生問之何爲。余曰。汝殆卽琳兒耶。琳兒曰。然。余乃告以大略。延之入室。琳兒年雖稚。然長厚如成人。醒秋告之曰。汝旣乏資就學。曷不函告汝父。琳兒泫然曰。揚母之過。傷父之懷。重姊之苦。兒不願爲也。余領首曰。是兒不愧純孝矣。今夜且宿於此。汝姊余當告慰之。琳兒曰。諾。余仍乞醒秋設法告婉兒。

晚膳旣畢。琳兒已酣眠。余謂醒秋曰。余意陸地不能達目的。祇可問諸水濱。醒秋曰。得無徧叩舟子乎。余曰。然。醒秋曰。是更困難矣。君試一計城內外之舟數乎。余曰。余亦知之。然余思此間爲西城外。余第就城西一帶問之可已。醒秋曰。甚善。今且眠。明旦各竭其力可矣。所可慮者得其人而不得其荷。或得其荷而失耳。余曰。是不足慮。婉兒不言。荷蕊未開。強納入乎。大凡荷蕊第一日則半開。第二日則全開。至夜則必收縮。余意此蕊至明日方全開。則事猶可爲焉。醒秋曰。然。最妙折取荷蕊而蕊不開。則內容

不致爲人所悉矣。

明日余囑蒼頭善侍琳兒。偕醒秋忽忽行。偏叩城外舟子。前日有無買舟觀荷者。歷數處無所獲。乃入城就泊舟處。徧叩之。觀荷者不下七八艘。然皆非一人者。最後得小舟一。自云前日有人曾泊舟西門外。荷堤畔。人則不識其姓名。所着之履亦不憶其爲革爲布。第聞其行路時閣閣有聲耳。余思靴有象皮必不能有聲。乃問之曰。是人特觀荷而乘汝舟否。舟子曰。非也。先一日雇余手提一照相具。縱覽山水。夜泊湖濱。晨歸時上堤觀荷。折白荷一柄。乃入城付資登岸去。醒秋曰。此人若再見。汝能識之否。舟子搖首曰。是不能矣。

余促醒秋行。醒秋曰。纔得一線光明。又墮五里霧中。將奈何。余曰。光明尙在。君自不知耳。舟子不云手携照相具乎。余輩可往照相館中覓之矣。醒秋曰。然。遂與之歷行笑山。輝映神彩。諸館均無所得。醒秋曰。盡於此乎。余曰。余憶西青巷中有丁姓者。亦嫻此術。第彼時作時輟。不知今開館否。醒秋曰。姑往偵之。至則館主丁某。方治其所攝之片。沉浸於水中。翻弄不已。見余入。點首而已。蓋彼正手不暇給也。

醒秋忽俯拾一革履視余曰君欲購革履此式頗佳余意會就視之其象皮跟果飛馬牌出紙密較之無誤余返身謂丁曰此君之履耶丁曰否此吾友殷君之履也醒秋曰令友乃在何處耶丁曰申友耳彼亦業照相來此已一星期昨午始去耳余曰彼來殆攝吾鄉好山水也丁曰誠然彼雇舟徧攝吾鄉好山水今當現於海上已醒秋曰夏日佳景當推西城外之白荷不知令友曾攝入否丁笑曰烏有不攝之理彼更偷取一朵以歸來也予謂之彼乃置吾瓶中余昨日所攝片生色不少余曰白荷耶今當謝矣丁曰余昨晚恐其不開養之缸中不意爲蠹奴沒水所損君觀彼缸中非有許多之碎瓣耶

余就觀之果然而花瓣之下有一小方紙包雜浮其間余拾之諦視中間隱隱有字跡遂注目缸底則燦然兩枚金約指也

是時醒秋亦已見及乃走謂丁囑其攝影丁乃爲之佈置而余乘此隙覓小竹竿箝取兩金約指并此函包之手巾中余蓋藉手巾之力將以吸乾其函也須臾醒秋攝影畢余與之奮步行

不十分鐘。抵余小樓。以物還諸琳兒。而告以故。琳兒再拜謝。有頃曰。余行矣。余將告諸余姊也。余乃送之出。醒秋曰。足印。乃有如是之用耶。余曰。是亦驟雨之力也。醒秋曰。余將詠白菌。著香初過雨之句矣。余亦笑和之。

評曰。蘆絮之慘。乃如是耶。何物琳兒。偏有此種奇詭思想。彼韻蕙。誠不愧一熱誠女子也。余將敘其事。成一新穎之俠情小說。

开

城東修潔平坦之途。允推萬正街爲最。此街自東至西。長約半里。居民極寡。不過十數家耳。街之東口。南達北字巷。北通綉錦坊。街之西口。南聯九千戶街。中部南接中風巷。巷作環形。轉西而接九千戶街。是種街頭巷口。均設有崗位。日間固行人寥落。至夜更闐寂如墟墓。

十一月某夜三時許。有第七分所之長警蔣祿生。披厚呢大衣。躑躅衝寒。自綉錦坊迤邐向南行。彼之職務。蓋以稽察崗警之勤惰耳。是時綉錦坊南（卽萬正街東口）之崗警。爲一百三十八號。見蔣至。則如禮致敬。蔣更西向行。經中風巷北。則有七十二號之

崗警向之行禮。蔣問之曰。汝之時計準乎。警曰。準。今方三時十七分。余換班至此。僅十二分也。蔣領首不語。移步仍向西行。不三十步。其右經一荒場。蔣以手燈燭之。見有一人眠於草際。蔣卽鳴笛告警。七十二號之警。聞聲趨來。共燭之。但見此人浴血下伏。俯之冰矣。

蔣曰。是人想已被害。汝且守之。余當往報總署。七十二號唯唯。佇立面西。目覩蔣之行。未嘗少動。一生一死。共此荒場。七十二號不寒而慄。彼雖謹守長警之命令。彼尤膽怯。而不敢移其跬步也。

是間離總署極遠。蔣既達九千戶街南。卽與崗警二百五十六號語。囑勿令人過此崗位。繼卽投署報告。警長沈新民聞報。卽偕四警馳赴萬正街。七十二號見沈至。卽以所經歷者奉白。沈本少年。對於偵查事件。自以爲極能注意。遂以燈燭死者。約三十餘歲。衣粗布衣。袴亦布製。兩履已敝。且無襪。喉間受刀傷。血續續出。少腹亦被刃兩處。委係受傷身死。沈乃以燈徧照地上之痕。果有血跡。似凶手於死者身旁。踐血逃遁向外者。沈問七十二號曰。汝於發生此事後。曾他往否。七十二號曰。余寸步未行也。惟余至此。

爲三時五分。不知前警有所見否。沈不語。循此血履印向東。不十步。至銜燈最明處。貼近牆根。仍無所見。沈至此。乃茫然。左右前後。瞻顧殆徧。毫不知凶手乃往何所。無已。至北字巷北之崗警。問之。此警卽一百三十八號。則對曰。自長警過此後。未嘗有人行此巷也。

移時。天已明。彼被害之屍。已如例驗釘矣。而沈之進行。正未已也。既量此血履印之長短。又模繪其圓尖之狀態。其血印之出發及終點。亦草地圖以計之。獨坐室中。竭其腦力。以研究之果也。會心不遠。奇思橫生。案中要點。忽然發現。無他。卽血印至牆根而止。一語也。夫既至牆根而止。其人乃往何處耶。使於此處。凶手越牆而進。吾將何從而覓其血印乎。思之不已。門啓處。乃來一警報告曰。頃據萬正街居民。范佳元之僕。徐松。認明死者爲巫四。係江北人。其居處職業。均不之知。沈曰。范姓卽斜對荒場者耶。警曰。然。沈曰。知之矣。汝且退。

有頃。沈率幹警六人。直往范姓叩門而入。陡見南牆攔有一梯。梯傍爲陰溝。溝中乃滿貯血水。范佳元者。余友也。見警長突至。頗以爲怪。繼經其詰問。血水之所自。則對以僕

人徐松所爲。須臾徐至。沈曰。此溝中之血水。何自來乎。徐曰。今晨宰雞之所遺也。沈曰。梯上之血何來。徐曰。傾水時濺及之耳。沈曰。汝何從而識死者姓名。徐曰。去年余在城南茶肆中。見巫與多人鬥毆。聞人呼其姓名。乃知之。沈曰。汝所宰之雞。在何所。徐曰。今在竈下。猶未洗也。沈曰。汝引余觀之。至廚下一雞已宰。置桌上。旁一尖刃。血污狼籍。沈曰。汝以此刃宰雞耶。徐曰。然。沈乃持刃於手。呼警曰。捕之。徐大駭。范亦狂呼。沈曰。汝輩勿喧噪。此殺人犯。余不能徇汝之情。范欲置辯。沈不顧。曳徐去。

其明日。報紙上。乃有東方福爾摩斯之標題。發現首敘發生事件。繼敘沈之種種研究。終則敘其破獲之迅速。其於血印至牆根而止七字。則以大號字標之。末更進之以諛詞。一時社會上。均受其特別感動。而沈亦蒙上峯之贊賞。然而徐松苦矣。

時余養病之江。忽得余友范佳元之電。第云求助速歸。余知范爲仁厚君子。彼必有不不得已者。故發此電。遂乘火車。至滬。抵蘇。趁輪回里。忽忽往晤范。范以報紙付余觀。既竟。問余曰。君視此有所疑否。余曰。疑點正多。第不知君有何事託余也。范曰。無他。卽余僕也。徐松用之有年。人極忠懇。萬無有殺人之事。禍在告警以死者之姓名耳。余曰。牆上

之棟果誰置之。范曰是不能憶及矣。蓋已置之兩三日矣。余曰徐之供詞如何。范曰文明法庭淫威所及何患無供哉。

余曰此事關係極重。而覆雜殊甚。余意今日不必晤沈。余且與長警蔣祿生相晤。夜間更來此間。就燈光下一觀當日狀況。范曰曷不先往荒場一偵之。余曰余亦作是計也。余與范徑至荒場。第見衰草離離。瓦礫塊塊而已。最後於近牆處。見有拭穢之碎紙二方。余以足蹴之。忽見一紙頗潔。且有字跡。余俯拾之中部。乃有尖形之血跡。兩行。范曰。乃足研究耶。余曰君且視之。死者爲尖刃所傷。此非尖刃之印乎。范曰然。余曰且子其文曰。

十六。付开。一百二十文。

「字作何解。余曰此字余亦不識。余視此紙係毛邊似從帳冊撕下者。獨怪當日不搜剔及此耶。可矣。今得一綫光明矣。余且往晤蔣祿生。范曰夜膳余候君。余允之。

至第七分所訪蔣祿生。蔣適在所中。見余至。則問曰君近數日往何處耶。余告之。蔣

底不見君之行蹤。否則巨案發生。舍君又焉能着手。余曰。君勿過譽。然余今日又矣。蔣曰。警長已破獲矣。君來太遲也。余曰。君視徐松冤否。蔣曰。此余不敢言。實余相識。余敢保其不至有殺人之事。余曰。敢問當日七十二號與一百三十八今在何處。蔣曰。適均在所。余當喚之來。須臾。二人至。余肅之坐。余謂蔣曰。余更之前。兩崗位係何人。蔣曰。是不能記憶矣。七十二號曰。余憶之。爲九十七號。余何處見之。七十二號曰。余至中風巷中。彼已立待。彼云腹疾。欲速歸。大約離崗分鐘矣。一百三十八號曰。三時之前。係余替代他人崗位。余蓋連續六小時也。余已汝曾離崗否。一百三十八號曰。二時五十分。北字巷有婦人在途口角。余往勸之。曾離崗約十分鐘。余曰。若是則九十七號亦正於此時離崗犯事處之東部。乃無一警使於此時有人在繡錦坊赴荒場。君等固不及見之也。僉曰。然哉。君之特識也。余曰。警長注意於血印之起迄。余則注意於血印之先後。余問蔣君。發見死者時。曾見血印否。蔣曰。未也。余更問七十二號曰。君聞蔣君告警後。曾見血印否。七十二號曰。未也。是處燈光尙及。余實未見也。余曰。然則血印何從發現乎。七十二號曰。自警長來。方

發現也。余曰：蔣君令汝立於何所？七十二號曰：死者頭南足北。余立於死者足部，面西而立。歷一時許，未嘗少動。余曰：君殆膽怯耳。七十二號曰：誠然。余曰：汝曾回顧，或他囑否？七十二號曰：未也。余曰：使於斯時，有人從草際緩行向東，君當不之知也。七十二號曰：是或然也。余曰：實告蔣君。君發現死者時，凶手實伏於草中也。待君西行，乃由此君身後徐徐而遁，故血印乃現於發現後也。蔣曰：快哉！君之論也。余於當時，惜未一搜之，坐使凶手逃逸耳。一百三十八號曰：余於君言，乃有一疑點。余與九十七號，確於三時前離崗位。凶手及死者由東而入。余等或未之見。若三時以後，余與七十二號，既見蔣君經過之後，確未見有他人過此。彼凶手果何往乎？余曰：此語不能不佩君之慧敏。然余已得有一線之證據，幸而破獲。君自知之矣。余乃別蔣而行。

遲晤范佳元。與之夜膳，并告以偵查所得。且曰：真相已得，夜間不必觀覽荒場矣。余將往候沈警長也。范曰：余亦願往。余曰：甚佳。鐘鳴九下。余已入沈之辦事室。沈舉蹙曰：君來太遲。余已了如指掌矣。余曰：君乃坐令徐松受枉耶？沈曰：枉字似不當。余曰：君所視為證據者，非血印至牆根而止一語乎？沈曰：誠然。余曰：此卽君之誤點也。沈曰：君有辨

論否。余曰：君且聆余言。余聞范君言梯足之血跡爲雞血所誤，濺而君因血履之印直指梯上之血爲同類，此誤之一也。凶手既以足踐血印，地有痕，何以登梯之後，梯之橫木乃無一絲之血而君竟以爲凶手登梯而遁，此誤之二也。蔣祿生自東而來，未嘗見有一人彼凶手何從登梯而遁，卽登梯矣。梯今置於牆內，彼牆外之梯何人爲之運出乎？如凶手先運梯於牆外，則崗警何一無所見，使另有一人待凶手圖遁之時，由牆內運出，何以范君之牆上乃絲毫無損害？試問木梯之重量若何？牆內之人由梯登牆，復運梯出牆，待凶手由牆外自梯而上，復運梯於牆內，二人魚貫而下，種種舉動，乃能使牆無損害乎？君不於此思之，其誤三也。不特此也，吾人運梯倚牆，其貼地處必離牆二尺以上，乃能上升，更無傾倒之虞。今血印既貼近牆根，梯既不能直立，凶手焉自而上，而君以爲凶手上牆而遁，其誤四也。綜此四誤觀之，徐松焉得不枉乎？沈聞余言，面赤不語。有頃，則曰：君蓋爲徐辨護耳。余曰：是又不然。徐雖爲余友之僕，余雖受余友之託，苟徐果爲眞凶，余亦不願爲之辨護，所可恨者，眞犯逍遙法外耳。沈曰：眞犯果何在？余曰：今尙未知，余遂以第七分所中之談論告之。沈曰：若是則余眞誤矣。余曰：萬正

街。街形頗直。發生事件之荒場。固緯入二丈許也。否則燈光所及。崗警烏有不見哉。沈曰。然則凶手果何往乎。余出有血之紙示之。沈曰。此字義余不解。余曰。余初亦不解。今因路經一地。有所感觸。而解之矣。其理俟明日相告。余意明日正犯必可就獲。今請以所獲之尖刃示余。沈如言。付余觀之。余以之比較。則此刃視血印稍尖小。一望而知其不合也。余遂與范別。沈而出。至九千戶街口。余辭范而返家。

其明晨。沈來余家。余問其何事。沈曰。昨聞高論。實獲我心。惟君言凶手自七十二號警身後逸出。未嘗由梯上牆。何以血履印適至牆根而止。此點君幸以告我。余曰。此易解也。街燈之光。不能照及荒場。彼凶手自黑暗中逸出。固未知足踐血痕。迨至牆下光亮之處。始自覺察。彼必一時無措。惟脫去其履而行。則不復虞血履之印出也。沈撫掌曰。然哉。余愧未能思及之也。余曰。誠能於此偵獲血履。則兇手猶可就獲也。沈曰。血履焉從覓之。余出有血之碎紙。指開字曰。此字已告我矣。沈笑曰。此何字乎。余曰。余不願以不確之事。先告君。君請行。余將出門治事矣。沈憮然別余去。

北字巷北口。有一肉莊。肉莊之西。有一小茶肆。鐘鳴十下。有一客穿布衣。帽深沿覆額。

口操北音。獨坐室隅。肆主戴三。亦徐人也。與客娓娓語。客詢其生意之若何。茶客之多寡。戴以其同鄉。亦隨意語之。旣而客將行矣。戴忽曰。先生肯爲余開一帳冊面乎。客曰。是烏不可。惟今非年非節。汝曷爲易此帳冊。戴曰。無他。舊冊日前爲一人撕去兩頁。吾輩經商。以信義爲重。帳冊有撕裂痕。易受人責。不得已。易之。客乃援筆書其面。左曰。流水。右則年月。中署三記。旣竟。揭示之。不過收付帳耳。然有一字。足爲客之注意。則開字耳。此開字。幾於每行皆有。客曰。撕破帳冊者。何事耶。戴曰。非他事也。間壁肉莊夥陳六。夜半如廁。強撕帳冊。以拭穢耳。彼不顧惜字紙。誠可恨耳。客曰。陳六乃住宿汝肆耶。戴曰。否。客曰。然則陳六夜半何從至汝肆。中撕帳冊。戴曰。余不自行寫帳。乃託陳六書之耳。夜付晨歸。率以爲常。不圖彼之撕去也。余曾問彼。彼乃自認也。

客聞言。久不作語。以手摩膝不已。戴謂客曰。君有足疾耶。客曰。三年矣。曾訪名醫。云須以少年而多近油膩之舊履。煎湯洗之。病乃可愈。年來以新履易人之舊履。已非一次。治之固有驗也。今者出門日多。乃未及治之。故病復發耳。戴曰。君眞肯以新易舊耶。客曰。是焉得誑言。戴曰。若彼肉莊夥之陳六。固年少而近油膩者。不知彼之舊履。可用否。

客曰。佳甚。顧余不相識。何。戴曰。余且呼之來。無何陳至。面黑。眼爆。齒露。鼻凹。戴告以故。陳極願曰。余卽往取來。顧一履已爲猪血所漬。不知可用否。客曰。是更佳。陳去取履來。客持視之曰。佳甚。佳甚。乃付茶資。謂陳曰。余當於九千戶街購履遺汝。陳喜甚。持履隨客行。至九千戶街南。客驟攔陳肩。陳出不意。仆身於地。客出梏械其手。呼崗警捕之。并兩履入署。客者誰何。不待言矣。

鐘鳴一下。沈警長如例審訊。茶肆主戴三。并以撕破之帳冊呈驗。一時觀者雲集。徐松則保釋。陳六付法庭。而范則治筵欺。余并候沈同席也。茲先錄陳之供詞如下。

陳六。湖南人。年二十九歲。向爲鐵匠。嗣失業。投北字巷肉莊爲夥。由死者巫四介紹。巫四亦業鐵匠。失業後。曾在萬正街戴姓茶肆挑水。去年春。因有姘婦口角事。被巫毆傷。屢思報復未遂。出事之夜。由某處賭局。與巫同行。過繡錦坊。崗警不在。崗位遂走過。巫欲如廁。乏拭紙。當卽返店。撕戴姓帳冊兩紙。計思此時荒場中。大可下手。乃卽持殺猪之尖刀。逕赴荒場。繼見一紙有字。乃留之。而以一紙付巫。巫如廁畢。卽用尖刀猛戳其喉。巫倒地。復戳其小腹兩處。卽用前紙拭刀。忽聞人語聲。乃蹲伏草際。

既見一警走過。一警立巫旁。渾身發抖。趁此機會。輕步走出。直到牆根。看見鞋下血印。遂即脫鞋在手。回店假睡（下略）

此案之真相也。席間沈謂余曰。敢問此開字。果作何解。余曰。此開水之開字。乃社會上應用俗體也。相與鼓掌不置。

評曰。聰明可誤用乎。沈警長自恃聰明。幾冤殺徐松。探案誠不易言也。曾子有言。如得其情。則哀矜而勿喜。探案亦當作如是觀。

雙十節

中國令節。以月日並著者。上已則三月三也。天中則五月五也。七夕則七月七也。重陽則九月九也。載籍所記。社會所尚。惟此而已。自民國肇興。共和成立。而後十月十日之雙十節。於以發現。然此十月十日。乃就陽曆而言也。余今所記。乃爲中華民國之第一雙十節。是時四海之內。方喁喁望治。人民歡欣之情。莫可嚮邇。於是雙十節之盛舉。遂遠屆乎習俗之令節矣。

先此雙十節之一星期。若行政機關。若自治團體。莫不發文告。印傳單。宣布此如火如

茶之創舉上而紳商學子下而販夫走卒莫不燈懸於戶旗飄於櫓而一般水陸軍警商團學生均鮮明其服裝精麗其燈彩拂袖彈冠歡呼高蹈以俟此雙十節之速屆而一宣其欣快之情

且也繁盛之街市均高架彩色之錦棚大小之店肆亦備裝煊麗之屏幃其旂幟之上咸綴以斗大金字若曰共和萬歲中華萬歲民國萬歲懸於兩旁者更各出其心思撰以長聯夕陽乍下人影漸增四五里間百數巷內萬燈綴彩儼若明星之熠耀尤盛者則以軍樂時時奏之街頭巷口萬頭攢動路人側身而行有歷一時而不能行動寸步者

今余敘呂中之富紳矣全邑八十萬人在滿清中葉富且貴者計四人月即龔彭湯鼐是也龔彭今式微矣鼐族本不繁人亦不經意惟湯則人夥支煩其同族幾遍全邑其擁資亦遠居乎三家之上此四家者類皆於清室位列通顯以故共和告成若輩子弟咸願效忠清廷屢設詭謀希圖反對繼見天心人事之不可以力抗乃以保存豚尾爲第一要義雖然羞惡之心人皆有之一般年將就木者無論已其或成童弱冠之青年

襲其這世或父兄之遺命保持髮辮冀清廷或有一日恢復必能立躋權要而博忠君之令名無如盈庭廣衆之間驟見此怪物必有從而非笑之嘲詈之此輩青年不堪其苦則亦有自斷其辮者然其一種富貴驕人之態至死不可易也似此開國以後第一雙十節凡有血氣莫不歡忻鼓舞一出於至誠惟此四大家則白幡掛庭粗麻懸戶如喪考妣人或訝而詢之則曰吾爲清室持喪也孟子有言曰人之所以異於禽獸也者幾希若輩富翁之舉動并幾希而不得矣

然而事有不可逆料者余前所敘四富之一若湯氏固首先反對共和者也力不能逮計不能就則惟有施之於一家一室之內於是老爺大人之稱謂花衣翎頂之服裝如傀儡如劇場時時逞其陋見效其愚忠搬演種種怪象自誌其悲哀自寓其快樂要不敢出門一步不啻以大門爲雷池也無如若子若孫伏處其專制政策之下固不敢不聽而其女其媳乃欲脫絆離羈不復受其籠絡夫然後余儕之心思手腕大受其苦矣大凡擁資鉅厚之流其心思才力每有大背人道者知有己不知有人爲一般富翁之惟一要義自眩其多財則強人之貪而以金錢爲孤注余草此篇固深惡痛疾此一班

銅臭兒。余亦深惡痛疾。此惟利是圖之警長。

警長齊姓。名川孫。號子精。是日爲十月九日。余以恆例。晤齊。寒暄既畢。齊謂余曰。君甚勞苦。余甚感君。今而後。有以報君矣。余曰。此職所應爲耳。烏足以言放齊曰。余非空言報者也。君且坐。試聆余言。余應曰。諾。

齊曰。有湯北祥者。君識之否。余曰。知之而已。齊曰。是公於十數年前。出守九江。余曾蒙其屢次賞拔。得任關卡。優差四五次。其人擁產絕厚。天禍中國。清室不振。彼乃解組歸田。優游林下。余與彼過從甚密。君知之否。余曰。未也。閱者諸君。須知此未也。二字。余已忍氣應之矣。齊又言曰。昨晚余又謁湯公。彼謂余曰。邇者十月十日。非有提燈之舉乎。共和。共和。乃輕僅爲提燈二字。作標準。余固無心觀覽也。余有幼女。年二十矣。勦余再三。必欲一觀。爲快。余思街頭巷口。奸宄叢生。雖有婢僕。亦難保護。況余女有珠扣針一具。乃余生平第一至寶。苟非愛女。亦不與之。此珠。普天下尙不復有其二。余前在漢陽。民間有一爭產案。得余平反。彼勝者。乃以此珠相贈。余配以兩鑽。以赤金鑲之。成一扣針。今余女將於夜間觀燈。且御此珠針。余思苟非特別保護。使珠針或有意外。則余女

必亦有意外。蓋余女與此珠針不啻第二生命也。君之部下探隊本極有名。余願以三千爲賞。寶品苟得。珠針無恙。必以此數奉君。不幸失而復得。則半數亦不靳也。余聞湯公之言如是。頗以爲快。自信余署中諸偵。此事固優爲之安坐而得三千金。余固不敢獨享也。今君適來。故以此奉告。

余曰。若是而言。設警設探。乃僅爲富家女子保護珠針乎。齊曰。君又固執矣。湯公在清室位躋通顯。且荷不棄。乃以此瑣事見托。安可辭哉。余曰。此固警長與湯之交情耳。齊曰。君非受雇於余乎。奈何不聽余命。令乎此事。非君莫屬。余敢以非正式之使令囑君一助。君其許我哉。事成當以半數奉酬。

余曰。若是則余更不願聞。君欲之。君取之可矣。或頒之。諸警可矣。余獨不願受彼守財虜半文也。既承委托。請君約湯北祥於午後一時。携珠針入署。與余一談。

齊曰。君亦欲賞識此珠針乎。余曰。然。彼之所爲寶貴之珠針。余固未之見也。余未之見。余烏從而保護之。今且與君別。余將出外布置矣。齊曰。君之助手得數佈置否。余曰。足矣。惟署中有裴子巢者。今在何處。齊曰。裴一珠寶商耳。在此亦備員耳。君乃欲與之謀。

耶。余曰：裴爲人極精細。此事余將付彼以重任。齊曰：是亦聽君。齊乃按鈴須臾，裴入告以意。裴許可，乃隨余行至署門外。余曰：汝以一時半至余家，勿遲誤。裴曰：諾。

鐘鳴一下，余又入署。湯北祥已來，鼠鬚、鵝唇、豚尾垂背，坐於椅上，搖膝不已。齊見余至，則爲余介紹。湯略領首，漫不經意。齊乃申余前言。湯遂探懷出一小匣，匣以錦裝，精彩絕倫。啓視則珠針在焉。針作一字形，兩鑽夾一巨珠。鑽之價，每粒不過五六百金耳。若此巨珠，既圓且光，值當在萬金以上，誠至寶也。雖然，寶則寶矣，無如飢不可食，寒不可衣，寶之者誠不知是何居心也。余曰：女公子將於何時出門？其行坐之處，有定點否？湯曰：有之。乃下午五時半，在轅西民國藥房內也。余曰：偕行者有幾人？湯曰：兩婢一僕婦耳。余曰：僕聞之矣，敢問君持此珠針來署時，曾否於途中遇友朋談及此事？湯曰：然。曾遇兩友，問余何往。余備告之。余曰：敗矣。君何荒疎若是耶？湯曰：君疑余友耶？汝誤矣。余曰：非是之謂也。君與兩友相遇時，僕亦在旁，而君之身後固有數人竊聽。君言者，彼輩因不知君之珠針藏於何所，故怏怏而去也。不信，請君掀外褂之內襟，一觀之。湯如言，乃見其內襟之小袋，其底已爲利刃劃一洞。湯大驚曰：若是其殆哉！

余曰。君等出身富貴。履厚籍。豐固不知世路之崎嶇。君有寶物。君自知之。惟欲以寶眩人。斯禍患不旋踵而疊至。湯曰。君言未嘗不是。而余女必欲如是。余實無法阻止也。余笑曰。此殆君之家庭教育趨於極端耳。湯面赤不語。齊曰。君且勿作閒論。珠針在此。君將作何佈置。

余謂湯曰。君以保護之事責諸余輩。然所指乃在寶物。不能被失於女公子之身也。今寶物在君身。中途幾幾遇險。余實無能爲力。君今將歸。使寶物或失去。明日余將無從保護矣。君之此行。無乃險乎。患在君之於途中告人耳。湯曰。然則奈何。余曰。余有一法。不知君肯見信否。然舍此。固別無他法也。

湯曰。然則余一意聽君之指揮。余曰。請君以珠針付余。余以身監之。明日下午五時。余當親賚君處。直上諸女公子觀燈。既畢。余當再詣君也。湯曰。是亦無不可。余曰。然則請君於此珠針之後。作一暗認。湯如言。乃付珠針於余。余別之而返家。裴已候余五分鐘矣。余招之入密室。歷半時許。裴別余而去。不半時。裴又來至余密室中。移時。余令裴另至一室。扃其門。於是裴被余禁錮矣。此種黑幕讀者於篇末處或當窺見。斯時余實無

暇。敘。及。也。

無何而雙十節屆矣。雙十節之盛。既如前言。余亦不贅一言以蔽之。曰。至夜而更盛耳。余於五時半。持錦匣。馳赴湯氏。是時湯之女子。已佇立中庭。狀甚焦灼。見余至。作嚶笑。余視其裝束。乃大駭詫。下禦白裙。身着青衣。兩髻後垂綴以妃紅之緞結。紛膩其面。非此不足以呈其白也。脂塗其脣。非此不足以露其紅也。余不得已。啓匣出珠針。置諸案。女乃取針扣於胸前。顧盼自喜。叱咤一聲。婢僕隨之而出矣。

余於此時。自處極難。余不能自淪於紈袴子弟。輕薄少年。追隨此富家女。余又不能任此少女。僕僕道途。使其珠針。或有意。外雖然。此女一出門。余方擔心憂慮。恐保護之力。孰知余出門望之。誠令余百思不得其故。轉令余責任頓爲之輕者。其故何哉。蓋個人經行之處。固已有數十少年。衆星拱北辰。浩浩而去矣。嗚呼。噫嘻。富貴驕人。乃如是耶。

是時衆火齊燃。萬燈盡明。店鋪中之婦女。如列羅漢。街衢之軍警。腰俱佩刀。槍均上刺。擠挾於人叢。排肩而行。各區之軍警商團學生。亦續續而至。會集地點。中間又有肩輿。

之停頓起落。飯肆之單食壺漿。此往彼來。呼聲上徹天宇。然提燈固未成行也。余乃繞出轅西。至民國藥房前。見余所派之助手八人。或作學生裝。或作僕人裝。或賣物者。或觀會者。逡巡退縮。不逾此數丈地。余之助手。均得余之特令。余曾謂之曰。今夜之事。本屬創舉。警長愛金錢。余欲保名譽。物失苟不可得。余任其咎。賊或逃逸。無蹤。則君等任其咎。諸助手咸心會。余言故民國藥房前八人者。川流不息。在彼偵察。其意蓋欲不令一奸究者停留於此間也。

移時提燈隊來矣。路警攔行人作一狹弄。店中來觀者咸起立桌上。先之者爲軍樂。繼之以高等學生。又繼之以各區之商團。各區之保衛團。以後則三十一區之初等小學生矣。各區學生數皆在五十以上。其年齡大者約十五六。小者約七八。齡校衣寬大。拖地蹣跚而行。類皆鼓聲。鑼聲。喇叭。吹之者面漲如皮球。面赤如林擒。帽章燦然。互相輝映。眩人眼目。爲教員者亦全武裝。佩指揮刀。擦地。錚錚作聲。口呼一二一二。以調其步代。是時人聲轉覺靜穆。觀者兩目注視。不復作一語。

無何第二十三區已行盡矣。不意第二十四之校旗忽被一店招所撞擊。彼奉旗之學

生兩腕乏力。旗遂右傾。隊中有一便裝之教員。直伸其臂。橫抗之。旗又反傾。直趨至民國藥房欄干旁。欄內卽湯女之坐位。余知事出非常。必有人從而播弄。果也。校旗矯正。開步向前。而湯女之珠針不翼而飛矣。

湯女兩手俯胸。嚶然作聲呼。余領之。轉身見一青衣。作學生裝。向前疾行。道路狹窄。相去僅數步。不能躍上。會有一助手。自彼端來。余促令擒之。瞬息被捕。彼亦不拒。惟兩眼頗注意。第二十四校之校旗。余乃令拘此人。向就近警所。暫留。余則隨此校旗向前。忽值轉角。旗又兜一人。面猛掣之。旗直而人不知何往矣。

余返身欲向原路行人。乃如潮湧而至。寸步不能移。蓋燈隊已過。人人思歸。故有此種現象焉。余遂繞冷僻之街。至第九分所。果也。余之助手拘彼奸徒在此。余謂助手曰。汝約待半句鐘。押此人至署。余今且歸晚餐也。

晚餐方半。齊已傳話促余赴署。余投箸而行。至則湯女已在。齊曰。三千金。湯公已携來。今珠針已失。女公子痛不欲生。君將奈何。余曰。毋妨。賊已被捕矣。會當至署也。須臾。助手褻子巢至。則曰。頃於余肆中捕得一誑人賊。請警長訊問。余揮之出曰。汝且待之。不移。

時。而前之助手所捕之青衣者。亦報至。余曰。可矣。

警長乃出庭審訊。由余先述曰。余奉令在民國藥房前監視。會二十四校之校旗。傾側入欄。余見此人將女公子之珠針。攬下。余返身追之。以路狹人多。不克及。幸余助手自彼端來。此人於未擒之時。先以珠針扣於二十四校校旗角。余見彼已成擒。至轉角處。校旗角上之珠針。又爲一人取去。齊曰。汝何姓名。汝聞之否。其人曰。余爲王四。吾亦受人之指使耳。齊曰。受何人之指使。王曰。其人蓋陸二也。齊命之下。令裴子巢陳述。裴曰。余受君命。待於肆中。九時許。果有人以珠針來。問值。余卽捕之。來署。余曰。汝頗精細。今且少休。齊命陸上。陸承認不諱。湯時在旁觀席。觀狀大喜。

余乃謂王陸兩人曰。汝曹程度亦太下矣。汝亦曾偵知此珠之真僞耶。余語甫畢。卽拾石一塊。捶此珠立碎。余呼曰。此僞珠。僞鑽也。汝等乃認爲真者乎。湯大呼曰。僞耶。今碎矣。奈何。齊乃判押二人如法。

齊偕湯及余。并裴子巢歸室中。齊曰。若識此珠爲僞乎。余曰。僞也。湯曰。惟余女確以爲真。今君碎之。將奈何。余曰。烏得不真。齊曰。真珠乃一椎卽碎耶。余曰。碎固僞者也。湯曰。

然則眞者安在。余曰。君知僞者何自來乎。齊曰。余不知也。裴笑曰。僞者實僕在。室中所爲者也。余肆中此種僞珠固甚夥也。湯曰。豈余女今晚所御者乃僞珠乎。余曰。實告君。眞珠針固在余身也。余乃探囊出一銀裝之匣。啓匣以針付湯曰。君且以昨日之暗記視之。不知符否。湯喜曰。原物也。余曰。原物則請君收之。余遂收余銀匣於囊。立而言曰。謾藏。誨盜。冶容。誨淫。君其識之。余遂行。返家。鐘鳴十二下。余笑曰。今尙在雙十節也。

評曰。一珠耳。乃勞大偵探。如是用心。如是費手。如是佈置。甚矣。偵探之不易爲也。然而無恥之警長。固已安坐而得三千金矣。

箱中履印

吾鄉習俗。婚嫁之繁。甲於蘇省。嫁女者必置辦妝奩。以勝婿家。妝奩之內容。若衣服金珠。田畝塵屋。傾家之半。博婿之欽感。若夫外觀之物。則若衣櫥衣箱。妝臺几椅之類。不一而足。其最不可缺者。卽此衣箱。箱爲木製。其高約二尺。對徑亦一尺七八。橫約三尺。啓之非易。運之亦重大。無倫晚近有門自直面啓之者。頗似小櫥。鎖亦用暗裝。與前較

爲便利矣。

凡此妝奩所用之木具。列有專門之肆。肆中羅列各具。任人觀覽取擇。南城之內。業此者不下十餘家。尤以謝姓爲最。謝之牌號曰端豐。肆中人兼理木工。細小之具。均能自製。余友屈俊坡者。擁產頗巨。有一女。字於同邑許姓。婚有期矣。於是余友之足跡。日徵逐於妝奩肆中。既而各具粗備。獨此巨大之衣箱。尙未購得佳者。

某日之晨。屈往謝端豐肆中。覓得最佳之大箱二隻。價亦不巨。遂得成交。先付其值。肆主付以取物之證。臨行諄囑。明日喚僕來取。肆主允之。執手而別。返身適撞一少年。身屈大驚。少年因兩屬無心一笑置之。

屈既歸。部緒一切。傍晚時。忽見二人。舁此兩大箱來。且索取物之證。屈曰。余約明日自來取。今胡爲舁之來哉。二人曰。店主今夜將下鄉。三日後方歸。恐尊處來取時。或有差誤。故屬僕等先行送來。屈大慰。付以證。并給銀一角。二人稱謝。將行。屈呼曰。箱之鎖匙。在何處耶。二人曰。噫。忘之矣。匙爲店主所儲。俟其歸。再行奉上。屈曰。是亦無不可。二人遂忽忽去。

此巨大無倫之兩木箱固安置於屈之內堂也。若妻若女若婢僕遠覩近撫咸嘖嘖稱羨其新奇緻密。屈亦自誇其選擇之精良。其明日屈起甚早。瞥一箱之旁門啓置於地。屈恚曰。肆主亦太不經意。箱門乃未上鎖耶。昨日昇來時竟未墜下亦云幸矣。

忽聞樓上有疾呼聲。聆之其女也。屈登樓問何事。女曰。失竊矣。屈曰。所失何物。女曰。金珠首飾均置壁櫥而嚴鎖之。今櫥門洞開。中已空空無所有矣。屈大驚。忽見北窗大啓。走視之。則窗檻有青布一幅。連續兩匹。下懸於地。此青布乃爲運妝時絡置器具者。不圖反爲竊賊之軟梯也。

右之所述皆爲吾友在余書室中所語。余既聞其言。則曰。如是。余姑偕君一行。屈唯唯。導余至其家。至則男女僕媼閨聚一室。叫囂奔突。莫可名狀。甚或涕泣咒罵。余謂屈曰。現象若是。烏可偵查。君速命僕人等各事其事。毋令喧擾。余方可從事檢察。屈如言。呼其僕。須臾耳根清淨矣。

余乃登樓觀之。誠如屈言。壁櫥空空矣。余曰。所失僅此乎。屈女曰。否。余之衣笥中凡值錢之物亦一掃而空。余已開一失單於此。先生請觀之。余約諗其所失約二萬金。乃閱

其室門。曰。此門夜間若何。其女曰。闔而未門也。晨起則門闢矣。遂察其北窗。收其布而觀之。布上之鬆浮處。均緊伏下。注。余曰。此賊自門而入。自窗而下。可無疑矣。余且下樓觀之。

余既下樓。繞入樓後懸布處。壁上乃有一足印。余謂屈曰。此即賊自布瀉下時。以足抵牆取力之處也。屈曰。將焉遁乎。余返顧見竹籬拆毀丈餘。余曰。籬外何地乎。屈曰。荒場也。場外則通衢矣。余曰。賊由此遁也。雖然。賊又安從入乎。

屈曰。或亦從籬外入乎。余曰。苟使從籬外而入。則此斷竹必不棄於籬內。然余觀籬外足印。參差淆不可辨。賊不止一人也。惟入內者祇一人耳。今姑至外室一勘之。

余至中堂。忽見牆隅有兩巨箱。一箱之門已啟。余偶留覽箱內。係未加漆者。箱底乃現兩履痕。余呼屈曰。試觀之。此箱底之履印。非與懸布處牆上之履印相同乎。屈曰。果然。君意以爲何如。余笑曰。賊蓋由箱中闖入樓上者。屈曰。惡。是何言歟。箱中烏得有賊。余曰。君購此箱時。曾啓視否。屈曰。余因欲檢視鎖鑰之完好與否。曾命肆主啓視。閉門而懸匙於鎖門。昨晚昇來。余索鑰未得。彼許送來。遂亦置之。余曰。適令此時賊匿於箱。君

胡知之。屈曰：賊匿於箱。今晨何以箱門置於地？余曰：此即賊匿於箱之明證也。昇箱來時，鑰固未得。今晨更有何人能啓之乎？然此箱鎖自外啟之，固非鑰不可。若自內啟之，固以指撥之可矣。屈曰：然則何取乎有鎖？余曰：箱所以儲物也，非所以藏人也。鎖製如是，斯亦足矣。

屈曰：肆主余素識，安有匿賊而盜余物者？余曰：昇箱者，君識其人乎？屈曰：余不識也。余曰：君能知其果爲店夥乎？屈曰：即爲店夥，余亦不識也。余曰：若是則可疑矣。大凡店中之夥，情者恆多，安有約定明日自取今日先送來者乎？是必奸人之詭謀矣。屈曰：肆主安得受欺乎？余曰：君不言肆主下鄉乎？君且報警，余往肆中一細偵之。

余至謝瑞豐，訪其店主。果於昨晚受人之招，乘舟下鄉去。繼問其兩夥：昨日有屈俊坡君所購衣箱，曾來取否？僉曰：未也。余曰：請導余一觀之。夥疑余之欲購焉，欣然導余觀之。入其內堂，於大小木器之中，轉折而入。一夥左右探望，驚呼曰：箱往何處耶？一夥曰：昨日固在此。今日未來取，果何往哉？

余乃示以偵緝之證，且謂之曰：汝勿懼。箱已失去，然箱固仍在也。汝第告我店主於何。

時動身。汝等曾離店否。一夥曰。店主於下午五時行。余等於六時。因有一醉漢入店。喧擾余等。逐之出店。向南數十步。顧此醉漢。殊可恨。竟袒余臂。不釋。幸旁觀者勸阻。乃返店中。一夥曰。余憶之矣。余憶當時見有二人。舁箱忽忽向北行。余意同業之夥。故不加意也。

余正問詢問。店主自外歸。余告以大略。彼曰。余受欺矣。昨晚有一少年在余店前。逡巡行。適余送屈君出。屈與此少年無意間相沖撞。屈君向之道歉。少年極灑落一笑而去。須臾又來向余問屈君之住址及姓名。余問之曰。君猶耿耿耶。少年曰。否。彼殆近視眼耳。余第問之耳。余乃以住址告之。少年自陳汪姓。爲南鄉白港人。去城不過三四里。一水可通。且言性耽古玩。昨由友人處借得一白玉觀音。其座爲紫檀所製。偶一失手。將此座跌損。鄉人無能修補。特請君一治之。并出銀一元立促。余行且曰。舟已雇矣。愈速愈妙。明晨余將還諸友人也。少年語止。此余整頓各物隨之行。出城果有一舟。彼請余先行登舟下鄉。自言乘馬而來也。

余曰。君至鄉又何如。店主曰。六時許已抵白港。徧詢無汪姓者。余大詫。不得已返舟行。

至則城門已閉。乃付資宿旅館中。迨余將入城。瞥見邀余之少年。從彼處行來。余急呼之。不應。迨追之。則又疾足而去。今慙矣。余不知其何故欺余也。

是時店夥以失箱對店主曰。將奈何。余曰。君勿慮。箱固在屈君處也。店主曰。是何意。欺余曰。賊匿箱中。昇入屈君家竊物而遁矣。店主曰。鑰固在余處也。余曰。彼輩啓箱固有妙法。若必原鑰。則真下乘矣。

時則警署已查勘畢。余入面警長仲英漢君。正談論間。忽見一人入。年約四十許。恂恂儒雅。余識爲徐海籌君。某校教員也。仲欠身迎之。徐曰。僕有秘密事。奉告警長。今晨余聞屈俊坡家失竊事。初本不以爲意。忽於用僕室中。見有謝端豐與屈俊坡君取箱之證據。一紙大爲怪事。余今持此紙并令此僕隨余來。乞警長一詢之。仲大喜曰。君真顧全公益哉。君且退休。徐乃就別室坐。移時。徐僕入室。警長訊其姓名。則以汪福對。仲以收證視之。且曰。汝此紙從何來。汪福曰。此紙非余所有。今早在茶肆中。見一曾爲人僕之殷六。同桌啜茗。殷臨行。棄此紙於地。余因存惜。字心。故拾歸之。將以付一炬也。余曰。汝勿疑慮。汝拾此紙。汝實有功也。仲曰。殷六之家。汝識之乎。汪曰。識之。

仲乃令警四人偕余及汪同行。既至殷門首。汪叩門呼之。門內有應之者。汪曰。此卽殷也。門啓。殷出。見警大駭。然已不克拒。以一警守之。餘則入內。東室復有兩人。一則翩翩少年也。既就逮。余問屈姓之物在何處耶。一人指牀下。余飭警取出。果屈所失物。蓋分贓猶未遂也。

桎梏三賊。至署中。屈俊坡及謝肆主人均已至。余更令屈僕舁箱來。少年曰。薛壽卽誑店主及撞俊坡者。箱中之履印與殷六適合。薛誑店主出城。殷乃獨爲醉漢擾店。誘夥外出。薛與其同黨李二舁箱行至僻處。啓箱令殷匿入。薛與李共舁至俊坡家。夜則往籬外守之。初不料殷之留履印於箱中焉。

評曰。娶婦以財。昏姻之道苦矣。幸而箱中之賊。不過舂簍之流。得物失物。一轉瞬耳。否則吾爲屈女危。已有女待嫁者。尙其慎之。

鬼影

天之下地之上。人與物已全占其位置矣。萬不容所謂鬼者。再雜其間。以與人物競爭。若是而言。則鬼之一字。吾人不過於字典中解之。理想中得之。盛倡無鬼之論。已乃以

余所聞。若吾友金僕公所言者。則又異是。

僕公之祖若父。均爲粵之巨商。其祖愛吾鄉山水。乃構鉅宅於積善鄉之西村。前隔溪水。後闢果園。廳堂樓宇。備極崇宏。其祖目覩斯宅之成功。以年老而仍歸故鄉。遣一僕馮榮。守此宅。閱數年。金之父。便道來此。曾一入其宅。不半月又去。是時馮已娶妻生子矣。如是者三十年。人第知此宅爲粵商所有。而馮與其子全。已完全改其土音。人亦不復以粵人視之矣。

距此五年前。余以事旅居海上。晤所爲金僕公者。金諡余鄉里名。乃告余以其祖與父之經營。余亦以所知者告之。金曰。若是則吾得友朋矣。苟得便。余必卜居於積善鄉。以承祖父之業。今年夏。僕公忽造訪。面有憂色。謂余曰。僕來此一星期矣。余宅鬼怪突出。不能處也。余笑曰。烏有是哉。君特膽怯耳。金曰。君勿大言。使君身受之。乃信余言之不謬也。余曰。若是言之。君真有所感觸乎。金曰。豈僅感觸之謂也。余今告君一切。并將有求於君。一破此疑團。余曰。甚善。君且坐。爲余言之。

金曰。余襲祖父之遺產。均有簿籍。而積善鄉之宅。更有一細圖。并注經行之路程。以故

素不履行之地。余亦能按圖而行。不煩嚮導。一星期前。余已抵貴鄉。本擬先訪君家。再往西村。嗣因好奇之心。梗於胸中。不期徑至西村。至則訪馮榮。彼已頽然老矣。彼告我先世經營之非易。爲子孫者。宜保守勿懈。余亦告以余父之狀態。及余祖之遺命。以爲印證。彼乃深信不稍疑慮。繼以其子馮全見余。全亦有子。年數齡矣。彼遂啓門。導余觀全宅之屋宇。并以一書室爲余置臥榻。并曰。此宅幾經人問余租賃矣。余以老主人所遺及余之身。必不願他人居此。歷年後。園果木生植極繁。老奴藉此得以餬口。若屋宇頽壞。老奴亦歲歲修葺之。老奴年老矣。犬子馮全。乃不肯謀生日。爰余租屋於人。以取賃利。老奴不願爲也。是夜余遂宿於書室中。

余以舟車勞頓。寢寐極安。天將明。馮榮已起。爲余備晨餐。余盥嗽時。馮榮娓娓與余語。并問夜來安眠否。晨餐既畢。余遍遊宅中諸屋。若廳。若堂。若書齋。回廊。若後園。園中徧植桃梅杏李柿柑枇杷等。園廣三四畝。最後有樓三楹。繚以高垣。門則嚴扃。余詢馮榮內貯何物。馮榮云。大約爲藏書之所。自余祖手加封識後。未嘗一啓。然余父亦未嘗爲余言。余思此事不難問之余父。余爲子孫者。得祖父之庇蔭。得安宅而居之。則樓中之

物固爲余所應覽。早緩固無所異也。

余所以之書室。在大廳之西。室與廳之間。夾一長弄。弄北可達後堂。南則包大廳之庭。直抵大門。前後均有戶。第二夜。時計針正指十二下。余因繕函。上之余父。函中備述一切。并以樓門深扃之故。乞余父指誨。正封函間。忽聞吁然一聲。出余書室之庭。芭蕉打窗。颯颯作響。余舉幃視之。殘月一鉤。照窗如銀白。余突見芭蕉之下。有一物焉。毛茸茸。人立而啼。面黑。口中火星。續續出。余駭而號。繼思此庭。四面皆牆。不知從何而入。然物既在內。余不妨嚴扃前窗。拔關呼馮榮。余計已定。冒險徧扃前窗。余見此怪物。已冉冉向牆隅而沒。余膽稍壯。心亦稍定。乃啓余書室。從此長弄向南行。足未移寸。怪物已從彼端趨來。余計無所出。乃縮身入書室。闔門加門。聽之。怪物彳亍而過。撼余門。余以身抵之。狂呼不已。繼而寂然。余乃以桌抵門。鋪枕被於桌而臥之。晨光曦微。怪物乃不復見。余卽移去諸具。啓門向外行。

余之來西村。承父命也。父雖經商於外。然未嘗不念余祖勣業之艱難。故命余至西村。因舊屋而家也。故余住此宅中。余固主人也。夜來雖經恐懼。雅不願以之告馮榮。使彼

笑余之無膽。晨餐既竣。余乃扃余室門。啓窗踰欄。躍入庭中。余思怪物以夜出。今此日光之下。余當不蒙其禍。顧此庭中。方僅二丈。雜以花木繁植。陰森逼人。余搜微剔隱。了無所得。最可怪者。此庭並不通長弄。不知此怪物。何從向外。抑內外各有一怪物耶。探索久之。廢然而返。

是夜。余乃置備手槍。挾之身旁。燈火既明。余卽返室假寐。既而月上矣。人靜矣。鐘鳴十二下矣。此時此際。正昨夜怪物出現之候矣。余不禁毛骨竦然。久之。乃無所見。余乃啓行囊。出書一冊。倚枕觀之。忽聞砰然一聲。似有重物從屋上墮下者。繼卽嗚嗚作響。如婦人小兒之哭。繞余室而行。余乃滅燈。執槍。就門隙窺之。突有一縷冰冷之物。從門隙直射余面。余不虞從後直退。身撞書桌。桌幾翻。余遂劃洋火。燃燈燭之。怪哉。余面所沾者。乃鮮紅之血也。

面既淋漓。照鏡大駭。白衫亦如桃花之點點。余不得已。就水盥之。并易余衫。余思磁盆中之紅水。不如棄之。免致明日爲馮榮所知。遂啓窗持盆棄水。不意怪物已抵余欄外。水所潑處。怪突起立。余不禁棄盆窗外。閉窗不敢聲。囊中之槍。已忘用矣。是夜。余又不

寢天既明。余檢取窗外磁盆餐後。謂馮榮曰。余今日將作長函。汝勿入室。實則余蒙被而臥也。日午。余醒。馮榮適叩門。促余午膳。

午膳既畢。馮榮徹食具去。余乃研究今夜之如何準備。傍晚時。馮榮入余室。余遂問之曰。余家此屋。構造宏大。汝乃獨處於此。有所畏懼否。馮榮曰。中心坦白。老奴何所畏哉。若夫宵小之流。老奴室無長物。更不必留意及之。公子年事方少。端宜廓張膽量。勿作婦人女子態。余笑應之。

無何。日光將下。晚鴉歸樹。暮雨蕭蕭。秋風習習。而余之心境。又入愁煩矣。乃事有不可逆料者。是夕竟無變動。直至昨夜。則事愈劇烈。已。余以連宵得安眠。乃極快慰。枕上聽秋雨。冷滴芭蕉。虛室悄黑。伸手不見指。忽見余帳之前幅。陡現一白光。初視之。如銀幣。繼而光愈亮。圍愈大。終乃徑尺。至此余已起坐。默覘其異。第見此白光中。現一人影。面目不辨。惟見爲一男子影耳。髮蓬蓬。吻張翕不已。余揭帳視之。無所獲。回顧則此影已映入牀後。余奮身走下。驟覺光線眩目。不可逼視。乃退而伏行。迨及室門。此光倏隱。正逡巡間。室門砰然開。蓋已破門而入矣。余情急智生。伏匿桌下。第見此怪物。直撲余牀。

榻。余乃乘間逃入長弄。至大廳。久之。見此怪物出書室而入後堂。余遂躡足行。隨其踪。緩緩近長弄之北門。見怪物已遠。乃輕闔其門。返身至廳。力運桌椅多具。抵塞之。果也。怪物斷其歸路。乃從中央之垂花門（卽塞門）直啓而出。余急遁入書室。仍閉其門。仍以桌抵之。就枕下出槍。啓前窗。以槍向天。是時書室門已爲怪物力撼。余卽扳機猛發一下。怪物呼然叫。已而寂然。然已東方漸白矣。

余經此數夜之恐懼。却鬼無方。不得已。走訪君家。乞君一蒞西村。一覘其怪。余笑曰。余非鍾進士。固無食鬼口吻也。然聆君之言。詭幻奇妙。頗似天方夜譚。余意此毛茸茸之鬼怪。當係動物。蓋談鬼者。從未聞有噴血射人者也。今第問君。此染血之衫。不知曾浣濯否。金曰。未也。余曰。如是則甚善。余可多一研究品矣。大凡廣宅之中。久無人居。則狸狐鼠得事盤踞。一旦以人居之。則此輩必力圖抵抗。事誠有之。無足怪也。若夫空屋作奇異之聲響。則有真實虛妄兩種。真實者不易多覩。往者曾聞人言海上梵王渡某校於草創時。其課室中夜必作砰訇之聲。詰朝視之。則桌翻椅倒不一而足。後有膽大者。伺其發聲時。躍入觀之。則諸具暫不移其位置。迨出則又變更矣。歷半載餘。典守者。

莫。可。如。何。終。得。某。國。博。士。某。勘。驗。爲。強。烈。之。電。流。所。致。爰。用。種。種。器。械。收。去。此。電。氣。乃。得。無。事。然。此。爲。余。所。耳。聞。而。未。嘗。目。覩。者。也。

至。若。虛。妄。之。聲。響。余。則。屢。逢。不。一。次。矣。大。略。於。空。屋。久。曠。之。中。爲。最。多。日。間。了。無。所。異。夜。既。深。人。既。靜。則。廣。廳。或。高。樓。或。長。廊。等。處。驟。有。多。人。足。音。出。入。不。定。甚。或。呼。噪。號。叫。方。桌。則。拖。之。使。行。几。椅。則。曳。之。使。倒。於。此。喧。嘩。聲。中。猛。以。火。燭。之。則。聲。響。倏。寂。一。無。所。見。桌。椅。之。位。置。絲。毫。未。動。人。恆。疑。此。種。聲。浪。爲。鬼。怪。不。知。實。留。音。之。發。露。也。大。約。此。種。空。屋。於。最。初。建。築。竣。工。後。人。於。其。中。作。種。種。搬。物。行。動。之。聲。材。木。既。新。遂。感。受。此。聲。浪。留。入。梁。棟。椽。題。之。腴。理。歷。年。既。久。聲。浪。得。他。種。感。動。而。流。出。則。怪。聲。作。矣。譬。諸。近。今。之。唱。戲。留。音。機。吾。人。固。玩。弄。而。不。之。加。疑。矣。使。於。向。無。怪。聲。之。空。屋。中。開。機。發。音。而。令。從。未。見。留。音。機。之。愚。夫。深。夜。聽。之。彼。有。不。疑。爲。鬼。怪。者。乎。余。固。曰。空。屋。中。虛。妄。之。聲。響。乃。留。音。之。因。感。傳。布。也。今。聆。君。言。長。弄。所。見。之。鬼。怪。能。含。血。噴。人。明。明。眞。實。而。有。物。質。決。不。能。以。虛。妄。論。之。余。意。當。是。一。種。動。物。而。無。鬼。怪。也。至。若。帳。上。所。見。之。圓。影。似。另。一。問。題。不。能。與。此。相。提。並。論。也。今。且。問。君。來。余。家。時。曾。告。之。馮。榮。否。金。曰。未。嘗。與。之。言。余。曰。

如是則君且歸。余當於傍晚時訪君。今夜當與君共榻也。金唯唯。移時別余去。

余家去西村不過二三里。第一城之隔耳。馮榮與余亦相識。鐘鳴七下。余挾槍實彈。手一皮囊。忽忽赴西村。馮榮見余。大欣喜。且曰。先生乃與吾家主人相善耶。若是則公子得良友矣。言未已。僕公已出迎。款入書室。相晤之下。馮榮以茶甌進。并導余觀前後諸屋。僕公以後樓深扃之門。指而示余。彼以爲奇異之點。余則了不以爲怪也。余隨處考察。突於假山石傍。拾得走獸之毛一小方。略似皮衣所墮下者。余夾諸手冊。金固未之見也。

無何。夜膳矣。十下鐘。金肅余仍入書室。而闔其門。歷舉所見所聞之地點。告余。余請其以染血之衣示余。金啓箱檢出。余就燈下觀之。則此潔白之外衫。肩與胸各滿染鮮紅之色。余以水稍潤之。紅卽爛漫。暈出。余乃以舌略舐之。現一種特殊之酸味。一望而知其非動物之血矣。余謂金曰。君對於數宵之經歷。有所感念否。金曰。余聞君言。怪物爲動物。余深信不疑。今夜若復觸目。以一槍了之可耳。若床前之鬼影。余至今尙不能解。余曰。余前亦以爲動物。今更決此動物爲兩足者。床前鬼影。余本擬爲另一問題。及今

思之乃一而二。而一者也。金曰：君言吾甚不明了。余曰：今且勿論此。且研究今宵之佈置。余擬君先安睡。俟余夜半思睡時。再喚君起。苟有發現。互相招呼。金曰：甚善。遂去外衣。欹枕而睡。余倚桌而坐。左手執一卷書。右手納衣囊而握槍。金風不動。簷鐸無聲。所可聞者。余與金兩時計。嗒嗒之音耳。

久之又久之。出時計覽之。一下矣。余頗倦怠。金亦醒。問曰：如何。余曰：余意君或言之過甚耳。金曰：奇哉。彼亦畏生客耶。君且來睡。余請代君守望之責。余如金言。俟彼起立。余就榻而眠。一覺醒來。天已大明。金曰：君醒耶。余曰：然。金殆無所見耶。金曰：余初願不及此也。余曰：余睡已足。今當起坐矣。

早膳後。金謂余曰：君對於僕之所言。及昨夜之景況。有所見疑否。余曰：余深信弗疑。惟見解與君稍有區別耳。金曰：區別乃在何處耶。余笑曰：是不可告君。今且與君相約。余今當歸。晚餐後。余當再來此間。惟有一事相斟酌。余若再來。不願爲馮父子所知。君於七時。佇立門外。見余至。則調馮榮與其子他往。余隱匿入君書室。君能允余否。金曰：此易事也。惟余不解君之用意耳。余曰：君且勿論余之用意。乞閉室門。余將探索此小庭。

金如余言。扃其門。余乃躍身窗外。但見芭蕉老梅。天竹丹桂。叢雜蔽目。近窗欄處。忽又見獸毛數縷。余亦拾而貯之。搜剔移時。亦無他覩。惟見水電燈所用之電石一小塊耳。余返身出。啓門走入長弄。以指輕推其牆。果也。書室之南有一小門。門砌以牆。而不通。擊之聲如木板用力推之。乃呀然。啓視之。卽書室之小庭也。余謂金曰。君知此門否。金曰。未也。余曰。此卽鬼怪匿身之路也。余乞金覓兩大釘。從庭中堅釘之。使不能啓。騰身自窗踰入書室。且謂金曰。君諸事秘密。七時余當來也。

七時。余如約往。金果佇立門外。見余至。招手令余入。余從之。逕至書室中。金闔門低語曰。君已晚膳否。余曰。膳畢。余方來也。君且治事如常。余匿榻上少休息。十二時。再起值之。金唯唯。購燈攤書。朗誦不已。忽馮榮自門外呼曰。公子夜深矣。可眠矣。金曰。然余將眠矣。汝亦去休。馮乃去。

移時。人靜更深。金解外衣。出槍。余則已準備。忽聞嗚嗚之聲。自遠而近。金舉幃曰。來矣。將奈何。余曰。君勿懼。且來眠榻上。勿作聲。余當啓視之。使鬼怪可誤認爲君也。金以槍付余。蒙被臥。余乃以帽沿覆下。外衣擁頸。稍暗燈光。倚桌坐。側耳而聽。覺有一物自長

弄北面輕步出。驟聞軋軋之聲。蓋已達余釘斷之門矣。余遂滅燈去。室門以兩手重抵之。身立於側。長弄之怪。既不得入。小庭之門乃返顧。此室門口中吁吁連身直撞余俟。其用力既足。候鬆兩手。門啓。怪物直仆於室內。余以足猛蹴之。右手扼其頸。左手出電筒照之。果似一毛類之巨獸。獸爲余踐。面部忽墮下一物。余視之。假面具也。余知有異。呼金起。燃燈燭之。人也。金怒曰。此馮全也。胡爲獸其皮。余乃梏其兩手。推之牆隅。余曰。汝不特獸其皮。直獸其心也。乃造作鬼怪以侮主人乎。金尤怒。不可遏。操挺扑之。全涕泣不語。

金曰。君之膽識誠過人也。余曰。此卽由真實虛妄兩項所剖晰而審知之也。余旣審知此鬼怪爲真實。後樓假山石上。及此欄外。又拾得獸毛數縷。視之。係皮衣所脫下。而非活獸所脫下之毛。於此遂確定爲人類僞造之者。惟不虞爲馮全耳。馮爲君家三代舊僕。何故出此卑劣手段耶。全曰。乞赦余。余知罪矣。

金曰。然則彼鬼影又何說乎。余曰。是何待言。亦此惡奴之手段耳。余於庭中固拾有電石一小塊。試思此庭中烏有是物。非彼遺留。又誰遺之哉。彼直以幻燈恐君耳。金叱全。

曰。汝何來此幻燈。全曰。曩在海上。曾與演幻燈者相識。得其斷片耳。惟機器則無術購置。以電石燈照之耳。金乃覓長絙。縛全於廳柱。閉室門。與余少憩。

天既明。金往呼馮榮。來告以故。榮見狀。亦不怪。蹴全曰。汝自作自受耳。返身則長跪於金前曰。老奴無狀。不能教子以道。願公子并老奴治罪。亦不怨也。余見狀大駭。扶之起。慰之曰。汝勿恐。汝子殆有心疾耶。榮曰。否。僕固言。吾子不肯謀生也。第不能與公子言明耳。老奴奉公子之祖及父。管理此宅。每年花果所得。悉以修葺房屋。殆奴子長成。輒以主人不知何日歸。欲暫賃於人。而得其利。且與老奴分花果所入之款。而不許老奴修屋。如是者非一日矣。自公子歸來。彼日間則眠。夜間則起。問之則曰。屋大人稀。公子膽怯。余當徹夜深護之也。老奴信其言。遂聽之不圖。裝此怪狀。以嚇主人也。獨是奴年老矣。飭犢之情。亦不能免。公子倘哀而憐之。尙其推恩。勿使入警署。金曰。今且釋之。余當告余父也。余曰。是亦良佳。馮榮大泣不已。全亦泣。厥後遂爲父子如初。

評曰。鬼之權力大矣哉。苟無大偵探。具此却鬼手段。則高大宅第。將斷送於鬼手中。然鬼之冤亦甚矣。鬼何嘗侮人。人自假鬼以侮人耳。人歟。鬼歟。人而鬼歟。不可知也。

爆竹一聲

余語方畢。余友秦竹汀怫然曰。烏有是哉。君其患神經過敏之疾歟。余曰。君以余言爲不當耶。抑過慮耶。竹汀曰。皆非也。直誤耳。余曰。誤在何處。君試言之。竹汀曰。君所答者。皆非余所問。余惟知其誤耳。不知其誤在何處也。平心論之。此事首宜視爲盜竊。否則余父或將此物遺失於他所。而自忘之。卽就君所言者言之。或墜諸池中耳。若謂竊賊有兩人。同時着手。而以爆竹爲先聲。余未之信也。余曰。先聲二字。君又誤矣。余蓋謂爆竹與竊賊同時並進也。竹汀曰。余終不肯信君之言。余曰。是亦聽君耳。余則舍此更無他法也。

有頃。竹汀曰。君言爆竹與竊賊有關係。君知爆竹果何所用乎。余曰。以俗尙而論。除夕元旦。固最普通者。若夫送竈。接財神。遷居。慶壽。構屋。婚嫁。莫不用之。君家雖近城。而固村市也。其用當不若城中之繁。第有一事。村中人恆用之。卽茶肆中之講理屈者。必以爆竹爲伏罪之證。余意此時。旣非令節。又無應用爆竹之事。村中突有人購爆竹。人必注意之。若詭言與人伏罪。乃用爆竹。則賣爆竹者必不致疑。君家屋後。均山地。於此施

放人誰研究之。今午後。余將造君家偵查此賣爆竹者。曾否有可疑之人。面來購爆竹。如其有之。則事易爲也。

竹汀曰。偵得購爆竹之人。於失竊安有關係哉。余曰。君至此猶不明余意。余固言爆竹與竊賊同時並進。苟得購者。或施放者。竊賊不難就捕也。且君不言門上之鎖匙乎。賊既得目的物。更有餘暇。解此鎖匙。懸於門上。可知其得心應手。行所無事矣。竹汀曰。是不難知。彼蓋知余父之不良於行也。惟余所疑者。賊之去路耳。余曰。是何待言。由大門而出耳。若余所疑。乃在賊之來路耳。竹汀曰。何故。余曰。君家門臨池水。其闊當在一丈以外。而君父之書室。前窗洞啓。窗下之牆。與岸如鏡之平。彼竊賊何從駐足乎。言頃。鐘已十下。竹汀乃辭余去。

竹汀之父。名石。自號曰秦石老人。老人年逾七十。精神矍鑠。所可恨者。兩足痺痿。不能自由行動耳。然室中緩步。固亦無妨。其所居在北城外。傍山而棲。有屋三楹。左爲老人臥室。及讀書之所。中置什物。右則其子竹汀所住。竹汀任城中教職。晨出晚歸。率以爲常。老人耽詩書。悅禪理。故其居處亦極修潔。東西及後。植瑯玕千株。環以竹籬。南檐傍

水澄可鑑人。蓋澗泉也。右屋之南。通一小木橋。達彼岸。徧種花木。亦以短籬障之。大門在焉。

老人自奉極廉。生平所愛。書與畫耳。然有一珠緣金表。爲其老妻遺物。老人篤於伉儷。覩物懷人。一日未嘗去手。行則貯囊。眠則置枕。坐則置案。昨日下午三時許。老人伏案治事。案臨前窗。日光照水。藻荇紛披。風來水動。則折其光。上映簷際。如簇練紋。老人時執其金表視之。蓋盼其子竹汀之歸也。

正凝視間。忽聞屋後爆竹一聲。老人驀然驚。置其金表。回首聆之。起立疾步向北窗行。夫老人之所謂疾步。不過視余儕之普通步也。老人恐有人竊竹筍。故啓北窗視之。乃並無所覩。返身俯案。恚曰。誰作惡劇。來賊老人。伸其左手。將握金表。杳不可得。遂探囊中。回顧北窗。及諸案。均無所覩。老人不得已。啓其室門。呼僕。顧門已下鍵。繼思覓鑰。乃憶及鑰與表鍊相繫。表失去。則鑰亦同往矣。是時竹汀適歸。老人呼而告之。竹汀曰。大門已開。僕人往何所乎。噫。鎖匙乃懸之門上耶。遂啓門。助老人共覓之。終不得。

僕聞呼聲。亦出視。竹汀曰。汝在何所耶。大門洞啓。汝乃不之知。僕曰。余閉門而入後園。

聞聲而卽出。未有多時也。老人曰。然則奇矣。竹汀曰。得無墜入水中乎。老人曰。烏有此理。即使墜不水固清冽。不難囑及之也。竹汀俯首視之。果無所覩。

今日之晨。竹汀遂走告余。余獨注意於一聲之爆竹。如約往叩老人之門。老人見余至。接待頗殷。且曰。尊論已由余子代達矣。識理透關。余深愧思未及此也。余謙謝。遂入其書室。老人一一指示。備及詳密。余曰。昨日曾啓窗乎。老人曰。四扇均啓。余觀其窗之下部。均有泥指印。惟模糊不可細辨。旣乃繞行對岸。短籬下探首窺室內。歷歷皆在目。余謂老人曰。余知之矣。賊由前面短籬越入也。竹汀曰。是則余亦知之。敢問室門未啓。彼何從而取室內之物乎。余曰。是有三說。其一。則賊旣入籬。預携一長竿。釣取金表而竊之。然此說不能行也。余觀此池水。乃有一丈三尺之闊。彼長竿之力。必不能逮。其二。則涉水而過。然水深五尺。窗檻離水面亦五尺。賊立對岸。可見室中之具。賊立水中。卽身長一丈。亦不能見室中之物。故此說亦不能行也。其第三說。則余之理想也。賊定由前進伏於草際。先約一人在屋後施放爆竹。逆知老人必驚而走。視賊乃由彼岸一躍而過也。以左手援窗之下部。右手攫金表入囊。復以右手換左手。以左手復握近門之窗。

以左足踏中屋之南廊身得直立乃鍵門懸鑰從容上小橋出大門去君觀此窗之下部正面有四小指一大指之泥印反面亦如之近門之窗其下部正面有一大指泥印反面有四小指泥印苟使人握窗而懸其身萬無有五指在一面得力者非其左右手換力之証據乎若手指而有泥痕則越籬時所污者也獨是池闊一丈三尺躍過又須以手懸窗其人之技可爲能矣余故曰爆竹與竊賊有關也

老人曰審理明晰令余心折今茲將若何着手耶余曰此余之應盡之職也無煩老人矣余遂問老人及竹汀出遊近地并抄至老人屋後冀有腳蹤之發現忽於林中見一徑寸之碎紙黃其地紅綠其花其一邊有萬盛發客四黑字嗅之作硫臭余恍然知此爲爆竹所爆裂之紙遂走入市中暗偵諸店鋪之牌號祇有邢萬盛雜貨之市招再偵他家更無近似者

余遂假購紙烟爲名入店少憩瞥見架上乃有爆竹數枚余心有所觸乃問之曰余觀汝店生意頗佳店主曰生意至今日真有難言者紙碎須換烟潮須換一日之間不過賺數十文耳余曰若架上之爆竹既售去當無換之者店主曰換雖未見還固有人也

余笑曰。余不信也。店主曰。余向不欺人。昨日有張勤者。來購三枚。移時乃來還余二枚。正不知其何意也。余笑曰。殆搶親耳。（鄉俗搶親放爆竹一聲）店主曰。先生乃亦知此俗。第彼張勤。乃江北之賣技者。恐非搶親之謂也。余曰。彼賣何技乎。店主曰。彼能蘄文武戲法。其同道曰夷司中。善走索。攬刀門等。余曰。如是則甚佳。余家主人明日壽辰。頗愛觀此種技術。彼在何處。余將招之。店主曰。自此向東。近橋處。彼泊舟於岸畔。汝立茶肆中呼之。或尙在岸上也。

余如言。至茶肆中。呼張而夷亦至。余詭言如前。張索值僅三四元。余曰。值不必論。余主人最愛觀跳躍之技。汝輩能演乎。夷曰。余能橫躍一丈五尺之闊。余曰。可矣。噫。今何時乎。夷以手探囊。既而出其手。曰。大約四時矣。余領之側耳。細聆夷之身畔。唧唧有聲。余曰。余將入城矣。汝二人乞隨余面主人。可先付定洋。僉曰。諾。

余偕之入城。呼岡警捕張。而夷則余先加以梏。索其身。果得秦石老人之珠緣金表。解署審訊。悉如余所料。越日竹汀至署。領表去。歸途來訪余。余問之曰。如何。竹汀含笑不作一語。

評曰：獨居荒僻之區，偏用珠緣金表，老人亦未能免俗耶？竊表者以爆竹爲行竊之助，殆曾研究心理學者，思之不禁一笑。

塙中石

是篇所述，乃屬於法律性質矣。初無所謂偵探也。雖然，著者固不諳俗尚之所謂法律也。不特不諳法律，抑且痛惡法律。考此痛惡之理，由實由於大法律家大半爲目不識丁之流，讀幾冊法律講義，便自詡爲大法律家，足以保障人羣，透關真理，迹其所行，所爲，不過錢債之關係耳。繼續之爭辨耳。充其所至，較之清季之惡訟劣幕，爲尤甚。無如社會之蠹，鄉曲之豪，趨之若鶩，奉之若神。於是大法律家意義日益高，簞鼓日益盛。囊橐日益贏，循至賭博之勝負，代之以控敗訴之名，徵逐之品，評附之以目的權利之語。若茶樓若酒肆，若旅館若輪舟汽車，一有若輩混跡其間，則脣吻所翕，張耳鼓所感觸，無非法團物權義務解決送達諸醜語，聞之必作三日惡鳴呼。法律天下假汝之名，以成罪惡，豈淺鮮哉。

吾非眞惡法律也。吾蓋痛惡夫俗尚之所謂法律耳。使俗尚之所謂法律，果可保障人

羣果可透闢真理。則吾今所述之事。亦可不必要費吾筆墨。無如法律自法律。而非法律。非律之事。因毅然爲之。不僅毅然爲之。且爲此非法非律之事。卽爲講法律之人。若是而言法律。果可保障人羣透真理。吾不信也。

是故讀此篇者。其人不必要深明法律。其人必須尊重公理。其人必須注重道德。其人必須契合良心。然後可讀此書。然後讀此書而知余之痛惡法律之真理。由蓋余之痛惡法律。乃余之法律也。余之法律。卽此篇之命意也。命意惟何。證據而已。證據非法律上應守之名詞乎。

大凡人類之惡果。社會之孽障。其所以造成種種怪狀者。初非人類自爲之也。亦非社會自釀之也。此中蓋有兩大魔力。足以轉移造化。挽回天地。而非人類社會。能與之抵抗者。其物惟何。一則金錢魔力耳。一則官爵魔力耳。屬於金錢魔力者。簡言之曰富。屬於官爵魔力者。簡言之曰貴。雖然富與貴。不可同日語也。有先富後貴者。有先貴後富者。有富且貴。貴且富者。以余所見所聞。一般富且貴。貴且富者。大半爲其祖若父之遺蔭。慎則流長。惰則流短。一言以蔽之曰。貧與賤之先聲耳。不足道也。若夫先貴後富者。

以城市之中爲多。其富也。不過位列通顯。職任邊要。宦海歸來。囊盈篋滿。買田置宅。娛聲怡色。頤指氣使。魚鄉肉里。爲子孫者。更不知稼穡之艱難。悖入悖出。如是而已。至彼富且貴者。則以鄉里之土豪爲屈一指。金既贏矣。錢既充矣。彼金錢固不肯戀家也。於是捐納爲顯官。苞苴賣金紫。吠畝鄙夫。立可上躋廷陞。富日以富。貴日以貴。鄉里之間。一日不可居。乃卜宅於城市。以與一般縉紳相抗。其志乃遂。其願乃償。今余所述。卽富且貴者。與貴且富者。因一牆之爭競。幾至喪家亡身。而余尤恨法律之不足以保障人羣。有確切之證據。而不能援法律以闢真理也。

去余所居。不下半里。有街名白荷塘。一水縈帶。兩橋相通。其地雖未見有所爲白荷。然平坦修潔。綠樹陰濃。每當炎夏之時。夕陽攔山。一縷丹霞。穿此碧蔭。如覆異錦。如發奇花。今人於此留連。不忍去。入夜則清風徐來。水光融洽。避暑者。恆有攜藤牀竹榻徜徉其間。月落參橫。尙有未歸人也。

街之東。北轉爲慶星街。乃冷僻之地。四五年前。固爲一片瓦礫堆置之所。今則非復昔比矣。吾友有平紫甫者。其祖若父。固余所爲貴且富之流亞也。顧紫甫之爲人。乃一反

一般富家兒之習慣。余曾見其於十年之中。破其家產之半。誠可難能矣。

夫子孫能破其祖宗之遺產者。非善事也。余胡爲表而彰之哉。蓋紫甫之所爲破產者。其識見之宏遠。志趣之高尙。要非尋常人所可望其項背。統計紫甫於十年之中。經營慘淡。一日不少懈。兢兢焉以不克破產爲恨事。迨至共和告成。民國肇建。紫甫走告余曰。今而後。余可告無罪於祖宗矣。余已破余產之半矣。余聞紫甫之言。亦深慶平氏之有人。爲之撫掌不置。

紫甫曷爲而破產乎。紫甫嘗言。余祖若父。歷任要職。德政在民。口碑莫泯。無如世俗之僻見。必以余家擁有巨資。泰半爲祖宗造孽中得來。余欲湔除余祖余父之冤恥。不能不破余產。而一爲祖宗伸氣。是故十年之中。若赤十字會。若醫院。若學校。若一切公益事。若鰥寡孤獨之窮而無告者。有求於紫甫。無不應者。迨至光復軍興。紫甫又統計其十年所爲之出入。核其應餘之款。彙而充入軍費。於是紫甫之心願以償。紫甫之家產已破其半。而紫甫之名譽。亦日甚一日。名譽高而嫉妒者隨之矣。

居恆聞年老者言紫甫之宅。尙在清代。道光初。向某姓購得者。故其屋制。皆低淺。大門

若窗扉至紫甫乃重構增建宅後更闢地治小圃園中略蒔花木建樓三楹爲讀書之所。繚以高垣。其東偏傍景星街者。造數屋以備竈并柴廁之所。屋之後牆之東。治雞埕以棲雞。樓之北牆之西。浚小池以養魚。凡是種種位置。其地乃向曹氏購得。其初亦瓦礫堆也。曹地極大。紫甫第購其半耳。此宣統初年事也。

距今一年前。景星街頭忽有鍾貢裳者出現。鍾固東鄉人也。其人格卽余所謂富且貴之流也。自貢裳卜居景星街。紫甫之厄運至矣。貢裳爲東鄉方池村土豪。其先世皆治田。自食其力。久之得資充積。兼并席有一躍而爲富翁。於是櫟襖鄙夫。漸臻爲紈綺膏粱矣。不數年。納資爲典吏。其子若孫。善夤緣。熟於諂媚。用世之術。得其大吏之覆翼。遂出而爲令。又數年而貴不可言矣。無何。清祚云亡。萑苻徧地。鄉居者惴惴有戒心。白壁黃金。貯藏乏術。於是退而思及匿迹城中。以爲眼前之庇護。貢裳亦入此潮流。遂購景星街曹氏之地。榜其門曰方池。鍾氏租棧。此租棧二字。若何命意。外人不得而知。揣其心。不過曰此爲鍾氏收租之屋。鍾氏固方池村人也。在此不過暫居耳。棧者。旅館棧房之謂。棧房非暫居之所乎。

無何鍾氏大興土木矣。其建大門焉。若教堂。其建大廳焉。四面玻璃。若種花者之花房。其建後樓焉。若車站。其建書室焉。若崗亭。其建竈突焉。若電燈廠。其建倉廩焉。若監獄。一宅之內。怪誕不可言喻。而貢裳不爲怪也。其命名尤足令人發噱。大門卽余所云六字。命其大廳曰殿楮堂。蓋自詡楮墨之曾達殿廷也。命其樓曰麥充樓。蓋以登樓觀稼。自擬也。命其書室曰藝透室。蓋言造詣藝透澈也。會有辯給之流。過而誦之曰。堂名田鼠樓名陌銑室名泥腿。彼將自呈履歷耶。貢裳聞之。敢怒而不敢言。

自貢裳大興土木。而近地之居民受其苦者。更不可言喻。此如山如阜之瓦礫。必令畚局昇之鄉間曠野之區。然當移運之時。泥硯狼籍。瓦粒載途。適逢細雨。行路者沾足沒徑。時被顛蹶。向之言論。輒怒目不問。加之木材起運。更驅逐臨河洗衣淅米之婦孺。毀岸損牆。概置不顧。窮民切齒。路人側目。無如富貴賤階級。九天九地。莫敢誰何。惟有飲泣而已。

然而貢裳之雄心猶未已也。貢裳於大廳落成之日。徧招城內之鉅紳及大腹賈。先數日。更裝電燈十餘盞。似此巨大之第宅。淺淺電燈。似不敷用。不知彼因電燈公司之無

電表不能察其電量。彼已隱向春申江上。購百支燭光之燈。私自布置。開筵之日。與馬盈門。而余友平紫甫亦與焉。夫紫甫非畏其貴也。亦非慕其勢也。徒以近在一牆之隔。則睦鄰之誼。自不能全捐。不知一飯之飽。受其隱禍。不復淺鮮。此固紫甫當時不及料。抑亦閱者諸君所不能料也。

越一二日。貢裳以道謝爲詞。造紫甫家。辭意摠謙。備極親善。將行矣。忽言曰。僕廳之南牆。聞與君家相比。未知然否。紫甫曰。然。貢裳曰。彼處爲內室乎。抑書齋乎。可否請導觀之。紫甫曰。是爲僕讀書之所。不妨寓君之目。遂偕貢裳入後園。略事觀覽而出。明日。貢裳遣其司帳者。管庶鈕。往謂紫甫曰。敝東與君爲近鄰。君又爲謙讓。君子敝東因大廳南牆太高。場又狹小。夏時南風不易吹入。未免嫌其炎熱。敝東擬雇工將君家之牆略事折低。其所費之值。均由敝東擔任。此事諒君必能許可也。紫甫聞其言。不禁失笑。既而曰。是殆鍾君之戲言也。余牆造於前。君家構屋於後。余之牆固非他人所能干預也。管曰。不聽。亦由君意。余家固非善與者。紫甫曰。是何言歟。余不願聞君之言也。拂袖而入。管乃逡巡去。

臘鼓送冬去。爆竹迎春來。觀燈節後。紫甫方擬與余作鄧尉之遊。無何法庭之通知書送達矣。諦視之。則紫甫被控矣。原告何人。鍾貢裳也。所控何事。則竟謂紫甫恃勢佔地。擅建高牆。破壞風水諸款。末更云。公民備有地址丈尺。立有四址界石。懇請勘驗。不確情甘反坐等語。紫甫閱畢。不禁大怒。乃念貢裳之觀後園。庶鈕請拆牆。均爲控余之先聲。無如余固購自曹氏。今曹氏尙有人在。契據完全。余何懼哉。乃與相善之法律家謀具詞法庭。力辨其誣。此時之紫甫。固自謂操必勝之權矣。

余與紫甫相交有年矣。彼有事必告余。獨於此事。則未嘗見告。是非紫甫之薄余也。正紫甫之厚余也。彼蓋知余之不諳法律。不願以余素不研究之事。強屬余研究之。無何批示矣。批示云何。則勘驗定期也。

此着在紫甫本無所懼。然初亦不之料。紫甫自問良心。無絲毫虧損。我不佔人。亦不虞人侵我。是時法庭之推事。爲王青恆。王與紫甫亦相識者也。門前輿從喧闐。法警擎槍峙立。此神聖不可犯之推事王青恆。率其所部。如期而來。其勘驗之次序。則先鍾而後平。入鍾之門。紫甫固隨往也。牆之東西。各豎平姓之界石。繼又入平姓之宅。鍾亦偕來。

迨入後園覓鍾氏之界石。無有也。

王謂鍾曰。汝稟詞中。爲立有界石一方。今乃無有。豈爲平所私拔也。平欲置辨。鍾撓言曰。公民原圖。載明界石立於牆之東南隅。離牆五寸。今東南隅有雞埭一所。蓋勘驗之。紫甫曰。敢問推事。勘驗界石乎。抑勘驗雞埭乎。王曰。汝勿言。且候余勘驗。飭役揭去雞埭之瓦。推其矮牆。此其中有何物乎。則轟然界石也。其文曰。鍾殿楮堂界。貢裳撫掌曰。如何。吾固知其鬼蜮技倆也。紫甫覩狀大駭。幾至發狂。陡聞伺候一聲。推事歸去矣。紫甫目覩衆人之陸續出。迷惘久之。不作一語。佇立庭中。忽有拍其肩者。紫甫回顧。喜而言曰。君于何時來乎。余何未之見耶。余曰。余來久矣。紫甫曰。余其敗訴矣。余曰。是不能逆料。余觀推事王君。頗多疑竇。彼於埭中界石。若早有把握。入門卽注目於彼。余敢問君。君於埭中之石。有所知覺否。紫甫頓足曰。冤哉。余購此地。尙在光緒三十年後。彼貢裳之建宅。乃在去年也。烏有未購地而先立界石者乎。即使有之。余之爲人。亦不肯作此狡詭技倆。余曰。然則埭中之石。其飛來石乎。紫甫曰。君於此時猶作戲言乎。余曰。是非戲言。君試思。二三尺高四五寸厚之界石。一人舁之。而不勝。何從入君之屋。又何

從入君之雞埭中乎。且余觀界石深陷土中一尺許。決非片刻所能竣事者。意其別有狡謀乎。

紫甫乃招余入其書室。有頃。則言曰。君之理想頗有意味。君對於界石之事。有所疑議否。余曰。侵佔他人之地。固以界石爲重要之點。所可疑者。石不現於他處。乃得之於雞埭中。誠爲人意料所不及。試言君家於造牆時。果有侵佔之思想。曷不并此界石而去之。又胡爲隱藏於雞埭乎。且雞埭必經泥匠之手。乃不虞泥匠之漏洩乎。何況君購在前。彼購在後。人所共知。卽曹氏亦尙有人在此事。余敢斷言爲貢裳之毒計也。

紫甫曰。彼果何從而植此石乎。余曰。貢裳殆穿窬之流亞耶。君不觀雞埭之後牆。乃無石灰藻飾。此卽斷定爲彼家從外挖入者也。余意歲尾年頭。畜雞者殺雞渡年。埭中必空虛無物。彼卽乘此隙而作挖牆埋石之舉。君家烏從知之哉。紫甫笑曰。然哉。余得證據矣。余牆不虞其佔也。余曰。此淺淺之證據。猶不足滿意。余當更覓確實之證據。余觀鍾之界石。均刻鍾界二字。獨於此乃刻堂名。可於石廠一探。且彼挖牆亦必須泥工。倘併泥工而覓得之。則衆証確鑿。彼當無可遁罪。以法律言。彼於侵佔毀物兩罪。固已成。

立一面。再與曹氏之原售者。出其舊契。一視之。貢裳雖狡。又何辭以辨哉。紫甫曰。謹謝盛意。余以此事託之於君。君幸爲我一偵之。余笑曰。所惜余不諳法律。否則當爲君之辨護士也。紫甫乃大笑。余遂言別。

紫甫之訴辨也。余前已言之。乃與某法律家計畫者也。今茲變起非常。彼法律家亦一時無措。蓋彼所學習之法政講義。固未嘗有此墻中界石之名詞也。計無復之。惟有就余之第三策。與原主曹氏商之。滿擬得曹之舊契一觀。事非當可立辨。無如曹氏竟言舊契已失。莫得追求。然曹亦有言。謂售於平者若干。售於鍾者若干。當時實無絲毫重疊。今鍾掩去曹之丈尺。而以界石爲憑。石有新舊之不同。於此已得滿足証據。固無待舊契之得與否。卽得之。丈尺亦不過總數耳。法律家聆此言。亦深以爲然。

余今將敘一酒肆矣。此肆設於慶星街之北口。有桌四五。坐椅二十許。每當夕陽在山。嗜酒者恆聚飲於此。顧其流品。至爲猥雜。大半爲縣署之差役地保之夥。附近之流民。與夫石工泥木諸匠。笑言啞啞。手擊其案。足蹈其杌。非醉不歸。非打不已。然在肆中。則極樂觀之。以爲如是。則生業方盛。碎盆摔碗。不虞其不償也。流血剝膚。不虞其被累也。

於是此輩酒徒益肆無忌憚。卽崗警亦畏之如虎而莫敢誰何也。

某日傍晚。余過此酒肆。第見呼聲甚高。衆皆立於桌上。圍觀如堵。牆忽見一胖大者大。詈而出。余識其爲西門石匠丁福。余聞其詈曰。汝以吾爲無知耶。今年財神生日（卽正月初五）非汝來定界石乎。囑余一日爲期。余聽汝言。乃一夜不寢。今乞汝請余一壺汝猶靳而不肯。可知汝之心術矣。汝果得錢多少乎。言未已。一瘦小者出而長揖曰。乞汝勿言。余實乏錢。明日再請汝。丁曰。此言稍覺有理。須知牆洞瘦小掩其口曰。余知之矣。明日明日定請汝。遂徜徉而去。余乃問肆主。彼瘦小者何人。肆主曰。此沈七也。素爲泥工。此間鍾宅之工頭也。余聞其言恍然。遂匆匆走告紫甫。囑其設法招此二人爲証。

余不諳法律。余已屢言之矣。無如自此以下。彼鍾平之交涉。純然爲法律問題。余將何以措辭耶。余將約略述之耳。世之大法律家。讀此篇必當啞然失笑矣。

紫甫之辨訴又上。貢裳之履控又來。定期傳訊。兩造齊集法庭。彼矮小之王青恆推事。足穿緞靴。上御緞褂。首覆常禮帽。目帶吒力克。于于而至。法警持槍立正以迎之。乃南

面高坐。無何。開庭矣。無何。問訊矣。無何。辨論矣。又無何。退庭矣。余時列坐參觀。第覺空氣窒塞。黑暗。無光。直至紫甫呼余。余隨之行。方覺光天化日。須在法庭以外。始見之也。至其辨論之要點。貢裳直以紫甫侵佔爲辭。雞塹之造設。卽爲希圖滅迹之確証。而紫甫之辨。一則曰。造牆在前。再則曰。界石係新鑄。三則曰。縣契丈尺不誤。若証人丁福。則有石廠之帳冊。書明初五承造鍾殿楮堂界石一條字樣。沈七則供認初十夜半。遵鍾之令。挖平姓牆立石。推事見衆証確鑿。無所用其駁詰。乃以定期判決爲詞。於是推事于于而入內矣。

孰意此定期判決四字。直不啻推事王青恆之廣告也。紫甫不喻其意。坦然返家。飭工斥去雞塹。并欲拔去其石。余時在旁。力阻之。且曰。姑俟判決。須令貢裳自拔其石。乃爲正理。紫甫允余言。乃不拔。

不數日。判決矣。其判決之全文。今不復錄。一言以蔽之曰。紫甫侵佔之罪成立。讀者諸君。讀余書至此語時。必大笑。必大詈。其笑惟何。笑余之譎言也。其詈惟何。詈余之不明法理也。不知此中委曲。初無深意。既非余之譎言。亦非余之不明法理。其所以出神入

化。迅。雷。不。及。掩。耳。具。有。此。高。尙。法。律。者。蓋。貢。裳。納。五。千。金。於。王。推。事。也。王。既。受。此。五。千。金。法。律。雖。具。在。而。此。五。千。金。之。魔。力。更。在。法。律。之。上。於。是。舍。本。求。末。不。得。不。爲。此。違。法。枉。律。之。舉。動。以。曲。媚。此。五。千。金。使。紫。甫。而。早。計。及。此。紫。甫。必。不。敗。訴。然。余。料。紫。甫。固。未。嘗。不。計。及。此。也。獨。是。紫。甫。肯。拋。擲。其。家。產。之。半。於。公。益。之。事。獨。不。願。納。諸。違。法。枉。律。之。徒。嗚。呼。噫。嘻。此。紫。甫。之。所。以。爲。紫。甫。也。此。法。律。之。所。以。爲。法。律。也。法。律。云。乎。哉。

余。草。此。篇。乃。在。紫。甫。敗。訴。半。年。之。後。既。成。乃。示。之。紫。甫。紫。甫。曰。是。亦。偵。探。小。說。也。了。福。沈。七。苟。不。得。君。偵。獲。更。無。覓。此。確。切。之。証。據。也。余。歎。曰。法。律。欺。人。証。據。亦。安。所。用。哉。紫。甫。笑。而。不。語。出。其。手。中。之。紙。扇。授。余。曰。余。錄。前。人。之。詩。於。扇。君。盍。讀。之。余。示。其。文。曰。千。里。書。來。只。爲。牆。讓。他。三。尺。又。何。妨。長。城。萬。里。今。猶。在。不。見。當。年。秦。始。皇。

余。閱。竟。還。之。紫。甫。點。首。不。已。

評。曰。強。權。世。界。固。無。所。爲。法。律。也。作。者。欲。以。偵。探。戰。勝。法。律。亦。不。自。量。耳。今。慶。星。街。之。鍾。姓。第。宅。日。新。月。異。雖。然。不。知。能。久。守。否。也。爭。勝。一。時。究。不。足。爲。福。焉。

三萬元

月落。參橫。之候。燈昏。人靜。之時。城西中元巷。有一高樓。雙扉緊閉。闌寂無聲。是間本爲偏僻之所。樓爲茶室。日間不過輿夫走卒息肩之地。至夜。卽行人寥落。爐火掩熄。況此半夜將過。宜乎蕭瑟如墟墓矣。樓本臨街。門外乃有一短衣少年。鶴立鶩視。側耳而聽。彼蓋自謂一人立於此間。更無雜響擾其耳膜。於是沉心凝志。一意觀察樓上之人。約七八輩。錚錚鏗鏘。隱約在樓之後。軒其聲圓轉一聆而知。爲規劃銀幣其數。乃至數千。少年旣熟聞之。乃逡巡而去。出巷時。突有一黑衣者。掠少年之肩而過。少年亦不爲意也。

此十月初事也。距此八月前。西城綠水灣頭。有一工人。業泥水者。村居無俚。乃沽飲於酒家。耳酣面熱。自樂其樂。日已夕矣。忽有拍其肩者。回顧之。乃城中千頃堂方姓之僕人。孫有福也。孫曰。晏金。汝乃閒暇耶。晏曰。邇日城中戒嚴。吾儕小人。出入不易。以致工作皆無。幸有餘錢。乃在此買醉耳。孫亦嗜酒。遂同座對酌。有頃。孫曰。此來本有所奉告。汝願得財乎。晏曰。固所願也。財從何得乎。孫曰。汝欲得財。且從吾入城。晏曰。入城恐不及矣。孫曰。吾有對牌。不虞城之不入也。晏曰。如是則可卽行。孫曰。汝且回家。整理作工。

之器具。余待於此。速去。速來。晏允之。須臾。偕孫行。既入城。竟造方姓家。面其主人。卽方吉舟也。方曰。命汝來。本無他事。余於去冬。新構之屋。汝尙憶之。晏曰。得無宅後之一椽乎。方曰。然。晏曰。屋中曾挖灰也。（富家拭牆之石灰。必於屋內挖地作深池。以水化灰。歷半年而用之。）今不知增滿否。方笑曰。增矣。此屋四面高牆。僅一小門。今春。屢出。鬼怪拆之。可惜。故命汝來。汝爲我塞此門。晏曰。此易事耳。明晨。余當呼工人來治事。方曰。不可。須汝一人。於今夜竣其事。晏曰。堵塞小門。乃須夜間耶。方曰。然。事竣。予汝十元。孫乃導晏出。至小門。門已鎖。晏乃與孫共運磚石。家中固有灰泥。取用極易。破曉而竣事。方付值。晏稱謝而去。

千頃堂者。街名也。非個人之宅第也。千頃堂之後街。爲老唐宮。余今且敘老唐宮之銅器店。店極小。有樓一楹。店中人均臥樓上。日間造諸器具。乃在樓下也。樓後。傍人之高牆。設肆。年餘矣。沿街置一舊木欄。壁上遍懸所造之銅鎖。銅鍊。銅勺。銅鈕等。案與地板。塵積如鋪桌幃。如襯絨毯。蓋自設肆以來。未嘗一掃除也。店中人姓章。兄弟三人。長名全。次名兆。幼名苓。全任縣役。次幼均業銅作。幼則分居於轅前街。章兆有姊。嫁於中元。

巷宋氏姊弟四人。皆嗜姻好賭。九月二十七日之傍晚。兆與其姊忽大衝突。互相詈咒。至夜乃止。越三四日。其姊設筵款其弟若兄。備謝前日之無理。人咸見其姊金釧。金戒。輝煌耀人目也。

竹青河畔。有樓一楹。其樓前臨街。面河。左右及後。均荒場。樓乃危峙其中。樓中有一婦人。李其姓。性甚暴戾。彼固無近鄰也。然其遠鄰亦畏之如虎。不敢與之語。李婦頗有資。以其資設一稻柴行。鄉人之運柴入城。舟過其樓前。婦必阻之。以賤值購其柴。販於紳宦家。所贏乃得倍蓰。如是者有年矣。十月一日。婦又大購稻柴十餘元。鄉人之與李婦固已熟聞矣。乃是日於稱量時。評價時。一反其從前。鎔銖較量之態。而婦又覓成衣。造時服。章其身。入夜則訪之者。人影憧憧。至一二時而止。

滿清運倒之後。一般業翎頂大帽者。咸受特別之損失。不得已。改作不西不中之呢帽。藉以餬口。有華欽仁者。帽業中之巨擘也。設肆於市東街。顏其店招曰華星。店業亦甚發達。顧欽仁有特別嗜好。所好維何。卽阿芙蓉也。店中耳目甚多。不便設榻。於是茶餘飯後。潛踪於中元巷宋婦家。吞雲吐霧。日以爲常。十月四日之夜。電火已明。店扉已闔。

宋婦挾一巨囊來訪。欽仁相與密談久之。宋婦去而復來者數次。店夥方出外啜茗沐浴。故人亦未以爲怪也。

余今且敍轅前之章苓矣。苓贅於席姓。席本業刻字者。設鋪有年。席死。章遂主其家。章苓既嗜烟及賭。平居相交。更無一上中人物。其刻字鋪。不過一表面耳。由是衣食不給。則以訛詐爲能事。自章二與姊冲突後。章苓則日坐店中。怡然自得。十月四日。有一人衣半舊之衣。帶深沿之帽。持銅元二百餘向章苓。換銀幣二枚。章苓計銅元之數。適合遂易之。其人持其銀幣。反覆視之。探懷出紙包。之藏於衣囊中。徜徉而去。

十月五日。正陰歷八月初九日也。月色皎潔。冷露襲人。呂湖中乃有一大舟。欸乃入此湖。舟中人影雜遝。上坐者爲孫有福。次則晏金。其下章氏姊妹四人。柴行之中。李婦木工。猶五馬販史。嘉相與舉杯狂飲。拍掌歡呼。時有一小舟中坐一黑衣人。傍此舟緩緩而過。東方將白。乃返城中。舟纔泊。忽有一少年詣岸佇立。笑謂諸人曰。呂湖之遊樂乎。諸人均不與之語。少年乃負氣而去。

余書至此。將言黃中培警長矣。十月六日之晨。余偕一少年。忽忽入署。黃謂余曰。與君

數日不見矣。君作何事消遣耶。余曰：消遣固別有在也。然而勞矣。今爲君介紹一人，庶令君亦得消遣之法。黃曰：其人乃在何處耶。余引之入。少年見黃，乃無一語。黃偕之至密室，有頃，黃出問余曰：今將若何。余曰：事本重大，然不宜遲緩。黃曰：先捕耶。抑先勘驗耶。余曰：事主未嘗發覺，在理不容余輩過問。惟社會上竟有此種惡徒，冒法肆行，不除則不足保治安。余意先捕其人爲得。黃曰：然則行矣。率警二十出署行。是日距雙十節僅四日矣。民國五年之雙十節，一般人民以帝制既倒，共和重興，其欣喜之情，咸自心坎中發出。而況吾邑人士，未受兵戈之慘，未嘗風鶴之驚，際此良辰，均一呼百應，大舉慶祝矣。商鋪則以彩錦組花，橫列簷際；各學校團體，則高懸五色之旗，臨風飄蕩；與日爭光。人不論城市鄉鎮，擁立而觀。吾儕率此一隊警士，魚貫入繁盛之區，夾雜人叢中，路人亦不以爲異。既至轅前街，直入刻字鋪，以數警守其門，行人駐足，噪問，則以查烟對。章荅聞此言，大聲曰：余久不吸煙矣。黃曰：汝第導余輩入汝臥室。荅坦然，拾級登樓，指左室曰：此吾室也。

余瞥見其臥榻之下，排列蒔花之磁盆十數枚，中有泥漬，并有碎缺者。黃則飭警啓其

衣箱。至第三箱。則發現煙土數包。荅曰。此非余物。乃友人所存者。黃曰。此非汝之罪。余不罪汝也。搜箱如前。至第五箱。箱中乃不可思議矣。

大凡家。不論大小人。不論富貴衣箱之中。萬無有藏泥。礮者。乃此箱中。竟滿貯泥。礮。荅知事不佳。思欲遁。足甫及門限。余已按其肩。笑謂之曰。待汝久矣。且少休。乃令一警梃之。黃以兩手攪泥沙。沙中散置者。皆銀幣也。爲數約一千有奇。如是者得兩箱。余曰。警長速令押此獠歸署。且扃此門。待事畢。再來搬取可耳。黃曰。諾。遂如余言。而余輩又向老唐宮行矣。

老唐宮非繁盛之地也。然以小小一銅鋪。驟有如火如荼之一隊警士。往踵其門。鄰近者莫不以爲怪。且轅前街去此亦不遠也。章荅搜煙之事。此間亦已聞之。惟語焉不詳耳。余方抵章兆銅鋪之門。瞥見有一人向西奔。余呼警急追之。則章全也。全力如虎。撲警倒地。警亦健者。就地握其足。警立而全仆矣。捕之。同入銅鋪。時余已將章兆加梏。其姊亦在。并拘之。乃勘其後室。了無所獲。遂相率登樓。兆卽據坐一木桶。大聲曰。吾輩安分良民。何罪而煩搜捕耶。黃曰。汝勿聲。汝罪固甚大也。汝且起立。此間無汝坐位。兆

乃逡巡立。余卽啓之。木桶內燦然銀幣也。余曰：是誰之物歟？兆不語。其姊則飲泣而已。余更掀其臥榻之破帳。帳墮。則見其後牆宛然粉壁。壁係新粉飾者。余曰：汝之修飾牆壁。乃至奇特。何飾於隱僻而不飾於他處耶？兆曰：是牆有滲漏處。故飾之。余曰：飾牆乃須挖此竟尺之圓洞耶？黃令警去此榻。以手撫牆。此新補圓洞之泥灰軟而且潮。謂兆曰：是胡爲者？兆不語。其姊更戰慄不已。余乃令警押章兆與章全歸署。而留其姊別雇擔夫。舁此大木桶。以警押之。亦令歸署中。

余謂黃曰：事遲或生變。且往中元巷搜之。黃曰：然。乃下樓扃門。守以一警。是時觀者又塞途矣。須臾已至中元巷。宋姓卽章姊之家也。拾級而上。不及半。有一人忽忽下見余等。乃反身上。冀欲自樓窗躍下。開窗見街中有人。不得已走匿牀後。是時余輩已完全登樓。余見室中白帳高懸。帳則閃動不已。一望而知其後有人也。余乃直前捕之。其人手援身後之櫥。堅不肯行。余用力掣之。櫥卽倒下。櫥門損而銀幣四散矣。余且不覩此阿堵物。令桔之。問宋婦曰：是何人？宋婦曰：此孫有福也。余曰：此賣主之惡奴也。旣而收拾櫥中銀幣數約萬金。亦如前法。令擔夫舁歸。拘孫及宋婦。扃其門。而余與黃亦歸署。

矣。

方余等歸署之時。此種駭人聽聞之事。街頭巷口。三人五人。竊竊作私語。一般報館訪員。削尖其鉛筆。手執抄簿。此往彼來。銑其聽覺。冀得一新鮮之新聞。無如余等深守秘密。不使絲毫滲漏。而幹練之警士。亦守口如瓶。不虛其責任。故此事不過得諸社會之理想耳。理想如何。賭耳。煙耳。外此更無從懸揣矣。

移時。黃如例。密訊章全章。兆章。苓及宋婦。孫有福等。若輩狡詭異常。或以房價對。或以田價對。或以他人之存款及會款對。而章苓之婦。更號哭不已。是時。黃已另飭探員。督警及擔夫。至轅前街章苓之家。將其銀幣兩箱。加封昇至。當庭檢點。箱中共一千有餘。木桶中亦一千有餘。宋婦之櫥中。得八千有餘。余曰。若輩固非富有者。何來此巨款耶。且此銀幣均沾有泥跡。果何自挖得乎。衆不語。黃乃令前來之少年至庭。章苓見之。先呼曰。此夏生耕也。前曾索詐余。不遂。願故誣陷余等耳。夏曰。十月初汝等在中元巷樓上。半夜數銀幣。亦余誣陷耶。五日夜間。呂湖之遊。亦余誣陷耶。余曰。不僅此也。五日夜間。汝等舟中。固不止此數人也。汝輩曾亦見余之小舟。掠汝舟而過乎。四日傍晚。余曾

以銅元易汝之銀幣。幣今在此。汝且視之。其色澤乃與之相同。汝既云他人之物。乃得以之易銅元耶。衆不語。黃令分別押之。別以密室錮夏生耕。

黃退入室。謂余曰。今將如何。余不圖若輩之狡詭如此也。余曰。以理論。今當先捕泥工晏金。以情論。則當先告諸方姓。然一經勘驗。事必徧揚。彼晏金亦狡徒也。捕之不易矣。雖然。余固有妙法招之。使之自行就余也。黃曰。此法君將若何。余曰。告白耳。黃曰。告白乃可招之使來乎。余曰。然。今且勿問。君且以正式公事往勸方屋可也。黃領首不語。

鐘鳴一下。余與黃偕便服警士四人往訪方吉舟。方聞余至。頗以爲怪。彼雖擁有鉅資。平日曾無絲毫補助公益。至此乃不得已逡巡出迎。余見其人不過一十六七之童子耳。然面目黃滯。吁氣續續。灣其背。伸其掌。仰其面。大有富翁之狀態。誠哉富翁之遺傳。性有爲生理學家所不易研究者。抑卽孟子所謂居移體養。移氣乎。黃問之曰。君家失竊。曾知之否。方曰。余家本非富有。君勿誤會。余曰。誰問汝家富有不富有。不過警署既有竊賊之拘獲。事關汝家。不得不告知耳。方曰。盛意足感。余家實未知有所失也。余曰。汝家最後之牆貼隣者何姓耶。方曰。章姓銅鋪耳。余曰。使由章姓屋中穴牆而入。則汝

家可得聞否。方曰：是鳥不得聞。惟今春已堵塞後室之門，故雖有聲，亦不可得而聞也。黃曰：君何故塞此門？方曰：以室中有鬼怪耳。余曰：此譌言也。余意鬼怪當是地中物作祟。方面亦不語。余曰：君令何人塞此門？方曰：素爲余家作工之晏金耳。余曰：晏金今在何處？方曰：是不知之矣。余曰：實告君。君所爲室中之鬼怪，恐已不翼而飛矣。汝且導余往觀之。

方乃偕余等往後室及門。門仍堵塞如故。方返身取一鐵匙來，并令僕夫運斧鑿拆去所堵物。余乘間問之曰：有孫有福者，君家之僕耶？方曰：然。今夏已斥去矣。余曰：堵門時彼在否？方曰：在此。且晏金亦彼所招來也。言頃，堵物已去。門遂現出。方投匙用力去鎖。門既啓，方速余等入。第見一小庭，亂草沒人脛。近北一小屋，無窗無門，簷際散置花盆五六。余視之，與轅前街刻字店中所見者相同。余曰：此花盆亦君家之物耶？方曰：否。余家無此物，亦不知何自來也。余曰：君且視此牆。牆係新粉飾者。方曰：果然。此牆卽與章姓相聯者也。余曰：且取一梯來，須於屋上察之。方遂呼僕。僕既去，方入室視地窖，頓足曰：敗矣。敗矣。三萬元去矣。呼聲既畢，涕泣隨之。余等亦無從解勸。須臾，僕取梯至。余登

而視之。則見屋瓦皆碎。牆上有圓洞痕。正與老唐宮銅鋪樓之牆洞穿也。

余下梯告黃。黃曰。余有不解者。彼惡徒何不就地掘之。反欲上屋耶。既上屋矣。何故又有此洞。余曰。是易解者。挖牆之舉。必出諸晏。晏固知此屋周圍均匾磚密砌。挖之非易也。故若輩乃有上屋之舉。既達目的。若輩又無此力量。足以挾物登屋而出。故於樓上挖此牆之上部。上部之磚較近地者稍薄。故易施斧斤。既鑿洞。乃由此運物近洞。彼間由洞取出之。既畢。由此飾牆升屋而出。此間草際之石灰。即其明證也。方曰。惡徒何由知此屋之內容耶。余曰。君家之富。有人盡知之。此室殆新藏者。然外人固不知也。外人而知之。實君自告之人耳。方曰。余未嘗告人也。余曰。君自不知耳。今春烽火頻驚。君乃於夜半招人堵門。非告人以室內有物之先聲乎。方曰。誠然。余悔不及料也。余曰。今幸惡賊就擒。君速具報告來署。尙有以報君也。方唯唯。黃遂與余出。

越日。黃復提訊諸惡徒。宋婦稍露微供。供出寄存之所。若柴行之李婦五百元。帽業之華欽仁七百元。孫有福則供出鐵匠邵銀寄六百元。紙作王九寄三百元。買紙烟之丁季三存六百元。賭徒胡侍堂存五百元。黃既得供。四出偵拘。幸俱捕得。并搜獲其贓。然

其數已或足或不足矣。

是日之晨報告白欄中。乃有大字登出其文曰。

現擬建造大洋房一所。如有泥工願承造者。請於兩日內。到清水弄巫宅面議。此項工程。約須五萬。承造者。無須保人。祇須先存保證金八百元。巫宅帳房啓。

此告白一出。業泥工者。莫不思染指。顧此八百元三字。尋常泥工見之。莫不咋舌。雖有其心。苦無其力。徒呼負負而已。

十月八日之午。清水弄之西偏。有一小屋。屋中有兩人。娓娓而談。一卽綠水灣之泥工晏金。其一人。在晏金心目中。固以爲巫姓之帳房。而閱者諸君。早知爲余所僞飾也。余視以造屋之圖樣。晏金細細閱之。繼卽與之論值限期。終乃謂之曰。汝旣願承造。須於今日將保證金送來。余當偕汝存放莊號。一面取銷告白。晏曰。可。四時當取來。言已遂出。

余乃走告黃。佈置一切。四時方至。晏偕其弟晏壽。挾金來。余命之坐。且謂之曰。今須將款細檢之。晏如余言。一一解視。果八百元。余暗察之。果有泥漬痕。余曰。此款。汝從何處

得來何以有此泥漬。晏壽曰：此爲余兄弟湊足者。余曰：湊足亦不妨。余問汝銀幣何來。泥漬晏金曰：是烏知之。余曰：是八百元。旣爲汝兄弟所有，烏得不知。晏壽曰：吾等承造房屋，他不必論。余曰：實告汝。余奉警長之命，待汝久矣。汝果見機，請隨余行。晏壽瞪目不語，由窗躍出，足僅着地，身已被捕。門啓，兩警入，拘晏金，并八百元，入署去。余草一取銷告白之文，付報社登之。

其明日，黃復提訊。衆見晏氏兄弟至，知不可諱，乃一一承認。章兆復供出存款五千元，在馬販史嘉屋中，史亦得八百元。晏金自認得一千元。孫有福得三千元。晏壽認得一千元。木工猶五得九百元，猶六得一百元。黃乃令警陸續拘至，就供詞所得，確爲三萬元。而綜其實數，不過如左。

章全 二千八百元

章兆 四千九百元

章苓 一千九百三十元

宋婦 八千五百四十元

孫有福 二千九百三十元

華欽仁 七百元

李婦 四百三十二元

晏金 一千七百六十九元

晏壽 八十四元

猶五 八百二十七元

猶六 九十一元

史嘉 七百九十元

邵銀 五百四十三元

王九 二百九十二元

丁季三 五百六十元

胡侍堂 四百三十元

共計二萬七千六百十八元 短少二千三百八十八元

事既明白。治之如法。方經此事。乃以其所失之數。盡充公益。而彼少年之夏生耕。亦入方之帳席。蓋所以報其德也。

評曰。以擁有巨資。平日無絲毫補助公益之守財奴。雖經鉅竊。亦天道好還耳。吾人視之。若無覩可耳。不足惜也。然按之社會上。有惡徒冒法肆行。不除則不足保治安。則此案之破獲。亦有職守者當盡之義務。頗聞案結後。方姓以所失盡充警署費。則彼章氏兄弟。警署當馨香禱祝之矣。

貓香

籬菊綻黃。渚蓮浮白。秋風多厲。早已却紈素而御袷衣矣。九月某日晨。余以恆例入警

署是時警長姓高名雲鼎。字棣素。年不過三十。而心思靈敏。意態活潑。遇事造詣之精。研求之刻。尤爲常人所未易及者。

余入其辦事室。第見高據案而坐。左手撫其所愛之貓。右手持一函。顰蹙讀之。見余入。卽命余坐。并以函授余曰。君且視之。余展誦之曰。

警長足下。僕研究圖畫有年矣。猥以家貧。遂以微業博資。聊以餬口。邇者卜居貴治。下南清街。屋旣窄小。畫室臨街。片紙黏窗。藉陽光以晒畫。計亦良得。不意昨午。一稿方畢。如恆例敷於窗檻。冀其彩色之速乾。忽有頑童數輩。上前爭觀。觀之不已。竟加奪取。此持彼斬。紙遂紛裂。當時僕正在室內。調朱弄碧。目不暇瞬。殆見此舉動。走近窗前。多數之頑童。已如鳥獸散。紙已紛飛。人亦追之不及。獨是敝居貼近崗位。該崗警何目無所覩。不加禁止耶。雖然。往者已矣。來者可及。用特繕函貴署。乞面諭崗警。嗣後對於此種事務發現。務希竭力保護。鄙人幸甚。社會幸甚。程大星啓

余曰。此種要求。真可謂無理矣。聽之可耳。警長不答。俯視其愛貓。自首至尾。自背及腹。以至耳目足爪。一一加以審察。旣竟。則閉目吁氣。久久不語。

有頃。問余曰。君知余前日之失竊耶。余訝曰。未也。所失何物乎。高曰。賊已返壁矣。余曰。誰偵之。誰破之。高曰。余未令誰偵也。而失物已返壁矣。余曰。警署中失竊耶。高曰。誠然所失。卽此貓耳。余曰。失之於何時。高曰。此貓蓄之有年。似解人意。夜臥於榻。日睡於椅。前日之晨。忽爾失踪。至夜乃歸耳。余曰。是爲家畜類之常態。烏得以失竊論。高曰。否。前日之晨。有僕見此貓。足疾向屋後去。午餐固未歸。晚膳亦未見來食也。不特此也。報告失貓之家。固已屢見不鮮矣。大抵皆失於晨間。夜則仍歸。乃至署銷其案。余初亦疑其妄。以爲此特鄰兒羈縻之耳。不足論也。孰知每遇失貓。必同時有七八家。或九十家之報告。余意每次失貓。必有十餘頭。而又同時歸來。諒必有人設法招致之也。余聞北京一帶。每至冬令。貓之皮毛豐澤時。每有行竊之而售其皮。故人之蓄貓者。必雜剪其毛。使不適用。而後貓不注人目。而生命可保。若夫南省。固未有此舉動也。且彼售貓皮者。貓一被竊。卽不生還。今茲各家之報告。固以晨失而夕得也。尤可怪者。不先不後。同時有十餘家之得失。斯可怪耳。若余之貓。固亦以前日之晨。入此潮流者。余昨日曾令人監視之。乃一無脫兆。亦未嘗見其狂奔疾走。現有特殊之狀。余今更偵察其毛澤。亦略

無損傷天下萬無有招致羣貓而以飲之食之爲快者且又具何法可於同時招致羣貓乎君今且視余貓有所心得否

余乃撫貓之首繼爲之爬搔其頸細視之貓睛黃白各異卽俗所爲金銀眼者渾身雪白左右耳際及尾略現黃色毛長及寸骨軟爪斂余撫之良久又復躍入高之懷間嗚嗚而睡矣高乃置之榻上任其酣眠余思高之談論頗似獸醫以堂堂警長乃注意於一貓不亦可哂然旣任余以偵查之責矣余又不能不加以研究余謂之曰警長貓之生涯託迹於屋巔樹際余烏得躍登瓦上以偵之哉幸君示余以報告失貓之地點余當偵貓之原有地位或有一綫光明也高曰然卽檢簿命余抄錄之

余今着手偵貓矣先就曾報失貓之家一一詢之顧其辭不外晨去夜歸同時若干家若干貓數語而已正與高之言無所異余因思此失貓之家雖不下數十戶然皆團聚一處每處八九家同時失貓諒必有一人設法招致今日在此明日又在彼且貓雖家畜亦萬無終日不離人身一步者則其羣來羣往亦其自由人烏從知之惟事屢發現人遂注意及之而無如莫可探其究竟惟此種捕風捉影之事余自任偵緝以來此爲

第一難題。顧自警長之心思。料之。彼蓋謂貓雖不足道。而社會上有通天手段。貓可顯然羅致。而不畏人。復何事不可爲哉。余亦本斯義。明知徒事勞瘁。亦不敢稍事怠忽。夕陽在山。電火乍明。余行踟躕。乃至西城某街。有余之戚在彼。冀得一杯茗以解渴。既及其門。余戚適他出。門者謂余曰。先生有何事乎。余戲謂之曰。余家不蓄貓。適來鼠子作耗。囓余器物。不勝其苦。擬向汝主人。假貓一頭。以應用。門者曰。是恐不能。吾家主人愛貓甚篤。先生素知之。乃上月初旬。不知如何。貓忽失踪。主人四出尋覓。迄無所得。懊惱萬狀。余攬言曰。既失貓矣。曷爲不報警。門者曰。事固細微。奈何報警。差幸夜間歸來。遂得解主人之懷。余曰。然則汝家曾探其蹤跡否。門者曰。據內僕云。貓似向彼處旅館屋脊行去。歸時亦自彼處來。僕曾聞同時失貓者。尙有八九家。既去復來。一無所損。此誠不可思議矣。余唯唯。且謂之曰。汝主之貓。近日當益加珍護矣。余當另向他人假之也。遂舍之行。

余於無意之間。得悉貓之來蹤去跡。雖不知果有效否。然已足酬余之僕僕終日矣。乃竟叩旅館之門。此間爲陸家巷。旅館爲振通。主其事者。亦本地人也。館主與余本相識。

然以余爲本城人乃欲宿於本城之旅館彼頗注意余詭言明晨將出西城有事於鄉不及返家宿於此期便利耳彼乃深信不疑有頃延余晚餐余因奔波倦怠食僅半盂侍者曰先生何食少事煩耶余曰來汝館中食飯最多者爲幾何侍者曰是不憶矣最奇者前月有汪君者一人來此計其一人之午餐乃需飯十二碗可爲洪量矣同座者聞之譁然大笑余笑曰此言余不信汝曾目覩其食下否侍者曰此何敢欺先生館中固有帳可查也惟此汪君於夜間來此第二日終日在室中至第三日晨乃去其午餐亦在室中獨食之僕曾問其何故彼言吾食量太大若在外室食之恐招人之訕笑也余曰然則汝搬入時及收器時亦當見其果爲獨食否侍者曰彼云素性畏喧囂僕置膳於室外彼自取之既食罄彼置之原處而呼僕收之余曰彼去後汝曾檢其室內否侍者曰此不過循例耳先生何注意之深耶今茲先生之臥室卽彼所住者也余曰余亦好奇耳無他意也不知彼夜膳又若何侍者曰是不能知彼蓋外出也余曰彼之口音若何侍者曰似係北鄉人余曰汝若再見此人能識之否侍者曰能余曰然則余又得一奇友矣一笑登樓且閉室門

是時余悶坐室中。探懷出紙煙。燃火吸之。尋繹侍者之言。頗有意味。此汪姓不知爲何人。眞姓耶。假姓耶。一人而能食飯十二碗。是誠奇絕。然健飯亦男子之常事。何必畏人。苟以每人二碗計之。可供六人之口。腹使旅館中驟增五人侍者。當必有所見。且置器外室。閉門食之。似有秘密性質。噫。一事未了。一事又觸手矣。余正凝思間。紙煙已盡。起立至窗前。棄其燼餘。忽憶及余戚門者之語。遂探首窗外。遙見高樓遠聳。室內燈火燦然。蓋卽余戚之後樓也。余思貓之蹤跡向旅館而來。此窗適成一直線。縱視窗檻表面。現無數爪痕。余至此陡觸汪某健飯之特別。殆以飯餵貓耶。雖然。招之來。縱之去。又供以午餐。世必無此戇人。然就現象觀之。固未嘗不如是也。余乃啓門覓電話。告高曰。

余在振通七號。且誦曰。夜月迷離影。深林鳥返巢。銜蟬鳴不已。紅線未全拋。

電鈴錚然。余已報告秘密於警長矣。

閱者諸君。於此當有一疑問矣。疑問惟何。卽余電話中所誦之詩也。不知在局外人聞之。不過誦五絕一章耳。而自警長當時聞之。直不啻一簡單之報告也。今請一爲閱者說明。蓋夜月者。行竊之人也。深林者。旅館也。返巢者。宿也。銜蟬者。貓也。紅線者。賊之踪。

跡也。申言之。卽曰。賊尙未得。今宿旅館中。貓已得訊。當探賊之蹤跡。此係一種文字之秘密語。偵探界中用以傳達消息。非作者好爲韻語焉。

余旣以電話達高所。返身入室。將就寢。抽榻前之木屨。將置吾表。忽瞥見有斷鉛筆三枝。象皮一小方。余恐有關研究。遂拾而儲之衣中。蒙被而眠。破曉卽起。付資而行。復過余戚家。余戚吳姓。吳君適立門首。見余卽道昨日之失候。并謂余曰。吾有友席苓心。欲學水彩山水畫。而不得其師。君友甚夥。能爲之介紹一人否。余應之。忽忽而行。

余乃於就近茶肆中啜名進點。思入署訪高路過南清街口。見一家門已啓。璃窗一桁。案無纖塵。據案一少年。方靜默其容。伸紙作畫。余思此殆乞署保護之程大星也。余戚吳君欲爲其友席君求畫師。余曷不入訪之。計已定。乃叩門入。詢之果程大星也。視其所作畫。均爲鳥獸。而無山水。余不禁失望。遂問之曰。君亦作山水否。程曰。余第研究動物寫生。若靜物。則素不喜也。余乃遍視其壁間之所畫。若犬若鳥若牛若羊若狐鼠。莫不生動有致。北窗堆置未竟之稿。若走馬若飛鳥若雞雉。不可勝數。最後得一巨紙。繪一貓頭毛茸茸然。兩耳際略現黃色。眼作金銀睛。其身其足其尾。乃以鉛筆輕鈎之。程見

之笑謂余曰。此余最得意之作也。特未竟耳。君真巨眼。乃賞識之耶。余曰。此稿余甚愛。特未知何日可竟也。程曰。是不能決定。興到筆隨。余亦不能自主也。余略坐談。遂言別。是日。余仍前偵查。苦無所得。

越日。余入署。高驚呼曰。君偵緝若何。余貓又失蹤矣。余曰。余健忘。君之貓。是否頭部皆白。兩耳際現黃色。眼作金銀。毛蒙茸者乎。高曰。誠然。余曰。速繕逮捕狀。余請捕之高。曰。捕何人耶。余曰。即乞君保護人程大星也。高曰。烏有是哉。余曰。君勿疑。事不確。余甘反坐。高領首。允余之請。

余持狀偕警兩人。匆匆行。既至程處。第見窗帷密布。不露人影。余乃推門而入。程見余至。大驚。余謂警曰。監之勿使遁。程曰。捕余耶。余曰。誠然。程不語。余入視其案上。正補續其未竟之貓頭稿也。俯首視桌下。則有一木籠。籠中惟何警長之愛貓也。

余遂提籠促程行。使岡警守其門。勿令人出入。既至署。警長如例訊之。程頗恂恂儒雅。則言曰。君殆疑我行竊耶。然而謬矣。請警長先示余以逮捕之理由。高遂以報告失貓之大略告之。程曰。事誠有之。然不足證之爲我也。余曰。君且聽余言。君不嘗於上月初。

住振通旅館午膳食飯十二碗乎。君何量之洪也。程不語。余曰。不特此也。七號卽君之住所。抽屜中留有君之斷鉛。及象皮窗檻上有無數貓之爪痕。君憶之否。程笑曰。君誠細心矣。余曰。余意君之招致羣貓者。殆爲寫生畫稿耶。程曰。誠然。君真一語破的矣。雖然。此特文人狡獪耳。要不能以行竊目我也。警長曰。余署中之貓。殆亦被汝招致。今第二次矣。君胡爲耶。程曰。實愛君之貓也。第一次屬稿未竟。今日思續成之耳。

余曰。余且問君何法招致羣貓。且能使之不鳴。程曰。余得秘方。合製成香。荷焚一枝。則一里周圍之貓。聞香奔馳而至。余欲選擇神俊之貓。繪成百貓。故不厭困苦招之耳。

警長曰。君語頗足解頤。足見君之好學也。然焚香招貓。迹近怪誕。君欲洗淨嫌疑之污點。惟有盡出君所藏之香。當衆燒之。後再不爲。則案可消。而罪可逭。程點首稱允。含笑偕余而行。

旣至程畫室。啓篋得香三十餘枝。復取大紙一鉛筆十餘枝。余問其何爲。彼不語。須臾至署。置爐於庭中。燃火焚之一縷清烟冉冉上升。不移時。屋瓦震動。樹影參差不約。而同百餘之貓。遠近奔赴而至。躍伏廣庭中。警長見之大駭。參觀者哄然失聲。而程則據

案斜睨執筆。颯颯有聲。歷半時許。香煙杳絕。羣貓相率歸去。而程大星巨幅之羣貓圖。亦於是而成。警長視之大笑。遂以其愛貓與程。易其圖。程遂提其木籠。及金銀獅子貓而去。且曰。余謹謝警長保護之力。

評曰。聚貓作圖。畫稿之別開生面者也。然幸而所聚者爲貓耳。苟能聚人。則不堪設想矣。

金玉錯

光天化日之下。堂皇衙署之前。乃有一人。衣青布之衣。冠黑絨之冠。年約四十餘。矗立街中。一手指天。一手撫膺。先之以長歎。繼之以痛哭。俄而大笑。俄而頓足。汗珠被頰。面色轉換反覆而言曰。逃矣。逃矣。不知不知。

是時署門外。兩行對列之衛警。方斜立其槍。伸右足而少息。覩此怪狀。若無所知。間有迴眸誚笑者。有頃。來往之行人。漸漸駐立。街頭巷口之頑童。拾石持棒。嘩噪圍觀。付近年老之嫗。搖手促之他往。年少之婦。更懷其襁褓之兒。袒胸延頸以佇望。而是人仍不少懈。且跳且舞。口中逃矣。逃矣。不知不知八字。抑若小學校踏足進行之歌。忽也鑼聲。

刺耳一隊輿從旗旆自東而來。蓋某姓娶婦也。是人見之。則大恐。趨步直入左近之崗亭中。崗警見狀大駭。返身詢之。是人驟擊其胸。警出不意。應手倒地。迨起立。卽狂吹警笛。門前之衛警。聞聲趨視。是人則了無所懼。大聲曰。逃矣。逃矣。不知不知。衆嘩曰。是狂人也。有識之者。謂此狂人姓陸。字允岡。東門外吳村人。其人平居以長厚稱。不知其何以發狂而來此也。被毆之警。怒其無禮。力捕之。陸曰。將焉往。警曰。入署耳。陸不肯行。正相持間。余適經行其地。問其由。乃曰。無妨。汝第隨余行可耳。汝固識余。余亦素識汝也。警曰。君乃識此狂人耶。余以目止之。且曰。識之。陸乃隨余欸欸行。

當余引此狂人入署之時。諸警莫不以爲奇異。而被毆之警。尤切齒不已。苟非余之監視。狂人其將受苦矣。余引陸至一室。扃其扉。走入辦事室。警長陳任和已知其事。笑謂余曰。君將研究精神學耶。雖然。人苟患神經病。吾輩原有保護之責。特不知君之對於是人。更別有用意否。余曰。是誠有之。敢問昨日吳村吳嫗之報告。果何如乎。陳曰。吳嫗乃與此有關係耶。余曰。然。吳嫗爲吳村人。今陸亦吳村人。今晨君已勘驗。乞舉其大略告余。

陳曰。吳所報告。爲糾衆搶女。毀物毆人之事。今晨勘驗。毆人乃無實據。毀物亦不過窗上玻璃兩方而已。被告爲許晉卿。余已提許訊問。其供詞真有不可思議者。余曰。彼於吳所控者。供認否。陳曰。彼言自幼與吳姬之女阿金聯姻。疊遭親喪。延至今日而未成婚。猥以家貧。吳姬大有賴婚之舉。屢次遣媒說合。亦屬無效。不得已於昨日午。集合親朋。往吳姬家。作搶親之舉。歸即同參天地祖宗。以了夙願。余曰。如是亦大佳。許苟真有婚帖。吳姬雖嫌貧。亦不妨也。陳笑曰。君以爲滿意耶。不知自有不可料者。當余訊許之際。許亦以婚帖呈閱。不意許言夜闌人靜。親友送入洞房。覓所謂新娘者。了無所得。於是大相駭詫。有鄰近之人。謂吳姬曾來後門窺探。今後門洞啓。則新娘必爲吳姬誘出而逃匿者。一時親友咸怒不可遏。羣闐至吳姬家。詢其匿女之故。姬聞言。堅不認。反謂許搶女私藏。希圖詐陷。今雙方具稟互控矣。

余曰。若是言之。此狂人。乃大可研究矣。彼言逃矣。逃矣。四字。雖不能確知其何指。余意當不離於許吳兩家之糾葛。今且偕君往詢之。陳搖首曰。乞恕余。研詢狂人。余無此能力。余曰。君毋然。君第觀余之舉動可耳。室門一啓。余與陳歎步而入。陸見余二人。乃拍

案大怒。顧無一語可辨。繼又對鏡大笑。余乃徐問之曰。汝爲陸允岡乎。陸曰。然。汝果識我耶。汝能助我覓一人否。余曰。能。不知其人。果何姓名。陸搖首曰。不知。不知。余曰。汝識吳村之吳嫗否。陸凝思至再。囁嚅曰。識之。第不知耳。余曰。不知亦無妨。汝知吳阿金否。陸曰。不知。逃矣。余曰。誰逃耶。陸曰。不知。語至此。又焦躁不已。

陳曰。汝胡爲而至此。陸曰。我覓逃人也。陳曰。覓何人。陸曰。不知。余曰。汝胡爲見迎親之輿。從而生懼。陸曰。不迎。親必不逃。余厲聲曰。然則逃者爲阿金矣。陸曰。否。不知。不知。阿金何嘗逃耶。余曰。逃者汝相識否。陸曰。相識耳。陳曰。男子乎。抑女子乎。陸曰。男子耳。逃矣。余曰。逃於何日。陸曰。汝知許晉卿乎。余視陳而笑。陳點首曰。余固知之。陸曰。恐有一事。汝未知也。陳曰。汝試言之。陸曰。許晉卿非吳嫗之婿乎。陳曰。然。陸曰。汝知阿金果嫁許晉卿乎。余曰。恐已嫁矣。陸大笑曰。我之相識實先一日而逃也。余曰。然則阿金乃與汝相識共逃耶。陸曰。不知。我祇知阿金已爲許搶去耳。余曰。阿金搶去。與汝何干。陸嘆曰。吳嫗罵我耳。毆我耳。言次。解上衣袒臂視余曰。傷矣。余視之。乃無傷。余乃偕陳出。命警送之醫院。

繼而陳謂余曰。研詢狂人。乃至有味。余不圖狂人之言。頗有次序也。余曰。此所謂良心耳。余就其一隙之明感而通之。良心現而眞性發矣。狂無傷也。陳曰。君之意究若何。余曰。余意陸與吳許案有密切之關係。初聆其言。似阿金已逃。然阿金固爲許所搶得。陳曰。否。君不驗許之訴狀乎。彼不言夜間爲吳嫗偕走乎。余曰。不然。陸言相識之人。先一日而逃。試思阿金果先一日而逃。則許之所搶得之新娘。又何人乎。且觀吳嫗之控訴。亦未言及誤搶所惜。新娘已逸。無從辨其眞僞。余意先偵陸之相識爲何人。值得之後。則餘事可明晰矣。陳曰。君將若何下手乎。余曰。今許在押。否。陳曰。已送法庭。聞已保釋候訊矣。余曰。如是亦良佳。余頃卽赴吳村。偵查吳嫗之近狀。并詢陸平日之相識。苟其人已逃。余必設法追蹤。三四日後。必有好音覆君也。陳曰。甚善。余亦將君之行動告之。推事。余遂別陳而赴吳村。

吳村在邑城之東。去城不下十里。余乘野航而行。舟中半爲吳村人。適有一老者。自言汪姓。與陸允岡相識。正與其同伴。談陸忽爾失蹤事。余至此始知陸發狂。在鄉而不在城也。是時。旁右舷一人朗言曰。汝知陸允岡。胡爲而發狂耶。汪曰。聞人言。吳嫗與彼有

交漲耳。其人曰：允岡曾爲白村宗姓之帳席。人極誠樸。彼與吳姬有何交涉耶？汪曰：余安知之。所可憐者。允岡孑然一身。家無長物耳。舟首一人曰：此事余頗知之。允岡乃隨許晉卿入城也。汪曰：晉卿近爲布莊夥。比前略充裕矣。右舷之人曰：搶親之人。殆布在夥爲多耳。汪曰：然吳姬誠可恨。惟利是圖。搶之亦甚當。晉卿之父。與余相識。余旣目覩晉卿成婚。卽入城有事。今方歸耳。右舷之人曰：然則走失新娘。汝尙未知耶？汪大駭曰：汝何言歟？右舷之人曰：晉卿之新娘。實於夜間走失也。汪曰：怪哉！此晉卿之所以入城也。殆控吳姬耶？右舷之人曰：然不知允岡何故隨晉卿而行。汪曰：且勿論此。特不知允岡今流落何所矣。余乃言曰：允岡在宗姓時。與余相識。余昨在警署前相遇。已送入醫院。不日當可就痊也。

言已。舟停一小村旁。諸客咸相率上岸。惟余與汪。乃未行。此間去吳村僅四里餘矣。余問汪曰：君在吳村作何恆業？汪曰：南貨耳。不知君在何處爲業。余譌言米業。自稱賈姓。此行乃爲陸訪一友人耳。汪曰：所訪何人？余仰首久之。旣而曰：余真善忘。陸君於清醒時。曾爲余言。余今乃忘之矣。奈何？汪曰：是亦無妨。允岡平居寡交。其至友祇四人。一卽

余也。余再以彼三人之姓氏告君。君當易於憶得矣。余笑曰：如是亦甚善。汪曰：余與陸相交最深。外此爲村西之邵鹿萍。酒肆主人浦邦英。蓋陸亦嗜酒者也。君所訪者。是否此二人。余曰：似不類此。汪曰：若是其爲周留孟乎。余曰：周爲何業。汪搖首曰：此人乃無業者。本籍甯波。流浪於此間耳。余曰：陸本仁厚。安得有是友。汪曰：周頗有資。陸與彼稍有輔助也。余曰：周今在村乎。汪曰：彼之行蹤頗不定。近數日未嘗見。彼不知又往上海否。余曰：彼有家乎。汪曰：君殆訪是人耶。余曰：然。汪曰：彼有一妻。其住屋在陸家之後也。余曰：舟抵吳村。乞君爲余一導。汪曰：余固無事。便中不妨一導也。

余復言曰：余有友人識許晉卿。不圖君亦識彼也。汪曰：然。余曰：許胡爲而搶吳女耶。汪曰：君特未知吳嫗之可惡耳。使君而熟知吳嫗之貪財賴婚。君亦當爲之髮指。晉卿之父。二十年前。販布於塘棲。與吳嫗之夫相交甚善。厥後吳失業。偕其妻來村。不數載而吳病卒。以其女阿金。與晉卿聯姻。許更時時贍給之。此二年前事也。去年許沒。布莊盤與他姓。晉卿貧無以給。乃爲夥於布莊。比且能自立矣。而吳嫗總嫌晉卿之貧乏。婚期一再遷延。日前乃有布莊夥友仗義而作搶親之舉。今聞人言。晉卿好事多磨。新娘又

逃匿無蹤甚矣。天心人事之不可料也。

惟時夕陽在山。野航已抵吳村。余與汪登岸。逕叩周留孟之家。門啓。一婦出迎。一望而知爲春申浦上人物。繼延余二人入內。少坐。乃問來意。余僞言在申相遇。便道來訪耳。周妻曰。留孟於十二早晨出外。至今未歸。十三本與許晉卿相約往彼預喜筵。彼亦忘之而未往也。昨來一函。我又不解一字。今在此懇爲我解之。余視其郵印。乃在北港。北港者。去邑西九十餘里之大鎮也。函中言。不日卽歸。且有值錢之物不少云云。余解說之。周妻乃稱謝。余遂偕汪行。

旣出周屋。余乞汪引至警察分所。汪訝曰。往彼處何事耶。余乃具告之。且曰。余實爲許晉卿謀無罪也。汪曰。如是則大佳。余亦雅不願余友之子所事不遂也。今且偕君往警察所。夜則宿於余舖中。人有問之者。余竟以米商對。人當不甚注目。而君可易於從事也。余大慰。遂由其所指而往分所。汪則自去。余入分所。告所長以大略。并囑其密探吳嫗所長曰。吳嫗入城。猶未返也。余曰。然則周倘歸來。君等須注意其行動。及其囊橐之充。勿否。彼或思遠遁。不妨捕之而解署。余明旦卽行。不復來此也。所長唯唯。

余如約往汪之南貨舖中。相待極殷。夜則聯牀敘話。汪曰。晉卿惟不善治生耳。人極謹飭。吳嫗則一貪鄙之人耳。余曰。其女如何。有嫌晉卿否。汪曰。此則不知。然阿金余固見之。寶良女也。余曰。吳之家世。君知之否。汪曰。余亦不甚了了。余曰。女爲親生乎。汪曰。親生也。余曰。彼在此村。有親戚來往否。汪曰。未有也。彼日佞佛耳。余曰。搶親之日。君在村否。汪曰。豈特在村。余且共往也。余笑曰。君老矣。乃猶有此興會歟。汪曰。余恨吳嫗甚。亦樂觀余友之子成其好事也。余曰。君能確知所搶者爲其女否。汪笑曰。是烏待言。彼家僅二人。烏有第三人哉。余乃以陸之狂言告汪。汪曰。此狂語耳。不足論也。余復以周之形迹頗奇。囑爲留意。汪曰。余亦疑之。余意陸之發狂。實由於彼。余曰。然。余明晨返城。卽往北港偵之。有所得。當函告君。君第依余言而行。余更恐周妻之得資而逃也。汪曰。君疑周爲逃乎。余曰。然。且不止一人也。第余今尙不能確知其人耳。余遂蒙被睡。醒時天亦明。乃別汪而雇舟入城。已十時矣。

至署。晤警長。告以大略。陳曰。君於何時往北港耶。余曰。往北港有小輪。其第二班乃在下午一時。余將乘此輪而行也。陳曰。甚善。彼處有安吉旅館者。位置不亞於城中。實不

媿安而吉也。君往可宿此旅館中。余曰：承君厚意，余至時相機覓宿可已。陳曰：是何故耶？余曰：余意周留孟乎？范曰：初識耳。既而作鄙夷狀曰：余觀君似上流人物，乃識此人耶？余至此知范鄙其人，則周之流品亦可知已。余遂曰：余爲南城外米商，彼欠余店中贖乎？陳曰：殆有四五家。余曰：爲數亦不多。余今行矣。

是日下午一時，余遂乘小輪至北港，沿途村鎮均有搭客上下。至傍晚七時，方抵北港。余忽忽隨衆行，覓所爲安吉旅館者，入視之，頗清潔。余遂宿於樓上。晚膳後，余擬出外遊散，顧以地址生疏，轉多障礙，余乃閉門而睡。晨光曦微，余卽推枕起，盥洗畢，入賬房司賬者，一年老之人，自言蔣姓，爲江陰人，顏色溫和，一望而知爲富有經驗者。余與之略事寒暄，遂問曰：此間有無旅客？曰：周留孟乎？蔣未及答，突有一少年自外來，遽問曰：誰問周留孟乎？蔣曰：此賈君訪問也。此賈君卽余之僞姓耳。前用之於舟中，今用之於旅館耳。

余遂問蔣以此少年之姓字。蔣曰：此爲范廷山君，乃本港綢業之鉅商也。余乃就與之語，且曰：君識周留孟乎？范曰：初識耳。既而作鄙夷狀曰：余觀君似上流人物，乃識此人耶？余至此知范鄙其人，則周之流品亦可知已。余遂曰：余爲南城外米商，彼欠余店中

夥友之款。余知彼在此間。順便過此。擬向之索款耳。范笑曰。君來良佳。彼近日頗有錢也。余曰。君何以知之。范曰。余於前日……語未已。忽聞嗚嗚汽笛聲。范曰。乞恕余無暇多談。余今有事入城。輪將啓行矣。范遂忽忽去。余無如之何。祇可聽其去。繼思范又識周。則周必在此間無疑。惟苦於不知地址耳。

繼問蔣曰。范君來此何事。乃未與君一言耶。蔣笑曰。少年人大率性急。此旅館本范君所有也。頃余思得前三日有一周姓者。來此謁范君。彼言住履泰旅館。不知卽爲周留孟否。君盍試往訪之。余曰。是亦無妨。不知履泰在何處。蔣曰。由此往東。過一橋。卽是余曰。余姑往詢之可耳。不數分鐘。已抵履泰。問所爲周留孟者。果有其人。周見余頗駭怪。余自陳賈姓。爲范廷山之戚。周頻蹙曰。君果何意耶。此亦正明交易耳。此語甫畢。余乃不知所對。且不能以陸允岡之姓字驟顯。乃佯笑曰。汝自思之可耳。周曰。君知此女果何人乎。余聞言不禁大怪。逆料必與許吳之案有關。遂答曰。余烏知之。周曰。乃余之甥女吳翠也。貧不足贍。養流落此間。得令親范君之急公好義。乃買爲婢耳。君勿謂余得此五百元。太事便宜。余固將以此款付彼之老母也。余至此遂知其言之僞。彼所謂吳

舉者必吳。嫗之女阿金。特不知許。所搶者。是否此女。余乃謂之曰。汝真大謬。以余爲何人耶。余受范君之囑。來告於汝。范君今早赴城。囑余訪汝。范君言城中有一相當地位。爲汝謀生。託余與汝同行。須今日下午一時。乘輪入城。汝願之否。周狂喜曰。是余所願也。君往何處。屆時余准同行可耳。余曰。一時。余當來。汝速檢點行李。昨日一時。余一身自城中至北港。今日一時。余二人自北港返城中。二人者。余偕周留孟同行耳。輪中余備言交遊之廣。捏造多數之假姓名。而以許晉卿。陸允岡兩人夾入其內。不意周聞許陸二姓眉宇間。似呈一種驚異之說。余知此行之不虛。此人之不誤。乃大慰。顧不屑與之多言。隱几而臥。傍晚輪已抵埠。余謂周曰。范君去此不遠。俟客稍散。余導汝行。周曰。諾。

余乃引周近一崗位。呼警捕之。並其行囊。周呼曰。賈君。此胡爲者。余呵曰。汝勿聲。陸允岡待汝久矣。周知事不妙。乃隨警而行。逕入署。暫押之。趨告陳任和。陳曰。君歸何速耶。余曰。幸不辱命。拐匪就獲矣。陳曰。匪何人。拐何人耶。余曰。拐匪爲陸允岡之友。周留孟所拐之人。彼言吳翠。余決其爲吳嫗之女阿金也。彼已得身價五百元。蓋爲人之婢女。

耳。陳曰：賣於何人？余曰：買此女之人，卽安吉旅館之主。今晨來城，余已識之，不難覓得也。陳曰：安吉之主何人乎？余曰：其主人爲范廷山。陳曰：范廷山耶？余曰：君識之否？陳曰：余雖未相識，其人固已控吳嫗於法庭矣。妙哉！君知范爲吳嫗之次壻乎？彼蓋以妹壻而買大姨爲婢矣。余曰：是何言歟？陳曰：君不信耶？今日午後，余應推事金君之招，往詢則以范之控訴狀視余。其訴由乃髮妻歸寧，岳母匿女，懇請追緝數語。中間更敘吳嫗有二女，長名阿金，聞許字許晉卿。次女阿玉，於二年前過門，業已生有一子。一月前，吳嫗來北港，將其女阿玉領回母家。迄今四十餘日，杳無音信。迫得來城詢問，乃吳嫗一味推諉，竟云伊女早已赴北港，反言民虐待其女，必係畏罪逃亡云云。今聞君言，非妹婿而婢大姨哉！余撫掌曰：若是則許所搶者，殆卽范妻阿玉矣。陳曰：然哉！

陳乃如例訊周留孟。周知不可諱，乃供認掠賣吳阿金，並得身價五百元。在北港已用去一百三十元。陳令警搜檢其行囊，果存三百七十元。乃問其何從誘拐。周供吳嫗恐許姓來娶，一月前將阿金寄居其鄰陸允岡家。我在晉卿娶親之前一日，以看養會爲由，向陸處誘阿金，携之赴北港。陳曰：汝知阿玉在何所乎？周曰：阿玉何人？我不識也。陳

乃備文並解法庭。繼又得供如前。令范歸北港。携阿金來。先以吳嫗付看守。彼醫院之陸允岡。病亦漸瘳。令之見周。周大窘。陸則大怒。破口罵之。稠涎衝喉。出神氣。驟清。狂病因之而愈。雖然。余之事。固未有已也。余何事耶。蓋范之妻阿玉。不知遁匿何處。阿玉一日不出。此案一日不破。余之心思腦力。又須運用矣。

余正擬返家。途間遇范廷山。范曰。君亦來此耶。余笑應之。具以實告。范曰。是則受惠不淺。余真荒謬。乃買大姨爲婢。余曰。君固不知也。君之姻婭。乃搶小姨爲妻。不更荒謬乎。種種罪惡。皆由吳嫗造出耳。君今何往乎。范曰。將歸北港。請余母伴送阿金來城耳。余曰。然則君獨不爲君妻計乎。范曰。余深信余妻極謹飭。彼必隱匿於戚串家耳。余曰。君妻附近有戚串乎。范曰。是則不能知。余曰。余意卽往吳村一探其蹤跡。范曰。余意必不在吳村。君此行可免。余曰。此行誠可免。然余自有法也。君明日且行。逆計君來城時。君妻必有着落也。范遂與余別。

余乃草一詳函。寄吳村汪君。乞其詳細訶察。自攜此函。赴郵局。局中郵使。方聚讀一函。笑不可仰。余問之。彼乃付余觀。余先視其銷印。則蘇州也。繼視其面。字凡三行。第一行。

祇吳村二字。第二行則僅書母親大人收五字。其第三行則蘇胥九連橋丁宅緘。吳村與城爲郵局之走差。中有一人曰。此母親二字太嫌活動。余將無法投遞矣。且余更未聞吳村有丁姓也。余曰。汝誤矣。此寄信人在丁姓發出。非寄信與受信者姓丁。也是時二等局長亦出而觀之。乃曰。君對於此函有所研究否。余曰。然。余意受信寄信之人均姓吳也。局長曰。君胡從知之。余曰。是尙不能告君。今請許余簽字。折此函而閱之。局長曰。諾。余如言。簽字與彼視其內容。不禁鬨然大笑。其文曰。

母親大人閣下。今兵者升子安好。至青庶不套言。女兒前日不願說身故。連爺本出。現在到蘇州胥門里九橋丁老爺家種。邦工形有羊田三個在身故。而不呆見示七宿相法。弄吾回家。此請不具問安。女兒阿玉頓首。

余讀之。亦忍俊不禁。顧見有阿玉二字。乃以前事告知局長。攜此函至署。付陳觀之。陳亦不可解。余曰。他不必論。此卽吳嫗之次女范廷山之妻許晉卿夜走之假新娘也。既知在蘇。不如取之歸來。以完此案。陳曰。余可付之法庭矣。余曰。一付法庭。必備文關提。行事更多障礙。不如余令助手偕范往蘇。領之歸來。於事爲安。陳曰。甚善。惟此信多費。

解處將奈何。余曰：余試譯出之。乃另錄一紙曰：

母親大人閣下（此二字誤用）今兵者（當是敬稟者）升子安好。（身誤升句亦不妥）至青庶（當是親恕）不套言。女兒前日不原設（願失）身故連爺本（夜奔）出現在到蘇州胥門里（裏）九連橋丁老爺家種（中）邦（幫）工。形（幸）有羊田（洋錢）三個在身。故而（即故之意）不呆（礙）見示。七宿（字急速）相（想）法弄吾回家。此請不具問安（四字不通）

女兒阿玉頓首（二字亦誤）

陳曰：君之心思真特別矣。若是則此案祇須金玉歸來法庭便可判決矣。其明日范廷山隨其母伴阿金至。又明日范往蘇覓其妻阿玉。越三日而偕返。乃先後投報法庭。經推事金君詳詢一切。吳嫗乃供認先期匿女於陸允岡家。毀物毆人亦俱誣告。周留孟見阿金已至亦直認無諱。吳村之汪君更偕許晉卿入城並與范相晤。判決之日旁聽席中人以三百計。後至者攢立門外。不知凡幾。其尤注意者。即在人陸允岡之不狂也。茲將判決書錄於左方以供閱者。知此金玉錯雜之終結。金玉固未嘗錯也。

刑庭判決理由 查許晉卿雖與吳阿金訂婚。不過爲一種婚姻之預約。吳王氏即

有悔婚之意思。亦當依法訴諸法庭。以待公正之裁判。乃計不出此。而爲搶親之舉。實於社會秩序有素。要知阿金雖許字晉卿。其在未有正式婚姻之前。監督權尙在吳氏。而竟用強暴之手段。以逞惡俗。實爲法律所不許。即使搶無錯誤。仍構成刑事略誘之罪。依刑律三百四十九條之規定。處二等或三等有期徒刑。惟許晉卿因吳王氏先有悔婚之意思。而出此行爲。審其心術。情跡尙合輕減之列。依刑律五十四條之規定。減本刑二等。處五等有期徒刑。刑期二個月。惟周留孟以詐術拐賣婦女。刑律略誘之罪。當然成立。當此人心奸詐時代。斷難寬容此等匪徒。若不盡法懲治。不足以安社會而寒匪膽。依刑律三百五十一條之規定。處無期徒刑。褫奪公權。全部終身（下略）

評曰。一部偵探案。偏以法律文字作結。作者果何恨於法律哉。此天憤之所以爲憤也。

中國新偵探

中華民國廿五年十月重版

（有著作權）
（不准翻印）

著者 評閱者 出版者 發行所 總經理處 外埠經售處

定價低

實售國幣二角四分

外埠遠近酌加郵運費

俞天愼

徐枕亞

中原書局

中原書局

上海河南路交通路七至九號

錦章書局

廣州北平漢口

錦章書局

成都長沙各埠

82

